



kat komp

58809

Mag. St. Dr. P

Fryderykowi Dominii: Turres me-  
tropolitanæ Cracovienses divinarum  
benedictionum abundantia etc. etc. exor-  
natæ, nitidæ etc. nec non theologicis  
tractatibus honoratæ. Crac. 1692.






*Teol. 4075*



XX. 2. 12.







LIBRARY

OF THE

CONGRESS

OF THE

UNITED STATES

OF AMERICA

WASHINGTON

1850

NO. 1

1850

1850

1850



# T V R R E S S

METROPOLITANÆ CRACOVIENSES

Diuiinarum Benedictionum Abundantiâ

Cælestium Sanctorum Patronorum Custodiâ

SERENISSIMORVM REGVM BENEVOLENTIA

Doctissimorum Virorum Præstantiâ

Plurimorum erga Rempublicam Meritorum Gloriâ

Nobilissimorum Ciuium Frequentiâ

EXORNATÆ, DITATÆ, CIRCVMVALATÆ

NEC NON

Inter exorientia Nati Saluatoris

DOMINI NOSTRI IESV CHRISTI

Cælestia Xenia.

THEOLOGICIS

D. THOMÆ AQVINATIS.

Quinti Ecclesiæ Doctoris

SVPERINSCRIPTIS TRACTATIBVS

Amplissimo & Nobilissimo

*cl. et Andree Gbalschi flor. et.*

SENATVI METROPOLITANO

Debitæ Venerationis & Gratulationis ergo

DATIS, DONATIS, DEDICATIS

Publicâ Mediante Disputatione.

Per P. F. DOMINICVM FRYDRYCHOWICZ  
S. Th. Doctorem, ac Generalis Studij Prouinciæ Poloniae Conuentus Cra-  
couiensis Regentem Ordinis Prædicatorum.

AD GLORIOSAM PERENNITATEM  
HONORATÆ, MVNERATÆ, CELEBRATÆ

Anno Honoratæ per VERBI DIVINI assumptionem  
Naturæ Humanæ. M. DC. XC II. Kalendis Ianuarij.

CRACOVIAE.

Typis Francisci Cezary, S. R. M. Illustriss. ac Rndiss. Dñi Episcopi  
Crac. Ducis Seueriæ, Necnon Scholarum Nouod. Typogr.





58809-III





GLARISSIMIS, NOBILISSIMIS SPECTABILIBVS  
 AMPLISSIMISQUE VIRIS  
 PROCONSVLI CONSVLIBVS  
 Totique Inclyto Senatui Urbis Cracouiae  
 Regni Poloniae Metropolis  
 D. Dominis ac Patronis Colendissimis  
 Diuinam Benedictionem & Salutē.



**E**ELIX faustumq; noui Anni exordium, Amplissimo Vestro Senatui dum gratulor ex animo PATRES CONSCRIPTI, in Metropolitanis Turribus vestris, Aquinaticae celsae, iuxta duodenarium laterum numerum, duodecim exaro Tractatus Theologicos, exorando, ut pro totius anni singulis mensibus, à Supremo Theologiae Authore DEO, omnia singulis & singula omnibus caelestia proueniant xenia. Et certe prima Turrium origo, per instructos à Protoparente posteros est excitata ad scientiarum inscriptionem, promulgationem, & conseruationem: Aereant hi, Latericeam aliq; Architectante Setho aedificauere Turres, quarum singula omnium Scientiarum insculptae characteribus, Aerea contra aquarum diluuium, Latericea contra acrimoniam ignis, ad scientias perennandas sunt elaboratae. Hanc eandem felicitate, & Vestra Metropolitana gloriantur Turres, imò abundantiori, intra quarum latera, maximorum DEI beneficiorum thesauri reconduntur. Quippe intra Vestras Turres pretiose Sanctorum Patronorum SS. STANISLAI, VENCESLAI, FLORIANI, HYACINTHI, CANTII, MICHAELIS, aliorumq; Virorum (quorum memoria in benedictione est) honorificentissime quiescunt Lipsana tam numerosa, ut externorum hospitum iudicio, GRACOVIA ALTERA ROMA nuncupetur, AD SANCTITATEM. Intra Vestras Turres, Coronam, Sceptrum, Pomum, ac vniuersa Regum insignia, Totiusq; Reipublicae munimenta & thesauros, Fundator ac Pater Vester Monarcha CRACVS conclusit AD SECVRITATEM. Fidei Doctores ac Apostolos Septemtrionis Protocatholicus REX MIECISLAVS intra has adduxit primò primus AD EVANGELII VERITATEM. Plus Sanctitate quam Sceptri Maestate insignis BOLESLAVS PVDICVS, intra has, praeminens iuris Teutonici exivit Tribunal, AD AeqVITATEM. Bellis fortissimus & triumphis candidissimus LESCONIGER, intra easdem, gloriosas deposuit aureolas, adscriptis iure perpetuo intra Equestris Ordinis Album Cracouiensibus AD NOBILITATEM. Gloriosissimus IAGIELLO Totius Reipublicae Parnasum, non alibi, ast intra Metropolitanas Turres fundandum iudicauit & fundauit, Ut haec ipsae Metoposcopia ducerent in alios, quae insignium Virorum praeuere & abundauere adores AD MAIESTATEM. Magna haec Vera Virtutis encomia sunt, quae totum Regale Orbis Poloni adimplent bellorum ac triumphorum amphitheatrum: non tamen desunt longè maiora, imò adsunt maxima, quae Totius Ecclesiae calculo probata, laudem, honorem, ac Venerationem immortalem promeruere. Enimuerò in Vno Tuo Patricio STANISLAO HOSIO Verticem gloriae attigisti o Cracouia! in ipso Eminentissimo purpureum Senatûs Apostolici promeruisti paludamentum: in ipso Athleta fidei supremum Sacri Concilij Tridentini Praesidem induisti: in ipso Gentibus & Regnis (quadrages reimpressis diuersarum Nationum idiomate Cathedismi ab eo compositi exemplaribus) fidem Catholicam praedicasti, roborasti, dilatasti: in ipso Senatoriam Togam, Varmiensemq; Episcopatum in gloriam possedisti: Et quòd maius est, ni HOSIVS ELECTVS stetisset pro Ecclesia, Hostis Lutherus Ecclesiam in Polonia deuastasset. Nec parem quoq; aliqua Metropolum consecuta est Munificentiae laudem, cum non in ipsarum sed in Vestrarum Turrium reclinatorio, sedem fixerit ABVNDANTIA. Hanc sanè amplissimam ipse maximus Christianorum Imperator, Augustissimus CAROLVS, Serenissimus, CASIMIRVS Polonorum: LVDOVICVS Vngarorum: SIGISMVNDVS Danorum: PETRVS Cypriorum, Reges; Excellentissimi, OTTO Batavorum, ZIEMOVITVS Masouiorum, BOLESLAVS Suidnicensium, VLADISLAVS Oppolienisium, BOGVSLAVS Siecinenisium Duces: Supremiq; Poloniarum Proceres stupuere, approbauere, honora-



honorauere; His omnibus Cracouia congregatis **VENRICVS** Proconsul Cracouienfis, **REGIO-**  
**RVM CONSILIORVM MODERATOR** in domum suam inuitatis, splendidissimum conui-  
uuium permagnifico apparatu dedit, & ditissima munera omnibus distribuit; quã necdum in Ci-  
ue priuato visã per Orbem liberalitate, & magnificentie Polona auxit splendorem, & in obla-  
tis donis, aut Alexandri Græcorum, aut Augusti Romanorum emulatus est honorem, idq; beati-  
ore animo, Ille, Summis Principibus distribuendo, aut Summi Principes inferioribus conferendo.  
Iam verò quis sufficiat Tuos ô Cracouia enumerare Cives Metropolitanos ac Turrigeros Sena-  
tores, qui ob præclara erga Rempublicam merita, Nobilissimarum Familiarum ac Senatoria-  
rum Prosapiarum extitere Principes? quis Cataphractos ad clauam milites in Swarczijs? quis  
prudenterissimos Hispanicam Augusti expedientes Legatione Nuncios in Fogieluederijs? quis edisse-  
rat primos in hoc Regno Iurisprudentie ac Medicina Doctores? quis dignè celebret omnium sci-  
entiarum de medio Vestri instructissimos Professores? Quos omnes iuro perpetuos, Vosq; Præ-  
sentes ac futuros ob eximiam scientiarum ac meritorum amplitudinem, Serenissimus Vniuer-  
sa Reipublica **SENATVS** in suos asciuit Confratres, & inter Serenissimorum Regum connu-  
merauit Conelectores. Hinc & ipsimet Serenissimi Reges, immediatã post Coronationem Dies, sa-  
cris Regalibus induti, Coronã & Sceptro insigniti, toto comitante Senatu Serenissimo, Vestram  
Curiam accedere, & Vos, inter omnes federatas Ciuitates, in Primas Fideles adscribere &  
connumerare consueuerunt. Emerita hæc sunt, non a calamo excogitata, sed progenita à Virtu-  
te, descripta in fastis, profecta à præscis sæculis, Vestra Vera laudis elogia, & hucusq; iuro here-  
ditario possessa immobiliter. Tanto igitur splendore Vestro, occurrit Aquinaticus SOL, splendo-  
ribus ut addat splendores, repercussos à Vestrarum Turrium luce radios, duplicato fanore rece-  
perurus, Et profecto ita liberaliter duplicatos recipit, quia hæc, quæ Angelico ore docuit, dum  
Vobis Amplissimo Auditorio, Totiq; fideli Populo, ex ArchyPresbiterali Exedra Mariana à Beati  
**IVONIS** temporibus Divo **HYACINTHO** eiusq; Filijs collata, iamq; Predicatorij  
Ordinis quinq; sæculorum irrigata sudoribus, ossibusq; nostris adnata, dum (inquam) Vobis per  
suos discipulos salutis documenta denuntiat, Duo Talenta à Vobis se percepisse gaudet: Primum,  
Charitatis in omni necessitate misericorditer subleuantis; Alterum. Manutentione penes ean-  
dem Exedram, nos stabiliter conseruantis. His cum duobus talentis maximis, intra Vestrarum  
Turrium habitacula, iam quinto decurrente sæculo domesticè commorantes vel hoc quoq; ti-  
tulo gloriamur, quod dum Vos **LESCONIS NIGRI** in Predicatoria Sanctissima **TRI-**  
**ADIS** Ecclesia Beatam spem expectantis, suprema Nobilitatis ac Libertatis beneficia per eum  
Vobis collata recollitis, eius reconditi ad Maxima Ara latius septentrionale pretiosi busti Cu-  
stodes, nobili ac generoso affectu cumulare nostis: gratitudinem proinde recompensare procu-  
rantes, debita regraditudinis in Turribus Vestris imprimimus Theologica Syntagmata, Dura-  
bunt illa ad perennitatem in Turribus Vestris, quæ Inuidissimus Serenissimi **IOANNIS**  
**III.** Epaminunda bellicosior, Enchippi Argiuorum Regis felictor, triumphis Claudij Imperatoris  
Romanorum **GLORIOSIOR GLYPEVS IMMORTALI GLORIÆ OR-**  
**THODOXÆ NATVS**, defendit, protegit, ac à ruina & internecione præseruat. Ergo  
legat hæc ex Turribus Vestri eruditus Orbis, cui in Vobis tot Doctissimi Professores Virtu-  
tum exhibentur, quot Turrigeri Senatores numerantur. Aliorum huius sæculi Sapientum (Di-  
no attestante Paulo) euacuabitur Scientia, aut Vestra in Turribus Vestris exarata, Fidei Ca-  
tholica erga **DEVM**, Pietatis erga Ecclesiam, Fidelitatis erga Rempublicam, incontaminata  
perennabit Theologia. Ita exorat, ita exoptat, ita indelebiter subscribit.

**AMPLISSIMI SENATVS VESTRI,**

*Clieus addictissimus & Exorator,*

**FR. DOMINICVS.**

*m. pp.*



IN NOMINE DOMINI.  
S V P R E M A  
SACRÆ THEOLOGIÆ  
N O B I L I T A S.



HEOLOGIA creata Viatorum Scholastica, verè est Sacra Doctrina. *Ratio.* Quia Theologia nostra originatur ex præexistenti Sacræ Fidei cognitione; iam autem Omnis doctrina omnisq; disciplina ex præexistenti fit cognitione. *Tum quia* SACRA DOCTRINA siue supponat pro Doctrina reuelata *in se*: (qualis est Fides) siue supponat pro Doctrina reuelata *in suis principijs*: (qualis est nostra Theologia) abstrahendo à ratione *crediti & sciti*: adhuc tamen Sacra Doctrina prout sic indifferenter accipitur, quia potest *Disiunctiue* supponere tam pro Fide, quam pro Theologia, ideoque sacro titulo nostram potest coronare Theologiam quæ est sermo de Deo sacratissimo.

II. NECESSITAS Theologiæ est pro his: 2. & ex his quæ per se 3. & quæ per accidens spectant ad Fidem. *Ratio primi* Quia Fides Articulorum iuxta D. August: à Theologia *Gignitur* generatione dispositiuâ non effectiuâ; iam autem Fides non habetur genita sine euidencia credibilitatis mysteriorum Fidei: quam euidenciam sola facit Theologia. Secundò, Fides à Theologia *Nutritur*: nam Doctores Sancti Sanctæ Ecclesiæ sunt vbera quibus lactatur, iuxta illud D. Pauli 1. Corinth. 3. *Lac Vobis potum dedi.* Tertiò, Fides à Theologia *Defenditur*: *inbrior*: quia per Theologiam Cōtradictories impugnâtur, cōvincuntur, & damnâtur. Quartò, Fides à Theologia *Roboratur*, ex vno articulo arguendo ad alterius confirmationem. Sic D. Paulus in Corinthijs, ex præterita resurrectione Christi, roborauit futuram Vniuersalem resurrectionem 1. Cor. 15. *Ratio 2di.* Quia suppositâ Fide articulorum necessariò sequitur scibilitas plurium Conclusionum ex articulis deducibilium per illationes necessarias. v.g. *Christus est Deus & Homo*, ex hoc articulo infertur. Ergo *Christus est Viuens vitâ Increatâ & viuens vitâ creatâ.* *Ratio 3ti.* Quia istæ Propositiones: *Deus est.* *Deus est Vnus*: Prima Causa: Vniuersalis Prouisor: & similes: licet *per se* attingantur à Metaphysica, vt pote habentes cum nostro intellectu proportionem; *per accidens* attinguntur à Fide, inquantum ex creditis articulis inferuntur.

III. QUALITAS essentialis Theologiæ Viatorum est, quòd sit Habitus substantialiter scientificus: 2. sicut & Beatorum. 3. per se non obscurus. 4. scientiæ Dei & Beatorum subalternatus. 5. quoad entitatem supernaturalem. 6. & tamen per se acquisitus. 7. idem numero remanens in Patria, qui hic acquiritur in via. 8. specie distinctus ab Hæreticorum Theologia. *Ratio primi.* Quia Theologia est Virtus intellectualis, quæ versatur circa Conclusiones. Ergo solum *Vel* est habitus scientiæ: quia iudicat de omnibus rebus per altissimam Causam s. Deum, & per altissimas rationes s. articulos Fidei, prout docetur 1. Cor. 2. *Spiritalis homo iudicat omnia.* *Vel* est habitus scientiæ, quia attingit infallibiliter Verum per discursum. *Tum quia* Theologia nostra est cognitio certa circa res Diuinas cum maiori certitudine & firmitate discurrens, quam vlla scientia naturalis circa suum discurret obiectum. *Tum quia* Theologia nostra est Euidens tam *Euidentiâ virtuali* sita in certitudine omnes alias scientias superante, quia sola suas Conclusiones reducit ad principia reuelata omnem naturalem certitudinem excedentia; quam *Euidentiâ Radicali*, quia postulat coniungi cum Lumine gloriæ, & scientia Beatorum cui subalternatur.

*Ratio 2di.* Quia Beati, si *intra Verbum* cognoscunt, tunc more Diuino, in ipsomet Deo prius cognito, vident omnia mysteria: attamen verè rem per suam Causam euidenter ex parte obiecti cognoscunt: si autem *extra Verbum*



lum attingunt aliquod obiectum, tunc per verum discursum inferunt suas Conclusiones. *Ratio 3<sup>ta</sup>.* Quia Theologia nostra procedit *per se*, ex his quæ Lumine gloriæ videntur in Patria: at ex conditione imperfecta Viatorum & per accidens procedit ex præmissis de fide: ex quibus Theologia recipit *obscuritatem* tanquam prædicatum accidentale. *Ratio 4<sup>ta</sup>.* Quia scientia Beatorum & Nostra, habent Deum pro Obiecto essentiali: Beata quidem Deum prout est *in se*, immediatè reuelatum reuelatione visionis; Nostra verò Deum, quatenus ex ipso reuelato suè clarè suè obscurè deducit Conclusiones. Et per hoc *esse reuelatum*, explicatur conditio extranea seu differentia Accidentalis, in Theologia nostra, quam addit supra obiectum (i. *Deum ut est in se*) scientiæ Beatæ subalternantis. *Ratio 5<sup>ta</sup>.* Quia Theologia (loquendo de supernaturali quoad entitatem, quod scilicet solum à natura ut eleuata causari potest, qualis est vg. actus Charitatis) habet obiectum supernaturale intrinsecè, ex parte rationis *Qua & sub Qua*, attractum mediatè s. medio discursu; ad differentiam fidei, cuius obiectum ex vtraque ratione est intrinsecè supernaturale attractum immediatè, non quidditatiuè (quod fit in Patria) sed connotatiuè, & medijs speciebus creatis Deum pro hoc statu repræsentantibus, quibus vititur Fides. *Tum quia* tam Certitudo habitus Theologici est supernaturalis, quia desumitur ex lumine supernaturali scientiæ Diuinæ: quàm Euidentiā radicalis, est supernaturalis, quia Theologia ab intrinseco exigit, & ex natura sua habere euidentiā & claritatem à scientia Beatorum supernaturali; iam autem Nil naturale pro sui perfectione potest exigere formam supernaturalem. *Ratio 6<sup>ta</sup>.* Quia ex parte nostri dantur Vires supernaturales quæ possunt habitum Theologiæ causare: & tales Vires, est habitus Fidei supernaturalis, seminarium Theologiæ: sicut lumen naturale principiorum, est seminarium scientiarum naturalium. Quocirca prima Demonstratio quā primò generatur Theologia solum est à Principio per se infuso, s. à Fide: vnde quando intellectus ex vtraque præmissa de Fide vult inferre assensum Conclusionis Theologicæ, tunc Deus infundit illi auxilium supernaturale transiens, quod ad primū assensum & primam demonstrationem eliciendam concurrat, tanquam supplens vices habitus Theologici: ipsa autem Fides concurrat tanquam causa adæquata & permanens, ex cuius permanentia, habitus Theologiæ euadit permanens; ad secundarias autem demonstrationes Theologicas concurrat elicitivè ipse habitus Theologiæ. *Ratio 7<sup>ma</sup>.* Quia Theologia nostra non est *per se* & essentialiter obscura (sicut fides) sed tantū *per accidens*, i. ratione statūs quem habet in nobis Viatoribus, in quo regulatur per Fidem & obscuram cognitionem: Ergo quando homo mutat statum Viatoris in statum Comprehensoris, simul cum illo Theologia mutat statum obscuritatis sibi accidentaliter competentem, in statum Euidentiæ & Claritatis sibi ab intrinseco debitum: quemadmodum & Charitas viæ, à libera transit in necessariam in Patria: semper eadem manens numero: quia Libertas non est Essentia sed quidam modus accidentalis est Charitatis, conueniens ei ratione statūs Viæ. *Ratio 8<sup>a</sup>.* Quia Theologia nostra innititur reuelationi Fidei: & hæretica propriæ existimationi. 2. Nostra deducendo ex articulis Fidei suas Conclusiones, habet infallibilem certitudinem suarum Conclusionum: at hæretica deducendo ex Fide acquisita fallibili suas conclusiones, solum existimatam habet certitudinē. Imo Theologia dæmonum & damnatorum est verior Theologia, quàm Hæreticorum, Quia Fides dæmonum ut pote coacta innititur argumentis infallibilibus, s. signis & portentis in confirmationem nostræ Fidei factis; quæ argumenta respiciunt hæretici. Dammati quoque habent Fidem purè illustratiuam intellectus, quia sic credunt quod nollent credere & ex hoc quod credunt coactè, possunt Theologicas deducere Conclusiones, solum intellectus illustratiuas.



Nos Catholici habemus Fidem supernaturalem, non solum *illustratiuam* intellectus, sed etiam *affectiuam* Uoluntatis ad bonum; unde ex hoc quod credamus liberè & meritoriè, possumus Theologicas deducere Conclusiones, & intellectus illustratiuas, & uoluntatis accensiuas.

IV. VNITAS Theologiæ nostræ est specifica a thoma, prout se extendit tam ad partem speculatiuam, quàm practicam moralem: 2. siue procedat ex duabus de Fide, siue ex vna de Fide, & altera euidenter nota. *Ratio 1<sup>mi</sup>.* Quia Theologia procedit per luminis Diuini certitudinem; iam autem Lumen Diuinum est efficax ad attingendum simul, & ea quæ sunt ab opere naturæ s. speculatiua: & ea quæ sunt ab opere nostro s. Moralia; consequenter & Theologia Nostra, sub vna ratione formali obiectiua, attingit vtramque lineam, inquantum s. omnia probantur & deducuntur ex immediatè reuelatis. *Ratio 2<sup>di</sup>.* Quia Theologia omnes suas Conclusiones infert ex præmissis de Fide, & easdem resoluit in solas præmissas de Fide, quantum est *ex se*: dum verò Theologia ex vna de Fide, & altera naturali infert Conclusionem Theologicam, talis Conclusio innititur soli præmissæ de fide, quantum est *de se*: quantum verò est ex conditione subiecti, præmissa naturalis habet se per accidens; ideoque Theologia siue procedat ex vna præmissa de fide: siue ex vna naturali & altera de Fide, semper tamen est æqualis & eiusdem certitudinis attentâ Essentiâ & naturâ scientiæ quantum ad *per se*: licet sit inæqualis attentâ conditione subiecti, quantum ad *per accidens*. T. q. Intellectus plenè percipiens vim Antecedentis simplicis, non indiget ad inferendum maiori *Vel* minori, sed solum tunc, quando non percipit adæquatè vim illatiuam Antecedentis. Ergo quia noster intellectus est imperfectus, hinc ex vi Diuinæ Reuelationis hanc præmissam: *Christus est homo*: cum plenè non percipiat esse adæquatam causam huius Conclusionis: *Christus est risibilis*: ideo addit hanc Vniuersalem ex sua imperfectione *Omnis homo est risibilis*: In Patria noster intellectus extra Verbum discurrens addit Vniuersalem; ex libertate, non ex necessitate imperfectionis.

V. FINIS Theologiæ est speculari Deum & operari propter Deum, ideoque Theologia ex parte finis est simul Speculatiua & Practica 2. & est formaliter vtrumque. 3. primariò tamen Speculatiua & secundariò Practica. *Ratio primi* Quia subiectum Theologiæ Deus, & est summum speculabile: & est summum regulans per modum vltimi finis nostrarum actionum; & sub vtrâque ratione in diuersis Tractatibus attingitur à Theologia. *Tum quia* Theologia sub vna ratione formali s. sub cognoscibilitate mediata & virtuali se extendit ad ea omnia quæ pertinent ad scientias Speculatiuas ac Practicas. *Ratio 2<sup>di</sup>.* Quia Theologia ex reuelatis à Deo, probat Diuina Attributa Deo conuenire; iam autem Ratio Speculatiui consistit formaliter in processu resolutorio Conclusionum ad sua principia speculatiua. Similiter Ratio Practici scibilis consistit formaliter in processu operis directiuo, hoc est in resolutione operationum ad principia Practica; iam autem Theologia formaliter circa consecutionem Vltimi finis per nostros actus, multa demonstrat ex reuelatis de Deo, reducendo illa ad prima principia practica fidei, hoc est ad regulas & præcepta Diuina ac naturalia, quæ scilicet in S. Scriptura reperiuntur; consequenter formalissimè est Speculatiua & Practica. *Ratio 3<sup>ty</sup>.* Quia Theologia principaliter agit de rebus Diuinis, & secundariò de actibus humanis, secundum quod homo per eosdem ordinatur ad Diuinam cognitionem. *Tum quia* Fides cui innititur Theologia, primariò est speculatiua inquantum inhæret Primæ Veritati, & secundariò Practica inquantum per dilectionem operatur. T. q. Sicut ad scientiam Dei pertinet agere primariò de Deo, vt immediatè connexo cum bonis diuinis: & secundariò vt connexo cum bonis creatis; Ita ad Theologiam (quæ est formalis participatio scientiæ Dei) attinet



attinet primario agere de Deo vt connexo cum bonis diuinis, demonst-  
do ex reuelatis ei Diuina Attributa conuenire: ast secundario de Deo vt  
connexo cum actionibus nostris humanis. *Hinc solus Deus sub ratione Deitatis*  
est obiectum Theologiæ primarium; & *Deus Incarnatus* est obiectum secun-  
darium; licet tam Deus sub ratione Deitatis, quàm Deus Incarnatus *per se*  
pertineant, ad Fidem, verùm diuersâ perſeitate: nam Deus per se ſpectat  
ad Fidem perſeitate obiecti primarij: & Deus Incarnatus, ſpectat per se ad  
eandem, perſeitate neceſſitatis ad ſalutem, quia myſterium Incarnationis ne-  
ceſſitate medijs neceſſarium eſt credere ad ſalutem, nam per hoc myſterium  
habemus ingreſſum in gloriam filiorum Dei.

VI. OBIECTVM formale *Quod* Theologiæ noſtræ eſt Deus ſub ratione De-  
itatis: 2. Ratio verò formalis *ſub Qua* eſt reuelatio virtualis & mediata. *Ratio*  
*primi.* Quia omnia de quibus tractat Theologia, conſiderat ſub ratione Deitatis  
ſeu Quidditatis Diuinæ, prout hoc nomine exprimitur *Deus*: tractat enim The-  
ologia de alijs ſecundùm quod dicunt habitudinē ad Deū, vt ad principiū &  
finem: & de ipſo Deo tractat per ſe, cū ſit ſermo de Deo. *Tum quia* Idem eſt  
obiectū principiorū ac Totius Scientiæ, cū tota Scientia contineatur in prin-  
cipijs; iā autē Principia Theologiæ ſ. articuli Fidei habent pro Obiecto ſpecifi-  
catiuo Deū, *Vel* tanquā Subiectū de quo credit: *Vel* tanquā rationem formale  
motiuam ad credendum: ideo ſub prima conſideratione articuli fidei reſpi-  
ciunt Deum ſub ratione Deitatis, & tanquam ſubiectum ſeu obiectum ſpecifi-  
catiuum (dicimus enim, illud quod cognoscit Theologia, eſſe *obiectum*, & illud  
de quo cognoscit, eſſe *ſubiectum*) & ſub ſecunda conſideratione eſt Deus vt  
prima veritas reuelans; conſequenter & Theologiæ idem eſt obiectum quod  
& Fidei, ſecundùm primam conſiderationem. *Ratio 2di.* Quia Theologia per  
reuelationem mediatam diſtinguitur, *tum* à fide, quæ innititur Diuinæ reue-  
lationi immediatæ; *tum* à Metaphyſica quæ innititur lumini naturali & abſtra-  
ctioni paſſiua. Articuli Fidei dicuntur eſſe *immediatè* reuelati: & Concluſiones  
Theologiæ dicuntur eſſe reuelatæ *mediatè*, inquantum præcontinentur in  
articulis Fidei virtualiter, *aut* tanquam effectus in cauſa, *aut* tanquam pro-  
prietas in Eſſentia quæ per diſcurſum deducitur.

VII. SCRIPTURA SACRA ſub vna litera habet ſenſus quatuor: 2. nul-  
lusque Sacre Scripturæ ſenſus literalis eſt nociuus ac mortiferus. Primum  
docetur illis Verſibus.

Litera geſta docet, quid credas Allegoria?

Moralis quid agas? quò tendas Anagogia,

*Ratio 2di.* Quia ipſe Chriſtus Ieſus approbavit ſenſum literalem Math. 19.  
illud Genefcos 2do: repetendo. Quam ob rem relinquet homo Patrem &  
Matrem, & adhærebit Vxori ſuæ, & erunt duo in carne vna. *Tum quia* illud  
Apoſtoli 2. Corinth. 3. *Litera occidit, ſpiritus autem viuificat*: ſi intelligatur de  
vero ac germano ſenſu, verificatur: *Vel* de veteri teſtamento, quod obſer-  
uandum mandat id, quod iam obſeruari non debet: quales ſunt leges iudicia-  
les & Ceremoniales quæ iam ceſſauerunt. *Vel* quia in tali ſenſu ſiſtere non  
debemus, ſed ſtatim ab illius lectione recurrere ad ſpiritualem; *Vel* ſi intelli-  
gamus de Decalogo: hinc quia præceptis Decalogi promulgatis, peccati vin-  
culo obligamur, & ſupplicio afficimur: & tamen non à Decalogo, ſed à Gratia  
Dei, ad explenda præcepta Vires accipimus; ideoque Litera iubens occi-  
dit, & Gratia redundans inſpirat ſalutem: *Vel* tandem Litera occidit  
eos qui tranſgrediuntur Legem Moyſi: & ſpiritus Euangelij ſi depre-  
henderit mortuos, viuificat per Baptiſmā nobis collatum,  
per IESVM CHRISTVM in ſæcula glorioſum.

A M E N.



5  
TVRRIS GRATIANOPOLITANA  
AB OMNI VENENO PROCVL.

Hyacinthino Tuo imminet Capiti.

Clarissime Nobilis & Spectabilis Domine.

D. HYACINTHE ŁOPACKI.

Philosophiæ & Medicinæ Doctor.

PROCONSVL PRVDENTISIME.

Gemma es, Flos es, Hyacinthus es.

Substantiua Tuæ Virtutis Nobilitas

AB OMNI VENENO PROCVL.

ERGO

Benè se locat in Tua Gratiarum Turri

SVPREMA SACRÆ THEOLOGIÆ NOBILITAS

Quæ gloriosa ex sua progenie, est

HYACINTHINVM SALVTIS PERPETVÆ ANTIDOTVM

Hincque Soli exambit inscribi Tuæ Turri, quæ extat

AB OMNI VENENO PROCVL

QVIA EST

MONOCEREA. \* CYGNEA. \* EBVRNEA. \* NIVEA.

Ob insignem erga  
DEVM Pieta.

tatem. Here-  
ticos respu-  
ens pesti-  
feros.

ob suauem

oris & cord:

Harmoniam.  
Sophistas con-  
dénas du-  
plicatos.

ob incōtaminatā

promissæ fide-

litatis stabili-  
tate mendaces  
proscrib:  
Labanos.

ob candidā

senilis iu-

dicti Matu-  
ritatē. Le-  
ues arcēs.  
Roboamos.

I D E O Q V E.

MENECRATICA \* HIPPOCRATICA \* PHILIPPICA \* CRINICA.

extra mercedem

præstans

medellā

extra Lybithinam

Extrahens

Vitam.

extra suspic:

Mag:curans

Alexandros

extra Aspec:

nō præscribens

pharmaca.

Gratissima hæc ex Gratia Poli Quadratura

I A N I C A I S O C R A T I C A A R E O P A G I C A C A T O N I C A.

in Proconsulatu

in Rostris

in Tribunali

in Senatu.

Hyacinthinam Tui Nominis præseferens amplitudinem

Æsculapij Phanicem Te seculis commendasset

nā Feliciora Pola.

Pares Galeno ex Te protulisses. Antonios.

etiam Togato VINCLERORVM Sanguine illustris.

Præminentem Tantarum Virtutum Nobilitatem

IN TE HYACINTHO HYACINTHINA PROPAGO VENERATVR

Pectori Tuo Gratiofo superinscribendo ac imprimendo

Supremam Sacræ Theologiæ Nobilitatem,

Quia Totus Nobis factus es.

TVRRIS GRATIANOPOLITANA.



T V R R I S C Y Z Y C A.

MVLTIPlici SVAVIOR ECHO.

Tuo TVLLIANO deferuit Honori.

Clarissime Nobilis ac Spectabilis Domine

**D. ALBERTE SLESZKOWSKI.**

Philosophiæ & Medicinæ Doctor, S. R. M. Secretarie.

In Tui amplioris Honoris ornamentum

**SVPREMA SACRÆ THEOLOGIÆ NOBILITAS,**

Prætendit etiam Tuâ suauiori deprædicari suadâ.

Viatrix Theologia echo est Beatricis.

*Beatrix vno loquitur Verbo, Viatrix multiplici Symbolorum  
idemmet pronunciat eloquio.*

**P R O I N D E Q V E.**

Multiplici Tuæ Tullianæ Eloquentiæ Lydio.

*Sese offert inscribenda, celebranda, promouenda, cingendaq;*

*Multiplici Te circumstantium virtutum Coronâ.*

**AMITHAONIS, ARISTOGENIS ac CRITOBOLI.**

intra arcana naturæ inuexit Te

**TRIVMPHALIS CVRRVS.**

Sarmaticæ D. IAGELLONIS Athenæ,

Apuriferum cum Pomponio propinauere Pactolum.

Vt Tu ipse Patauinam Coronam dum coronabaris  
coronares.

**SIC CORONATVS DOCTOR.**

*Vt agras mortalium mentes curares, Metropolitanus persuasit Arcopagus.*

*Tibi Catoni ob restitutos mores statuam Censoriam erecturus.*

**NVNC ERECTAM TE ARCHIMEDE VENERANDO CAROLINAM**

Tam Clarissimo Filio Academicis Ecclesiasticisq; Exedris dicato

**ILLVSTREM**

Quàm Cælo natis **CELESTONIBVS, MVCHARSCIISQVE**  
**Æsculapijs claram.**

*Et hoc in Tuum cedit Honorem*

*Quod Casari olim dixerat Varro Geminus*

*Qui apud Te ô Casar audent dicere, Magnitudinem Tuam ignorant  
qui non audent, Humanitatem.*

Tu solus Isocrates Varrum Geminum superasti

Quia & magnitudinem Sacrarum Maiestatum nosti Secretarius.

Ac Regum Humanitatem promeruisti, quorum Aduentum

ad Urbem & Coronam panegyricis præuenisti salutationibus,

Perennabit igitur resonans Tua Fama

*Viuet adhuc, stringetq; Vagis sermonibus aures*

*Gloria Magna Tui quam nec ventura silebunt*

*Lustra, nec ignota rapiet sub nube Vetustas.*



# A L T A

## DIVINÆ EXISTENTIÆ, DEMONSTRABILITATIS, ac QVIDDITATIS COGNOSCIBILITAS.



**D**EUM ESSE. est per se notum secundum se: 2. non tamen quoad nos Viatores: 3. clarè tamen quoad Comprehensores, hæc Proposition: *Deus est*: est per se nota: 4. Etiam puer perueniens ad vltum rationis in primo instanti, nequit ignorare inuincibiliter Dei veri Existentiã: 5. Nec in decursu vitæ de prædicta Propositione potest dari in aliquo ignorantia inuincibilis. *Ratio primi.* Quia istius Propositionis *Deus est*: Prædicatum est idem omnino cum subiecto sumpto secundum se: Et hoc modo ipsamet Essentia Diuina intransitiuè ad aliam Virtualitatem est Esse à se; nec in Deo distinguitur *Ens nominaliter* ab Ente *participialiter*; ista enim tantum locum habent in his quæ habent Esse ab aliò. *Ratio 2di.* Quia nos viatores pro hoc statu, cum non cognoscamus quidditatiuè Deum, ignoramus quidditatiuam notitiam huius Propositionis: *Deus est*: & eius notitiam per discursum ex creaturis acquirimus; iam autem Propositionis cuius notitiam habemus ex aliquo magis noto, procedendo ad minus notum, non est Propositionis per se nota quoad nos. *Ratio 3ti.* Quia Existentiã Diuina est de Essentia Diuina prout est in se: & hoc modo à Beatis attingitur; iam autem Illud est per se notum alicui, cuius prædicatum clauditur in ratione subiecti vt cogniti ab ipso. *Ratio 4ti.* Quia Deus iuxta illud D. Ioan cap. 1. *Illuminat omnem hominem Venientem in hunc mundum.* Quæ Illuminatio principaliter debet esse de Existentiã supremi Legislatoris, ad quem tenetur se conuertere iuxta illud: *Conuertimini ad me in toto corde vestro*; Et hoc conuersionis Præceptum obligat omnem venientem ad vltum rationis: nemo enim legi se subdere valet, nisi prius Legislatoris cognoscat Existentiã in particulari; Ipsa autem Conuersio debet esse talis, ad quam sequatur collatio gratiæ habitualis remittens ei peccatum Originale. Hinc Deus obligans puerum ad talem conuersionem, tenetur ei dare sufficientiam *ad posse adimplere* tale præceptum: sufficientia autem hæc incipit à cognitione Legislatoris, consequenter Deus tenetur illuminare puerum, dando ei fidem de Legislatore. *Ratio 5ti.* Quia iuxta communem Theologorum doctrinam, Præcepta legis naturæ, non possunt inuincibiliter ignorari. Ergo neque Deus: cum ille sit Author & Finis talium præceptorum. *Tum quia* Ignorantia inuincibilis excusat à peccato: iam autem ad Rom. 1. ignorantem Deum dicuntur inexcusabiles.

II. DEMONSTRABILITAS Existentiæ Dei de fide tenenda est, posse nimirum demonstrari solis viribus naturæ de Deo quod existat: 2. non tamen à priori pro hoc statu: 3. Valideque à Doctore Angelico Atheismus: 4. ac Polytheismus gemit expugnatus, humiliatus, annihilatus. *Ratio primi.* Quia iuxta D. Paulum ad Rom. 1. *Quod notum est Dei* (id est quod ratione naturali potest agnosci) *manifestum est in illis*: (id est in Gentilibus Philosophis omni prorsus lumine fidei destitutis) *Deus enim illis manifestauit* (naturale infundendo lumen s. intellectum) *inuisibilia enim ipsius* (s. Essentia, Virtus operatiua & Diuinitas, Vltimus omnium finis) *per ea quæ facta sunt* (tanquam per medium ducens in cognitionem Dei) *intellecta conspiciuntur.* Ergo quia iuxta allegatam D. Pauli auctoritatem ac Doctoris Angelici explicationem) Existentiã Dei demonstratur per ea quæ naturalia sunt s. per lumen actiue demonstrans, quod est Intellectus, & per medium naturale s. per Creaturas sensibiles; ideo ex solis Viribus naturæ Deum esse posse demonstrari secundum fidem est asserendum. *Ratio 2di.* Quia vt à Priori solis viribus naturæ demonstratur Existentiã Dei, Medium talis Demonstrationis debet esse *Quod quid* ipsius



ipſius Dei. Et tale Medium eſt nobis pro hoc ſtatu incognitum, quia Theologi Viatores Quiditatem Dei opinantur conſiſtere, alij in *Intelligere radicali*: alij in *actu*: alij in *Aſeitate*: alij in *Immaterialitate ſumma*: alij in *collectione Diuinorum Attributorum*. Quarum opinionum pluralitas, manifeſtè declarat, quòd ſuas Concluſiones non poſſint reſoluere in principia certa & euidentia; iam autem Demonſtratio à priori, quæ ſolis viribus naturæ haberi poſſet de Deo, deberet eſſe certa & euident. *Rationes 3tj.* Contra Atheiſtas ſeu negantes Exiſtentiam Dei ſunt quinque. *Prima* Datur Vnus primus Motor omnia mouens, ipſe tamen eſt omnino immobilis. *2da.* Datur primum Efficiens: quia Omne quod fit & cauſatur, ab alio fit & cauſatur. *3tia.* Datur aliquod Ens neceſſarium, à quo omnia contingentia Eſſe participant, & in illud reducuntur. *4ta.* Datur aliquod Ens ſummè perfectum: & tale Ens eſt Deus. *5ta.* Datur ſupremus Gubernator & Prouiſor qui ſingulas creaturas, etiam, cognitione carentes in ſuos fines ordinat & dirigit. *Rationes 4ti.* contra Polytheiſtas ſeu pluralitatem Deorum admittentes. *Prima* Deus eſt eſſentialiter ſingularis: vt pote Ens per Eſſentiam; iam autem Eſſentialiter ſingulare eſt immultiplicabile. *2da.* Deus eſt ſummè magnus; iam autem ſummè magnum, par & æquale habere nequit. *3tia* Deus eſt ſimpliciter infinitus in omni genere; iam autem Infinitum ſimpliciter tale, cùm contineat omnes perfectiones omnium generum, non poteſt eſſe niſi vnum. *4ta.* Deus eſt ſummè Bonus quo nihil melius excogitari poteſt; iam autem Melior eſt illa natura in qua plenitudo eſſendi, ita eminenter ac vnità continetur, vt extra illam nihil ſit, niſi ab illa deriuatum, quàm illa extra quam reperitur aliquid omnino independens & imparticipatum. *5ta.* Deus eſt prima cauſa omniũ, ideoq; vnus: *partim* quia in rebus creatis, quod optimum reperitur, eſt Mutua vnitas: iam autem quod optimum eſt, debet proſciſci ab vno optimo Primo Principio: *partim* quia omnis multitudo & pluralitas debet reduci ad vnum: *partim* quia virtus vnita fortior eſt, quàm diſperſa.

III. QUIDDITAS DEI metaphyſicè conſiderata, non conſtituitur collectione omnium attributorum & perfectionum: 2. nec ratione Entis à ſe: 3. nec Exiſtentiæ: 4. nec intellectione per modum actus ſecundi: 5. ſed prout Quiditas Dei nomine *Eſſentia* ſignificatur, ſic conſtituitur per immaterialitatem completam, ſeu per rationem ſubſtantia per ſe purè ſpiritualis: 6. prout verò nomine *Natura Diuina* explicatur, ſic conſtituitur per radicem intellectionis comprehenſiua Dei: 7. non tamen ratio Eſſentia & Naturæ virtualiter diſtinguitur in Deo. *Ratio primi.* Quia Conſtitutiuum Metaphyſicum Quiditatis Diuinæ, eſt ille conceptus, in quo, noſtro modo intelligendi habetur prima radix omnium Diuinorum attributorum; ſicut in creatis, id dicimus Eſſentiam, quod radicat omnes perfectiones creatas, quæ in aliquo ente creato reperiuntur; iam autem Conſtat ex omni perfectione Diuina, quia formaliter conſtat ex perfectione *radicante*, & ex perfectionibus *radicatis*, ob virtualem inter illas ordinem ac diſtinctionem: (vt patet inter intellectum & voluntatem, & inter ipſa Abſoluta & Relatiua) hinc eſt quod tale Conſtat, noſtro modo intelligendi, habet ſe ad omnes perfectiones, ſicut ſe habet Totum ad partes, ex quibus cõaleſcit: proindeque ſicut Totum non intelligitur radicare ſuas partes, ita nec Conſtat intelligitur eſſe prima radix Diuinorum perfectionum. *Ratio 2di.* Quia Conſtitutiuum Differentiale Dei, debet eſſe id, ad quod omnia quæ ſeq. iuntur comparantur vt proprietates; iam autem ad *Eſſe à ſe* iſta prædicata *Eſſe immateriale*: *Viuens*: *intelligens*: noſtro modo intelligendi non comparantur tanquam proprietates: *partim*, quia in ipſis creaturis (ex quibus argumentamur ad Deum) ſpectant ad Eſſentiam: *partim* quia in linea ſubſtantia nec ſunt prædicata ſuperiora ad *Eſſe à ſe*: nec ad gradum Entis habent ſe conſecutiue. *Ratio 3tj.* Quia Exiſtentia virtualiter diſtinguitur in



tur in Deo ab Essentia *partim*, quia Conceptus Obiectiuus Essentiæ explicati-  
uè est extra conceptum Existentiæ: *partim*, quia in linea *Essendi*, Essentia di-  
cit actum primum, & Existentia actum secundum: sicut ratio veri principij  
dicit actum primum, & ipsa operatio actum secundum in linea *operandi*: quæ  
lineæ in creatis *realiter*, translata in Deum *virtualiter* solum distinguì debent.  
*Ratio 4ta*. Quia Intellectio per modum actûs secundi, est intellectio per modum  
operationis: & de ratione operationis est, quod supponat in re rationem  
principij à quo oriatur; iam autem Essentia & Natura Diuina, neque re, neq;  
ratione præsupponit aliquod principium, cum ipsa sit prima radix attributo-  
rum & operationum, proindeque intellectio per modum actûs secundi, ne-  
quit esse constitutiva Naturæ Diuinæ. *Tum quia* Intellectio per modum actûs  
secundi, constituit Naturam Diuinam, *aut*, sub conceptu vltimæ actualitatis:  
*aut* sub conceptu actionis, & prout intelligitur vt egrediens; *tunc inquiri*: A quo  
Intellectio vt actio intelligitur egredi? an ab ipsa vltima actualitate per quā  
actio constituitur in esse actionis, & distinguitur ab actualitate principij ope-  
ratiui quæ est actus primus de linea operatiua? an verò ab alia actualitate per  
quam natura præsupponitur ad actionem constituta? si dicatur primum: di-  
cetur falsum, nam cum impossibile sit intelligere actionem egredi à principio,  
quin intelligatur ipsam vltimam actualitatem actionis egredi à principio, af-  
firmandum erit, quod ipsa vltima actualitas actionis egrediatur à seipsa; quod  
nullus valebit intelligere. Si dicatur secundum; dicetur verum, attamen non  
poterit defendi quod intellectio sub ratione vltimæ actualitatis constituat Na-  
turam Diuinam. *Ratio 5ta*. Quia ratio substantiæ per se summè immaterialis,  
est prima radix omnium Diuinorum Attributorum: & prout sic non expli-  
catur cum ordine ad operationem, sed tantum comparatur vt actus primus de  
linea *essendi* cum actu vltimo, qui est Existentia; consequenter Natura Diui-  
na sub consideratione Essentiæ, per summam constituitur immaterialitatem;  
prout summa Immaterialitas dicit *non aliquid commune*, ex vi terminorum, o-  
mnibus perfectionibus Diuinis: sed prout est *Differentia Contractiva* Substantiæ  
per se: *Partim* quia sic Immaterialitas summa, est quid particulare, soli vir-  
tualitati Essentiæ Dei conueniens, nam sola Essentia Diuina per se & *formaliter*  
Substantia est, aliæ autem perfectiones Diuinæ sunt Substantia *Materialiter*:  
cum in creaturis sint accidens, quidquid ad naturam consequitur: *Partim*,  
quia eum nulla creatura summè immaterialis sit, aut esse possit, etiam suffici-  
enter per summam immaterialitatem assignatur distinctiuum Dei ab omni  
creatura sine additione particularum à se: *Partim* quia ratio substantiæ per se  
in Deo, conuenit speciei Impressæ, solum materialiter: nam Substantia est de  
linea Entis, quæ diuiditur in Substantiam & Accidens: & species Impressa est  
de linea tantum generis intelligibilis. Licet si Species Impressa in Deo, non  
dicatur attributum, quod sit distincta virtualitas ab Essentia Dei, sed tantum  
dicitur attributum, quia non est primus conceptus, qui habetur de virtuali-  
tate Essentiæ, proindeque possunt ei conuenire omnia, quæ conueniunt Es-  
sentiæ differentialiter sumptæ. *Ratio 6ta*. Quia Natura Diuina optimè explica-  
tur per radicem primi attributi; iam autem primum Dei attributum est *Intel-  
lectus*, à quo proximè oritur intellectio, quā Deus seipsum comprehendit. Er-  
go Essentia, vt Natura solum dicit principium operationis, & per consequens  
principium radicale tantum attributorum; iam autem Essentia respectu eo-  
rum quæ tantum spectant ad lineam *essendi* (qualia sunt Æternitas, Immuta-  
bilitas, Infinitas, & alia huiusmodi, prout hæc linea *essendi* contradistinguitur  
ad lineam *operandi*,) non habet propriam rationem Naturæ: quia enume-  
rata attributa consequuntur ad substantiam per se summè immaterialē, prout  
hæc explicat habitudinem ad Existentiā, non verò prout explicat radicem  
operationis. *Tum quia* ex iam dictis constat, ad Naturæ Diuinæ Constitutum  
Metaphy.



Metaphysicum pertinere ista prædicata, *nimirum* Quòd sit omnino primum, cuius principium nec etiam per rationem assignetur; *Seu* quòd dicat negationem essendi ab alio, tanquam à vera radice, & cum vera radicatione formali aut virtuali; hinc sequitur *2dum Prædicatum*. Quòd sit radix omnium attributorum, siue ad lineam essendi, siue ad lineam operandi pertinentium: licet sub alia & alia formalitate, inadæquata tamen; hinc *3tum*. Quòd non componatur ex duplici conceptu adæquato, quorum vnus supponat alterum se priorem cum vera radicatione. *4tum*. Quòd sit subsistens in plenitudine essendi: non proprietate Transcendentis, sed proprietate Constitutiuæ reduplicatiue talis; hinc *5tum*. Quòd sit infinitum simpliciter, & omnis perfectio, essentialiter, radicaliter, exactiue, implicite, non verò formaliter. *Seu* sit omnia formaliter realiter, non verò formaliter virtualiter; hinc *6tum*. Quòd habeat ordinem virtualement ad omnes Diuinas perfectiones. hinc *7mum*. Quòd importet rationem actûs puri, non explicatiue sed essentialiter. *8uum*. Quòd sit Vltima ratio differentialis; hinc *9num*. Quòd dicat *Quid est*, & Medium probativum, à priori, & non *Quia est*; hinc *10um*. Quòd sit perfectissimus conceptus, non in toto genere Entis, sed solius Essentiæ & Naturæ; hinc *11mum*. Quòd non sit commune sed particulare: *Vel* sit commune aut materialiter, non verò formaliter. hinc *12mum*. Quòd non concipiatur vt *Potentiale Logicum*, quia implicite omnia debet includere; nec vt *Potentiale Physicum*, quia debet esse actus purissimus omnino; nec vt *Potentiale Metaphysicum*, quia realiter est sua Existentiâ; bene tamen vt *Potentiale Dialecticum*, & penes modum significandi, in quantum omnia solum radicaliter implicat, quæ in proprijs lineis habentur explicatiue. Et ista duodecim prædicata collectiue sumpta soli conueniunt Intelligere, sub ratione actûs primi considerato: prout speculanti altius, Veritas hæc euidentiùs elucescit. *Ratio 7mi*. Quia quæ in creaturis virtualiter adhuc non distinguuntur, nec in Deo possunt virtualiter distinguui; iam autem Conceptus Essentiæ & Naturæ in creatis non distinguuntur Virtualiter; nã vg. Rationalitas eademmet, dicit & conceptum Essentiæ penes ordinem ad Existentiâ, & conceptum Naturæ penes habitudinem radicis actionis rationalis. Hinc Animæ rationali prius conuenit esse principium *Quo Essendi*, quàm esse principium *Quo Radicandi* operationem, non prioritatem rei, sed prioritatem solius considerationis & conceptûs inadæquati ad inadæquatum, non verò virtualitatis completæ ad completam: quod etiam patet exemplo Relationis, cuius conceptus *In* prius intelligitur conceptu *Ad* & tamen non sunt duæ virtualitates, sed cum conceptibus inadæquatis obiectiuis, vna omnino virtualitas; Ergo pariter Conceptus Essentiæ & Naturæ sunt eiusdem identitatis, subiectiue, id est in eodem existunt; licet ex duplici respectu ad terminos sit inter eos distinctio inadæquata; proindeque non sint eiusdem Identitatis Terminatiue tantum: sic Paternitas quâ Pater ad plures Filios refertur, est multiplex *Terminatiue* ex parte filiorum, & tamen *Subiectiue*, Ex parte Patris est vna, nullusque dicit Relationem illam prout respicit Terminum, virtualiter distinguat se ipsa, prout respicit subiectum. Idem patet in quatuor Relationibus Diuinis, quarum tres constitutiue Personarum distinguuntur ad inuicem realiter: & tamen Paternitas ac Filiatio non distinguuntur realiter à Spirationali Actiua *Subiectiue*, Vnde sola quæ non sunt eiusdem Identitatis, non sunt eiusdem virtualitatis, subiectiue & Terminatiue; scilicet *Terminatiue* tantum. Iam autem conceptus præfatus dum transferuntur in actum purissimum, excludunt distinctionem in Deo simplicissimo. Cui Æternus sit Honor.

IN CHRISTO IESV

Amen..



TVRRIS ECBATANA  
VETVSTATE GLORIOSIOR

Coram Cano Tuo confurgit Capite  
Nobilis ac Spectabilis Domine

D. VALENTINE SMITH.

S. R. M. Secretarie.

Similis vt simili gaudeat, naturæ sancitum legibus.  
Gloriosum proinde Venerabilissimæ Canitiei Caput  
ALTA DIVINÆ EXISTENTIÆ COGNOSCIBILITAS  
dum coronat, Te in Vetustate renouat.

ILLE ANTIQVVS DIERV M

Cuius Vestimentum candidum sicut Nix  
& Capilli Capitis eius quasi Lana Munda  
Candidam Tuarum Virtutum conseruat Existentiam.  
*Demonstrabilitate hic candor non eget, qui natiuo fulgore ceteros illuminat.*

ERG O

Ad antiquarum normam incorruptibilem legum  
Seriam priscæ consuetudinis formasti obseruantiam  
Iuratus excentricarum nouitatum Hostis.  
Non per deuia sed Regiâ incedens Viâ  
Candidam ad exemplum, Venerandam ad meritum, optandam ad  
Bonum Publicum, gloriosam ad Lithuaniae Principum  
Romanouiciorum Affinitatem instituisti vitam: eâdem

In Nobilissimo Viro & Domino

D. LVCA WINKLER.

Regio Vectigaliario, per Nuptiales Filiae suæ Contractus, relucente.

MVND A LANA

Consilium Tuum quod omnes sequuntur

Oraculo Apollinis efficacius.

NIVEVM VESTIMENTVM

Speciosum Canitiei Tuae Iudicium.

Matura in arduis Dexteritas.

Perpicax in perplexis Prudentia

Omniq; morum suauitate, Consularis temperata Dignitas  
VETVSTATE GLORIOSIOR REFLORESCIT VIRENTI

Gaderano Senectuti dicato firmior Templo.

Viue igitur in ea quam tot meritis ornasti ætate

Semper Validus, semper Gloriosus,

Ac Tuum in Turri Ecbatana

Non tam Persarum & Medorum Thesauris  
quàm Vetustate inconsumptibili, notissima.

*Nomen fama vebat trans aquora transq; remotae  
Thetyas ambages Atlanteosq; recessus.*



# TVRRIS VENETIANA

FVNDAMENTIS MIRABILIOR.

DEI VERI EXISTENTIS

Verbo Virtutis suæ omnia creantis, portantis, conseruantis  
sine Principio & Fine, sine Fundamento & Terminò permanentis  
Symbolum exactissimum.

Grande est Decus, Firmitas & Altitudo Virtutis Tuæ  
Nobilis ac Spectabilis Domine

D. A N D R E A B E L L I.

Omnia de manu DEI accepta, in ipsum  
DEVM referens beneficia.

HOC VNICO FVNDAMENTO

In Virtute, Honore, Fortuna, Valetudine,

*Et Vt Videas filios filiorum Tuorum.*

in Nobilissimarum Familiarum Benedictione  
existis fundatissimus.

Fundamentum Hoc, excedens omne pretium  
Ipso aureo Venetianæ Turris fastigio Pretiosius,  
Non ex lateribus coctis sed ex pretiosis Pipa-  
nouiorum, Maydaszeuiciorum, Mechoniorum, Rolenscio-  
rum, Altermaierouiorum, Boimorum, Zywiecciorumque  
nobilissimorum Vnionibus elaboratum

Aureo superexornas fastigio

Auræa Inclyti Senatûs refulgens Coronâ

Paduanis semper Floridior Hortis.

Nec satis Tuæ correspondet Altitudini, Te ijs ortum Aus Atauisque  
qui Magno Nomine, Maiori Virtute, Maximâ denique Gloriâ  
Orbi Celebrantur Vniuerso.

Altiùs ascendisti.

Auream Angeli in Turris Venetianæ summo locati speciem  
Pietate, Beneuolentiâ, Prudentiâ ac Dexteritate  
imitando, exprimendo, circumagendo.

ERGO

Anni Tibi fluant Angelici, incorruptibiles, omniq; Virtute  
Gloriâ & Honore fundatissimi.

sic feliciter pacificis non belligeris ominantibus

GVSMANICIS STELLIS.



# DIVINORVM ATTRIBUTORVM

## PERFECTIO, DISTINCTIO, MAGNIFICENTIA.



**P**ERFECTIONES omnium rerum reperiri in Deo de Fide est: 2. tã simpliciter simplices, in suo cõceptu solũ perfectionẽ dicẽtes: 3. quã non simpliciter simplices, prout .i. perfectionem, non autem imperfectionem explicant: 4. Et Deus cum Vniuerso simul non est quid perfectius intensiue: 5. ac etiam extensiue quã solus Deus. *Primum* docetur Math. 5. *Estote perfecti, sicut & Pater vester celestis perfectus est.* Ratio suffragatur. Quia Deus est *prima* Causa Effectiua omnium rerum; iam autem in virtute causæ agentis præexistit effectus modo perfectiori; consequenter in Deo Causa Prima, secundum eminentiorem modum necesse est omnes perfectiones præexistere. *Tum quia* subsistens in ipsa plenitudine essendi, præhabet in se omnem perfectionem de linea essendi; iam autem Deus est Subsistens Indiuiduum in ipsa plenitudine essendi, depuratum ab omni fæce potentialitatis, ideo sequitur necessario, tale Indiuiduum habere Essentiam quæ sit sua Existentia, ac per consequens quod sit *suum Esse*, proindeque cum careat potentialitate, per quam in creatis perfectiones inter se distinguuntur, ideo necessario tale Indiuiduũ est Omnis Perfectio quæ in creaturis reperiri potest. *Ratio 2di.* Quia Deo dandum est formaliter omne id, quod in suo conceptu formalis denominationis non dicit imperfectionem; Et tales sunt perfectiones simplices. vg. sapientia, Misericordia, vita &c: quæ perfectiones reperiuntur in creatura genericè, specificè, & indiuidualiter: iam autem in Deum translata, secundum Analogiam, formaliter dicuntur de Deo: nam Deus est propriè sapiens, Viuens &c. *Ratio 3ti.* Quia perfectiones secundum quid sunt relegandæ à Deo: vg. Homo in quantum est *Substantia*, *viuens*, *intelligens*, dicit perfectionem, vnde ratio Substantiæ, viuentis, & intelligentis, formaliter reperitur in Deo: iam autem Homo in quantum est *corpus*, *quantum*, *sensituum*, dicit imperfectionem, vnde ratio Corporis, Quanti, & sensitiui, formaliter non reperitur in Deo: nam ista est falsa: *Deus est corpus*, *quantus*, &c. *Ratio 4ti.* Quia quidquid perfectionis est in vniuerso, id totum formaliter reperitur in Deo. Ergo intensiue solus Deus ita est perfectus sicut Deus & vniuersum simul. *Ratio 5ti.* Quia vniuersum participans perfectionem à Deo per Essentiam perfectio, in quo quoad rationem adæquatæ perfectionis præcontinetur, comparatur ad ipsum Deum in linea perfectionis sicut punctum ad lineam, quæ nullam faciunt extensionem.

II. **DISTINCTIO** inter Essentiam & Attribute Diuina est Rationis ratio-  
cinatæ, tantum: 2. penes implicitum & explicitum: 3. & Distinctio Media  
realis formalis seu ex natura rei ante intellectionem operationem non datur:  
4. nec distinctio virtualis intrinseca realiter existens antè intellectus actua-  
lem considerationem, distincta à distinctione fundamentali rationis admit-  
titur. *Ratio primi.* Quia quæcunque de Deo dicuntur non æquiuocè, sed se-  
cundum conuenientiam Analogam; & in creaturis ratio vnus, non est ratio  
alterius, illa distinguuntur in Deo cum fundamento in ipso, & consequenter  
Ratione ratiocinatâ; iam autem Essentia, Intellectus, voluntas, &c. dicun-  
tur de Deo & creaturis, secundum conuenientiam Analogam; & in creatu-  
ris, ratio seu Definitio vnus, non est Definitio alterius. vt de se patet. T. q.  
Deus, non tantum ex imbecillitate intellectus nostri, sed maximè ex vi suæ  
supereminētis Continentiæ plurium perfectionum, non potest hic saltim in  
via, vnico conceptu adæquato attingi à nobis. Ergo pluribus conceptibus  
indispensabiliter attingitur. *Ratio 2di.* Quia in omni conceptu Obiectiuo  
Diuinæ



Diuinæ perfectionis, debent actu includi omnia Diuina; alias talis conceptus esset potentialis oppositus Actui puro. *Ratio 3<sup>ty</sup>*. Quia sicut non datur Medium inter Ens reale & Rationis, ita nec potest dari Medium inter Distinctionem realem & rationis. *Tum quia*. iuxta Definitionem Concilij Florentini Sess. 19. Essentia & Relationes Re non differunt, quandoquidem Sola Ratione ac Intelligentia differre creduntur. *Ratio 4<sup>ti</sup>*. Quia ista Distinctio virtualis intrinseca, ab Authoribus extraneis ideo in Deo admittitur, ut inter prædicata Diuina verificentur Contradictoria: nam verificatur: *Natura Diuina est communicabilis, & Persona Diuina non est communicabilis*; iam autem ad saluandam istam Contradictionem, sufficit Essentiam & Personam in Diuinis differre, secundum intelligentiæ rationem.

III. DEVS est Simplicissimus. Quia Compositionis Physicæ, Metaphysicæ, Logicæ per modum Excludentis & Exclusi, est omnino expers, ob rationem Actus purissimi Nec ex tribus Personis Diuinis fit Compositio: quia Vniuntur in Essentia in qua conueniunt; non verò in Relatione in qua opponuntur. Nec etiam in Misterio Incarnationis Persona Verbi componitur, quia ibi se habet purè per modum *Terminantis*, non autem *Informantis*, aut partis materialis.

IV. DEVS est Bonus *Bonitate Absolutà*, quia habet totam infinitè sibi debitam perfectionem. *Bonitate Relatiuà* quia conueniens est omnibus creaturis ut ipsarum Causa Efficiens, Exemplaris, ac Finalis. *Bonitate Morali*, quia iustus in omnibus vijs suis, & Sanctus in omnibus operibus suis. *Bonitate Diffusivà seu Beneficentià*: quia omnibus dat abundanter; in emanationibus internis, in productionibus externis, tum in ordine Naturæ, Gratix, Gloriæ, & vniuersis Hipostaticæ.

V. DEVS est Infinitus. Quia eius Esse irreceptum, non potest limitari, nec limitatio *Materiali*, quia alias reciperetur in subiecto: nec limitatio *Formali* quia Esse, est vltima actualitas impotens per vltiorem limitari. T. q. Deus est Ens à se ab omni Efficiente limitante independens. T. q. Deus produxit res ex nihilo; ad quod infinita Agentis actiuitas requiritur.

VI. DEVS est Immensus, seu defacto vbiq; est, id est, in omni re existente realiter extra causas, præsens: 2. per operationem tanquam per rationem formalem: 3. Virtualiter transeuntem: 4. Nec Deus est in spatijs imaginarijs: 5. existit tamen in omni loco, ut in loco, replendo illum effectiue: non verò formaliter. *primum* habetur Ierem. 23. *Nunquid non calum & terram ego impleo.* *Ratio* Quia oportet quòd omne agens coniungatur ei, in quod immediatè agit, & suà virtute contingat illud; iam autem Deus, immediatè agit in omnem rem: nam, Esse intimum vnicuique rei est effectus proprius Dei, per se primo, & prout solam imputat actualitatem Entis ut Ens est. *Ratio secundi*. Quia sicut Deus, in omnibus est *Per potentiam*, quia omnia æqualiter eius subiacet potestati. *Per Præsentiam*, quia omnia nuda & aperta sunt oculis eius: ita etiam in omnibus est *Per essentiam*, non in quantum est Pars essentiæ earum aut Accidens, sed in quantum est ut Causa essendi, seu ut agens, ad est vnicuique rei, in quantum immediatè operatur, immediatione Virtutis & suppositi: iam autem Agens immediatè in aliquam rem immediatè debet ipsam tangere: Contactus verò Diuinæ Virtutis, solum fit per operationem; consequenter operatio est ratio formalis, ut Deus res contingat, non verò aliqua præuia dispositio.

*Ratio 3<sup>ty</sup>*. Quia cum Actus adæquatè diuidatur in Immanentem & Transeuntem: & Transiens adæquatè subdividatur in Virtualiter & Formaliter Transeuntem; hinc est, quòd cum Deus non sit in rebus per operationem Immanentem, quia hæc, tantum *ad intra* est termini productiua; nec etiam sit in rebus



10

in rebus per operationem formaliter Transeuntem, quia hæc deberet esse extra Deum, cum recipiatur in passio, proinde sequitur quod Deus sit in omnibus rebus per operationem virtualiter tantum Transeuntem, sic quod inter Deum & effectum ab ipso contractum nihil mediet, sed Deus seipso (quia est sua Actio) effectum producat & illi uniatur. Ideo autem eademmet Actio Immanens, dicitur virtualiter Transiens; quia extra se effectum ponit: & quia seipsam immediatè effectum producat etiam ipsum Agens effectui vnit, non vnione per informationem, sed per intimam præsentiam, seu assistentiam.

*Ratio 4<sup>ta</sup>.* Quia Deus non potest esse in spatijs imaginarijs; *Nec Præsentia Relatiua*, quia hæc vt existat requirit duo extrema inter se distincta; iam autem illa spatia Imaginaria, defacto nihil sunt, licet eadem per imaginationem nostram apprehendamus tanquam aliquid. *Nec Præsentia Absoluta* quâ videretur illam Nihilitatem replere. Quia illa spatia sunt omnino nihil: consequenter ponere Deum in spatijs Imaginarijs est ponere Deum nullibi esse. *Explicatur hoc.* Dum ex illo spatio Imaginario, seu ex illa reali carentia omnis Entis Deus creat aliquod Ens, verè dicitur, quod tale Ens producat ex Nihilo. Ergo dum ponitur Deum esse in spatijs Imaginarijs, verè dicitur secundum rem, Deum nullibi esse.

*Ratio 5<sup>ta</sup>.* Quia Deum esse in omni loco, vt in loco, effectiue causaliter, est Deum esse in loco vt in re: quia sic est in omnibus rebus, vt dans eis esse, virtutem locatiuam, & Operationem; iam autem certissimum est, Deum dare omnibus rebus esse, virtutem, & operationem in genere Causæ Efficientis, non autem Formalis.

VII. DEVS est Immutabilis: 2. & Esse omnino immutabile est proprium Dei. *Ratio primi.* Quia est actus purus, excludens omnem potentialitatem. T. q. Est simplicissimus omnem excludens motum. T. q. Est infinitus, cui impossibile est pertingere ad aliquid habendum *Pertingentiâ Informatiua*, etsi possibile sit pertingere imo defacto pertingat *Pertingentiâ purè Terminatiua*, vt patet in misterio Incarnationis. T. q. Nec moraliter mutari potest: vnde Deus dum de amico hominis fit ei inimicus, & è *Contra*, transit de amico in amicum per puram hominis mutationem, non verò per mutationem sui.

*Ratio 2<sup>da</sup>.* Quia in omni creatura est potentia ad mutationem. *Vel* secundum esse Substantiale; & sic mutantur corpora cælestia. *Vel* secundum esse locale tantum: & sic mutantur corpora cælestia: *Vel* secundum ordinem ad finem & applicationem virtutis ad diuersa & sic mutantur Angeli, tam penes electionem de bono in malum, quàm penes locum, in quantum virtute suâ finitâ possunt attingere quædam loca, quæ prius non attingebant: *Vel* tandem vniuersaliter omnes creaturæ sunt mutabiles, secundum potentiam Creatis, in cuius potestate est esse & non esse earum. Iam autem Deus, nullo ex his modo potest subesse mutabilitati.

VIII. DEVS est Æternus: 2. & Æternitas est duratio: 3. includens rationem mensuræ Diuini Esse. 4. Æternitate rerum Essentiæ ante Existentiā, nullam habent actualitatem Essentiæ: 5. antequam tamen verificetur de rebus, quod proprio tempore sunt, iam est verum dicere, quod ab æterno in Nunc Æternitatis sunt. Primum est de fide, in Symbr. D. Athan: *Æternus Pater, Æternus Filius, Æternus spiritus Sanctus.* Et alibi sæpè.

*Ratio 2<sup>da</sup>.* Quia Duratio est permanentia rei in esse, per quam notificatur quantum res in esse conseruatur. Etenim quælibet res tam diu dicitur durare, quàm diu in esse permanere cognoscitur. Hinc interroganti: quare Deus plus durauit, quàm Angelus *Vel* alia temporalia? Responderetur sufficienter. Quia Deus semper est: de alijs autem falsum fuit aliquando dicere quod sunt.

*Ratio*



*Ratio 3<sup>ta</sup>.* Quia Æternitas, verè est vnitas seu vniformitas Esse-Diuini permanentis; iam autem de ratione vnitatis est, esse mensuram. T. q. sicut Tempus est duratio secuta ad motum cæli, ideo verè Tempus est mensura motus cæli, secundum quod partes in illo succedunt partibus. Ævum etiam, quia est duratio secuta ad esse permanens Angeli, ideo verè est mensura Angeli. Ergo pariter quia Æternitas est duratio secuta ad esse Diuinum permanentis, ideo verè erit mensura Esse Diuini Permanentis; non tamen est mensura realis sed virtualis ideo: quia sicut Essentia Diuina radicat. Attributa, vnumque ex alio oritur virtualiter: & sicut Intellectio Diuina specificatur ab intellectione Diuina per modum obiecti, *non realiter*, quia Intellectio & Essentia Diuina non distinguuntur realiter, ast *virtualiter*: nam ad primum requiritur distinctio realis inter extrema, ad secundum verò sufficit virtualis: ita pariter Æternitas est mensura Diuini Esse, ad quod solum virtualiter consequitur, & virtualiter ab Esse Diuino distinguitur; iam autem Ex actu intellectus nostri aduenit ratio mensuræ formalis, quia eo ipso, quod intellectus noster distinguit Æternitatem à Diuino Esse permanenti, hoc ipso fingit Æternitati actualiter conuenire ipsum Ens rationis seu rationem mensuræ formalis.

*Ratio 4<sup>ta</sup>.* Quia Essentiæ (non prout sunt in Deo Creatrices Essentiæ, sic enim sunt ipsemet Deus, & ipso Dei Esse gaudent ab æterno) ast prout sunt, saltem obiectiuè & quid distinctum ab ipso Deo, *si haberent aliquod esse posituum* seu quod in seipsis fuerint actu Essentiæ licet non Existentiæ, *sequitur primo*: Quod Essentia ante Existentiā solum esset in potentia ad Existentiā, & non esset in potentia ad esse actu essentiam; vnde ante existentiam essentiæ hominis: hæc esset Vera: *essentia hominis est*; ex quo immediatè *sequitur secundo*: Quod talis essentia non possit creari, quia illius productio esset ex aliquo; iam autem Creatio est Totius entis ex nihilo adæquata productio. *Sequitur 3<sup>io</sup>.* Tales essentias iam esse entia non *nominaliter* tantum, sed etiam *participialiter*: nam Res per illam actualitatem habent exercitium quoad essentiam, licet non quoad existentiam. Quæ consequentiæ non sunt admittendæ. Ergo restat dicendum, quod Res ante productionem neq; actu existunt, neq; actu essentiæ sunt, sed sunt in pura potentia Logica, vt tam quoad essentiam quam quoad existentiam actu sint. Habent tamen esse æternum, saltem *Negatiue* nam ab æterno verum erat dicere *Bis tria faciunt sex: Homo est rationalis*: in quibus prædicatum dicitur essentialiter de subiecto.

*Ratio 5<sup>ta</sup>.* Quia *Nunc* Æternitatis infinitum, simul absq; successione omnia tempora claudit: hinc fit quod licet respectu temporis futuri, res dicantur futuræ, tanquam respectu propriæ & adæquatæ mensuræ, non tamen dicuntur futuræ respectu mensuræ inadæquatæ infinitæ & superexcedentis, sed omnia in eadem sunt præsentia, *non Præsentia obiectiuè*, quia hæc locum habet solum respectu cognitionis: ast Præsentia Physicâ, quia Æternitas est Duratio & mensura Physica. Iuxta quam doctrinam ista Propositio:

*Antichristus nunc cõexistit Æternitati*: est vera, in quantum Ly. *cõexistit* importat mensuram superexcedentem, non autem mensuram propriam; vnde non est necesse quod Antichristus existat in se, sed sufficit quod aliquando sit extiturus;

à cuius præstigijs liberet nos

IESVS CHRISTUS.

A M E N.



# TURRIS MIENSIS

PRETIOSIOR MATERIES SONO

*Argenteis dum hæc resonat campanulis.*

Cæli & Terræ plenitudo, & omnis ornatus eorum  
Diuinorum resonant sono Attributorum

*At materies hæc semper est pretiosior sono.*

QVIPPE

DIVINORVM ATTRIBUTORVM PERFECTIO, BONITAS,

MAGNIFICENTIA

Intra Deum, Deus est Entitatiuè

Extra Deum, sonus est Participatiuè.

Tua Hæc est Miensis Turris

Nobilis ac Spectabilis Domine

D. NICOLAE KROLIK.

S. R. M. Secretarie.

Magnifico non sono sed Virtutis resonans Honore

*Quem auxere gloriosè*

Celebres Rožaneccij, Festonij, Gladijszeuicij, Altermaierouijque

Semper in materia virtutis pretiosiores sono famæ Volantis.

PORRO

Augusta Diuinorum Attributorum Magnificentia

Tuæ se distribuendam commisit munificentia.

Publicæ Ciuium consulendo Necesitati.

*Decies quinquagies Centena millia nummum erogauerat Imperator  
Nerua ad Ciuium sustendendam egestatem: Tu priuatum eneruasti  
integrum ararium, non rogatus, Regalem re ipsâ non solo nomine  
imitando Liberalitatem.*

Liberalem Tutelaris Tui indutus genium

Obryzum & aurum dispensasti in omnes quos ab aperta liberaisti ruina.  
Adeo mens Tua aurea est, Vt egentibus aurea Saturni exhibeat sæcula.

Ergo si

*Auratos Rhodijs imbres nascente Mineruâ*

*Indulisse Iouem perhibent.*

Quid ni redeunte nobis tecum an renascente

Publicâ Munificentia

Aurea Ætas erit.

FAVENTIBVS SVPERIS. FIAT.



# TVRRIS ALEXANDRINA

DIAPHANO TRANSLVCENTIOR

Eruditissimo Tuo Hippocratico Pectori

Clarissime Nobilis ac Spectabilis Domine

D. I A C O B E R E Y N E K I E R

Philosophiæ & Medicinæ Doctor

in Apophoretum dedicatur.

Arcana Hippocraticorum Aphorismorum Scientia

A Lucidissima Diuinorum Attributorum contemplatione

Originem traxit & vitam

Namque.

ALTISSIMVS CREAVIT MEDICINAM

Et vir Prudens non despiciet eam

Hanc Tu ex Hoc Diaphano deductam fonte

ea calles promptitudine

Vt citra fictam veterum Metempsichosim

Eru litissimam Hippocratis animam possidere

Verius dicam Novus Hippocrates videaris.

*Euentus rerum documenta est.*

*Et experientia Veritatis Magistra.*

Argos es, naturæ scrutando abdita

Nec habet tenebras Anorexia, Lagophthalmia, Satyriasisue

Dum ad Tuum Lucidæ Eruditionis euocantur Tribunal.

Ex cuius salutaris sententia

Parcas parcere nescientes Ultra Thulen

Largo proscripsisti diplomate.

ERGO

Tuam Deus cunctis Vilem conseruet vitam

Vittis Czernieuiorum, Octauiorum, Zantorum, Borellorum

intertextam honorificentissimis,

Quam

Magnus Artaxerxes

In Tuo Antesignano

Suæ annumeravit Familiæ

Diaphano Translucentiorem.



# F E L I X

## VISIONIS BEATIFICÆ I V C V N D I T A S.



**V**ISIO Beatifica, possibilis est intellectui creato Humano & Angelico supernaturaliter eleuato, ad intuitiue & prout est in se Deum videndū: 2. impossibilis verò ex viribus naturæ: 3. ideoq; ex viribus naturæ non potest dari in homine appetitus elicited, efficax ad claram Dei visionem. 4. sed inefficax duntaxat & conditionatus: *Primum* est de fide. iuxta illud Ioannis 3. *Cum apparuerit, similes ei erimus: quia videbimus eum sicuti est.* Tum quia vltima hominis beatitudo cum in altissima eius operatione consistat, quæ est operatio intellectus, si nunquam essentiam Dei videre potest intellectus creatus; *Vel* nunquam beatitudinem obtinebit, *Vel* in alio eius beatitudo consistet, quàm in Deo, quod est alienum à fide; in ipso enim est vltima perfectio rationalis creaturæ, quod est ei Principium essendi: in tantum enim vnumquodq; perfectum est, in quantum ad suum Principium attingit. T. q. Deus potest quidditatiue, modo finito attingi ab intellectu nostro, quin adæquatè cognoscatur: quia ob sui eminentiam stat cognosci quoad omnia quæ *formaliter* habet, quin quoad omnia quæ *eminenter* continet cognoscatur.

*Ratio 2di.* Tum quia 1. ad Timoth 6. Deus dicitur inhabitare lucem inaccessibilem; T. q. Natura intelligens debet conuenire in eodem gradu Immaterialitatis, cum obiecto connaturaliter intellecto; iam autem nulla natura creata vel creabilis potest conuenire cum Deo in gradu Immaterialitatis Actualissimæ: Vnde sicut excessus in immaterialitate qui reperitur inter animam rationalem & naturam Angelicam, impedit quò minus anima naturaliter possit videre Angelum: ita à fortiori ille excessus & summa improporatio quæ est inter Essentiam Diuinam & intellectum humanum *Vel* Angelicum impedit quò minus homo *Vel* Angelus naturaliter possit videre Deū.

*Ratio 3ty.* Quia appetitus innatus naturæ, solum potest terminari ad perfectionem debitam inesse naturæ ac proportionatam: ad differentiam Ordinis Transcendentalis, qui datur in Natura etiam ad perfectionem improporionatam; iam autem visio beatifica non est viribus naturæ proportionata: vnde in Natura rationali ad claram Dei visionem, sola datur Potentia Obedientialis. *Ratio 4ti.* Quia appetitus inefficax prout ab efficaci distinctus, fertur in bonitatem rei absolute & nudè consideratam: vnde appetitu inefficaci & conditionato impossibilia appeti possunt.

**II.** OBIECTVM specificativum nostri intellectus, Deus clarè visus ingreditur: 2. tam Motivum: 3. quàm Terminativum: 4. non secundum vltimam differentiam illius: 5. ast secundum rationem communem intellectui Humano & Angelico. *Ratio primi* Quia intellectus creatus potest videre & defacto videt Deum Intuitiue: iam autem Nulla potentia vitalis, potest operari vitaliter, etiam de potentia absoluta, ultra suum obiectum specificativum. *Ratio 2di.* Quia Deus vnitur intellectui creato, ratione sui per modum speciei deseruentis ad sui cognitionē: & hoc est mouere intellectum ratione sui. *Ratio 3ty.* Quia Deus prout in seipso, potest cognitionem intellectus nostri terminare. Non tamen Deus clarè visus ingreditur Obiectum specificativum Naturale, quia vt clarè visus non potest viribus intellectus creati attingi. *Ratio 4ti.* Quia Obiectum distinguens intellectum Humanum ab Angelico, non est Ens quoad substantiam, sed vt terminat talem modum tendendi, per discursum. sc. in homine: qui modus repugnat Angelo: iam autem Deus clarè visibilis non continetur sub Ente, vt attingibili per discursum.



scursum. *Ratio 1<sup>ta</sup>.* Quia intellectus Humanus & Angelicus, in *potentia obedi-*  
*entia* omnino conueniunt, absque vilo essentiali discrimine: & in vtroque  
potentia obediens Deum clarè visum attingit improporcionatè, quia in  
se intrinsecè non est supernaturalis, licet specificetur ab obiecto intrinsecè  
supernaturali: ideoque tam in Angelo quàm in homine, potentia Obedien-  
tialis non distinguitur realiter à naturali: nam Tunc solùm potentia specifi-  
cata ab obiectis & actibus realiter distinctis, realiter distinguuntur, quando  
proportionatè illos respiciunt.

III. SPECIES Impressa creata, mediante quâ Beati videant Deum etiam  
de potentia Dei absoluta non est dabilis: 2. & idem de specie Expressa crea-  
ta asserendum. *Ratio primi.* Quia Deus est summe immaterialis: ac proinde  
perfectissimo modo intelligibilis, ac intimè præsens & vnitus intellectui Bea-  
torum; in quo Essentia Diuina ipsamet immediatè supplet per seipsam  
vices speciei intelligibilis: iam autem species intelligibilis creata, ideo re-  
quiritur in intellectu creato ad cognoscendū aliquod obiectum, quia tale  
obiectum, *Vel* non est præsens: *Vel* non est vnitum ipsi intellectui: *Vel* non  
est intelligibile propter suam materialitatem T. q. Repugnat Deum fieri  
proximè intelligibilem per aliquam formam creatam & à se distinctam,  
cū Deus sit sua intelligibilitas: Vnde nulla forma creata *Vel* creabilis esse  
potest, quæ sit eiusdem immaterialitatis cum Deo: alioquin esset actus purus;  
iam autem species & obiectum debent in eodem gradu immaterialitatis  
cōstitui. Est autē quadruplex grad<sup>us</sup> immaterialitatis in speciebus intelligibilibus.  
*Primus* est specierum visibilium, repræsentantium singularia materialia;  
quorum Immaterialitas consistit in quadam actualitate sufficienti ad immu-  
tandos sensus. *2<sup>us</sup>.* est specierum à phantasmatis abstractarum, repræsen-  
tantium Quidditates & naturas materiales à sensibus abstractas: quarum Im-  
materialitas consistit in hoc quod per intellectum ab esse materiali indiuidua-  
li abstrahantur. *3<sup>ius</sup>* est specierum intelligibilium, quæ nullo modo à phan-  
tasmatis sunt abstractæ: quales sunt Angeli quorum Immaterialitas est o-  
mnino ab esse materiali separata, non tamen à potentialitate, nam Essentia  
Angeli distinguitur realiter ab Existentia Angeli. *4<sup>us</sup>* gradus speciei est, quæ  
omnino est separata ab omni esse materiali simul & potentialitate, estq;  
*Actus* purus; & eius Immaterialitas est suum esse: Et talis est Diuina Essentia:  
respectu proprii Diuini intellectus. *Ratio 2<sup>da</sup>.* Habetur ex prima ratione. Quia  
species Expressa cū sit actualior & perfectior similitudo Obiecti, quàm  
sit Species Impressa: & quod species Impressa repræsentat in actu primo,  
idipsum repræsentat species Expressa in actu secundo: vtraque autem debet  
habere conuenientiam & similitudinē specificam saltem in esse intentionali  
& intelligibili perfectioremque secunda, quàm prima.

IV. LUMEN GLORIÆ quod est Virtus supernaturalis, eleuans intel-  
lectum ad elicientiam visionis Beatificæ, est necessarium ad videndum Deum  
2. & secundum potentiā Dei absolutā implicat intellectū creatum elicere vi-  
sionē beatificam sine habitu Luminis gloriæ: 3. transeunter saltim commu-  
nicato: 4. Nec est possibilis Substantia creata, cuius intellectui sit connatura-  
liter debitum Lumen Gloriæ ab illo distinctum: 5. Et sicut implicat Substan-  
tia creata cuius intellectui, ratione sui sit connaturalis visio beatifica: 6. ita  
implicat de potentia absoluta, Substantia supernaturalis creata.

*Ratio 1<sup>ma</sup>.* Quia potentia quæ ex natura sua est insufficiens ad ali-  
quem actum eliciendum, indiget confortari & eleuari per aliquam Virtu-  
tutem intrinsecè ac inhæsiuè inse receptam; iam autem noster intellectus,  
ex sua natura est insufficientissimus & improporcionatus ad Deum clare viden-  
dum. Ergo in nostro intellectu necessarium est lumen gloriæ: quod duo mu-  
nia præstat, in visione beatifica: *primum est:* disponere intellectum creatum  
ad vni-



ad vnionem essentiae Diuinæ per modum speciei intelligibilis: *alterum est*, confortare & eleuare intellectum ad eliciendam Visionem.

*Ratio 2di.* Quia implicat intellectum creatum elicere visionem beatificam, nisi illam in se præcontineat in actu primo; & hæc præcontinencia implicat sine forma creata intrinsecè eleuante & talis forma est Lumen Gloriæ, illudq; solum, est virtus adæquata proxima præcontinens visionem beatificam; (estq; vitale vt Quo,) ac proinde excludens intellectum à ratione virtutis proximæ partialis.

Iam autem hanc formam in ratione luminis gloriæ non potest supplere *Nec* ipse Deus, quia lumen gloriæ est forma Physica se tenens ex parte potentiae quam informat eidem inhærendo; & talem Physicam informationem non potest supplere Deus, Actus purissimus: sicut potest supplere rationem speciei intelligibilis se tenentis ex parte Obiecti, quia hæc non informationem sed tantum conuenientiam & similitudinem requirit cum obiecto, & eandem postulat cum illo habere immaterialitatem. *Nec* specialis Dei assistentia: quia si ex tali assistentia deriuatur in intellectum creatum aliqua virtus intrinseca, ista debet esse quædam participatio Diuinæ intellectualitatis, ac proinde lumen gloriæ; si verò nulla superaddatur virtus intellectui ex tali assistentia, intellectus semper erit impotens intrinsecè ad eliciendam visionem: *Nec* Concurfus simultaneus qui est tantum in actionem vel effectum, non autem in Causam ideòq; eam intrinsecè non immutat, ac perconsequens non reddit de impotente potentem ad eliciendam operationem ordinis altioris: *Nec* potentia obedientialis proximè & immediatè actiua ac effectuum supernaturalium productiua: quia talis potentia implicat: *Partim* quia esset *Naturalis*, vt pote singulis rebus creatis à natura congenita: & *supernaturalis* quia ad actus vires naturæ excedentes ordinata. *Partim* esset *finita* quia cum Entitate creata cuiuslibet rei identificata: & *Infinita* quia esset productiua cuiuslibet rei producibilis quæ est infinita saltem in potentia.

*Ratio 3ti.* Quia Lumen gloriæ Diuo Paulo fuit communicatum solum per modum dispositionis transeuntis. T. q. Omnis qualitas fluida ab intrinseco ex quibus habet esse, permanentiam non petit: iam autem, Omnis qualitas à Deo causabilis, quæ sit principium visionis beatificæ, attentis causis à quibus habet esse, petit permanentiã, .i. *tum* quia ex parte subiecti caret contrario: *tum* quia ex parte obiecti respicit bonum æternaliter satiatiuum.

*Ratio 4ti.* Quia De ratione Entis supernaturalis simpliciter & absolute talis est, quod superexcedat exigentiam & connexionem omnis naturæ creatæ & creabilis; iam autem Lumen Gloriæ ab intellectu distinctum, est supernaturale simpliciter. T. q. Dispositio vltima, (sive sit ad formam Physice informantem, sive ad formam solum intentionaliter unitam, vt patet in substantia Angelica v. g. Gabrielis, Physice & intentionaliter soli eidem unita) ad aliquam formam, nequit esse connaturalis nisi subiecto habenti formam; iam autem lumen Gloriæ est vltima Dispositio ad vnionem Diuinæ essentiae cum intellectu creato, in ratione formæ intelligibilis.

*Ratio 5ti.* Quia Intelligens, & obiectum connaturaliter & quidditatiuè intellectum, debent conuenire in eodem gradu immaterialitatis: vt dictum est in Conclusionis tertiæ ratione tertiã; implicat autem substantia creata existens in gradu immaterialitatis Diuinæ. T. q. videre Deum sicuti est est: proprium soli Naturæ Diuinæ.

*Ratio 6ti.* Quia implicat substantia creata, cuius intellectui sit connaturalis visio beata: iam autem substantia supernaturalis creata connaturaliter exigeret visionem beatam. T. q. Ens supernaturale creatum petit



rit constitui primò & per se per respectum Transcendentalem ad extrinsecum terminum : iam autem talis constitutio pugnat cum conceptu Substantiæ qui est omnino absolutus non respectivus.

V. CAVSA adæquata Visionis beatificæ conflatur ex habitu Luminis Gloriæ & ex intellectu : 2. ad quam visionem intellectus concurrit non solum *ut Quod*, sed etiam *ut Principium Quo* : 3. mediatum mediatione virtutis. 4. & immediatum immediatione potentia.

*Ratio primi.* Quia Habitus si esset adæquata causa visionis, posset extra intellectum existens visionem beatificam operari : quod est implicitorium.

*Ratio 2di.* Quia in visionem beatificam Lumen Gloriæ influit *ut Quo*. Ergo intellectus Lumine Gloriæ perfusus influit *ut Quod* & principaliter : Et tandem quia influit *ut Potentia* intellectiva, de ratione cuius est comparari ad actum *ut Quo*, ideo etiam influit intellectus *ut Quo*. *Ratio 3ty.* Quia inter intellectum & visionem mediat lumen Gloriæ principians actionem ; iam autem, Inter Principiū immediatum & Actionem nihil mediat ab utroq; distinctum. *Ratio 4ti.* Quia inter intellectum & actionem non interuenit alia media potentia : nā lumen Gloriæ medians, non est potentia, sed virtus potentia.

VI. VISIO beatifica entitativa Quidditativa non potest attingere Divinam essentiam sine attributis & Relationibus : 2. nec etiam Intuitiva : 3. videntq; Beati in Divina essentia creaturas Possibiles & existentes : 4. Mysteria fidei. 5. omniaq; simul vidēt, in verbo à Principio & non successivē.

*Ratio Primi.* Quia implicat videri aliquid quidditivē prout in se, non visis prædicatis prout in se quidditivē & adæquatē competentibus : iam autem De quidditate Divinæ essentia, prout in se, sunt Attributa & Relationes.

*Ratio 2di.* Quia implicat cognitio Divinæ essentia, intuitiva, quæ non sit quidditativa. Et posset videri Deus *ut author naturæ*, in patria, & non *ut author Gloriæ* : quod implicat.

*Ratio 3ty.* Quia Causa perfectè continens effectum, est sufficiens medium, *ut illa cognita cognoscatur effectus* : iam autem Deus perfectissimè continet creaturas *ut illarum causa*. Porro quod Beatus has potius quam alias videat creaturas existentes, *ideo est* : quia hæ potius quam aliæ ad illius statum pertinent ; hinc est quod licet videant in verbo omnia Genera & species quæ de facto fuerunt producta : cum ista omnia *ut pote* ad universi ordinem *per se* pertinentia, desiderant videre rationabiliter, qui appetitus expletur in Patria : attramen non vident omnia individua, partim quia *per accidens* pertinent ad universi perfectionem, partim quia omnia nō pertinent statum vnius Beati.

Deinde quod Beatus videat has Possibiles & non alias? Causa *formalis* est, maior vel minor intensio visionis. *Effectiva* est, maior vel minor luminis intensio : *obiectiva* est Divina essentia vnita per modum speciei.

Cur verò inter Possibiles plures vel pauciores videantur? Ratio est sola Divina essentia, *ut voluntariè vnita per modum speciei*. Quod verò omnes non comprehendantur, *ideo est*, quia ex ipsarum comprehensione infertur comprehensio ipsius Divinæ Omnipotentia : consequenter intellectus creatus deberet pertingere ad illum modum perfectum Cognitionis Divinæ essentia, quæ cognoscibilis est .i. infinite cognoscere quod est impossibile. *Ratio 4ti.* Quia Beatitudo satiabit omne rationabile desiderium ; iam autē sancti rationabiliter desiderant videre clarè in Patria, quæ obscure crediderunt in via. *Ratio 5ti.* Quia visio beatifica mensuratur Æternitate. Et essentia Divina gerens vices speciei omnia simul repræsentat : Idq; totū possibile & congruum est statui beatifico : *ut videmus in anima Christi*, cui

in plateis cælestis Hierusalem, cum sanctis perrenniter, in sanguine eius triumphale cantabimus Alleluia A M E N.



# TVRRIS ARCHELAI.

INTER SYLLÆ SECVRÆ IGNES

Te Bellatorem deprædicat Sarmaticum

Nobilis ac Spectabilis Domine

D. BONAVENTURA BRYGANTY

S. R. M. Secretarie

In Coronato Tuo Belligero Capite Bona Ventura  
felici omine iam sunt gloriôsè completa.

Ignitas Gottorum hydras, Vulcani ferro deiecisti

INTREPIDVS HERCVLES

Lyfimacho Audacior

Qui Leonem contra se emissum, immisâ in os ipsius  
manu, inuictò animo trucidauit.

VANDALICOS DISCERPISTI LEONES

Ense Tuo stratos calcabas Victor aceruos

Impositoque Suecus sub pede multus erat.

ADESTE, IO TRIUMPHE! ADESTE

Castrenses, Ciuicæ, Murales, Obsidionales ac Triumphales

Quibus vel Persia Xerxem, Lacedæmonia Cleomenem

Corinthusue Timoleonem exornauerant

GLORIOSÆ CORONÆ.

Quia ergo legitimè decertasti

En Tibi & in ipso Cælo inæstimabilis est reposita Corona.

FELIX VISIONIS BEATIFICÆ IVCVNDITAS

Quâ nemo coronabitur nisi qui legitimè certauerit.

Hinc Te Felicem toties vidimus, quoties publicum adiisti theatrum

Siue Cyneas in Toga, siue Miles in Sago apparuisti.

Feliciter Patriam profuso sanguine beasti, Borgoniorum Prosapiam

nobilem illustrasti, Hyacinthinamque Religiosam Familiam Duo-

bus Filijs Sacro Ordini dedicatis accumulasti: alijs duobus

Rempubicam exornaturus

SEMPER IN ARENA VICTOR.

Quæ gloriosa Bona dum gratulamur

Meliora Ventura exoramus.



# TVRRIS ANTVERPIENSIS

SERICO DIGNA VELO

Augusto CAROLI V. Approbante Calculo

Tuis nunc innectitur Gratijs

Nobilis ac Spectabilis Domine.

D. IOANNES ZALEYSKI

Heroicæ Virtutis

Omnibus admirandæ, solis perfectissimis imitandæ

Verum in Te exhibetur

Exemplar, Speculum ac Forma

Romano Digna Capitolio.

Quippe

FELIX VISIONIS BEATIFICÆ INCUNDTAS

CLARA IN PATRIA, VELATA IN VIA.

Eorum Tibi indulgit meritorum benedictionem quorum pretium

serico claritatis æternæ æstimatur amictu

HINC QVOQVE

CRACOVIANSES METROPOLITANÆ TVRRES

Ad Venustatem atque Maiestatem

Serico ex Te Velantur Paludamento

Senili Pietate Candido

& Candida Pietate sericato

Aureliano præsens ætas felicior sæculo.

Aurelianus quippe Vestem sericam non habuit

Nunc Cracovia Tota ex Te serica splendet.

Namque,

Tua Magistratui & Populo probata Amplitudo.

Omnibus commendata Dignitas

Magnorum Nominum Ingentes laudes

Vel adæquat Vel superat.

Tuo quoque Senili concessum solatio

Non inter sericas lanas, sed inter serias Virtutis rigida

eruditionis omnigenæ, ac Prudentiæ experimentalis Externarum

Nationum enutritum occupationes

Videre Filium intra Metropolitanæ Curia Senes

annumeratum Conassessorem.

Proindeque

Byssus Virtutis & Purpura Honoris

Quam Hyppolitorum, Krokierorum, Suberorumque

pretiosa in Te adaugent ornamenta fæderata

INDUMENTVM TVVM

Totum ex Patrocinio Promouente, ab Altari Hyacinthino

Cælestis Patrocini

HYACINTHO ODROVASIANO DIGNVM VELO



# SCIENTIÆ

## DIVINÆ,

### PRÆEMINENTIA.



Cientia prout dicit cognitionem, certam, evidentem, & ab omni imperfectione liberam, datur in DEO: 2. A Priori suorum Attributorum speculativa: 3. Omnium creaturarum secundum illorum essentias: 4. Proprietates: 5. Etiam ut in singulari existentium attractiva: 6. Et omnis cognitionis à Posteriori exclusiva. *Primum de Fide.* Quia juxta Psal. 137. *Excelsus Dominus & humilia respicit & alta à longè cognoscit.* Tum quia Deus est

summe immaterialis; iam autem Omne Immateriale, Substantiale, Radicale, est formaliter elicitivum Operationis ut quo. *Ratio secundi.* Quia ad rationem Scientiæ à Priori, sufficit procedere per Causam Virtualement in Essendo; & Talis est Essentia Divina respectu Attributorum. *Ratio tertij.* Quia Deus cognoscit omnes Creaturas per Causam Increatam, à qua ipsarum est Dependencia, signata Possibilia, Exercita à Decreto Futurorum, & Actualis Præsentium ab Omnipotentia Creante & conservante. *Ratio quarti.* Quia Deus ex parte Objecti cognoscit Essentias rerum creatarum, esse Causas suarum proprietatum. *Ratio quinti.* Quia Existentes Creaturæ in singulari, connectuntur cum Decreto. *Ratio sexti.* Quia Scientia à Posteriori, requirit Causalitatem vel Objectivam, vel Subjectivam; & Deus utriusq; est incapax.

II. Modus cognoscendi Divinæ scientiæ est, Quidditativè: 2. Intuitivè. 3. Cōprehensivè. 4. Distinctè in particulari. 5. Absq; discursu formali. 6. Benè tamen cum Virtuali attingere Objecta. *Ratio primi.* Quia attingit & suiipsius, & aliorum à se distinctorum Prædicata Quidditativè prout in se. *Ratio Secundi.* Quia implicat Quidditativa cognitio Objecti prout est in se, quæ non sit Intuitiva, seu quæ non terminetur ad objectum Subsistens & Existens ut est in se. *Ratio tertij.* Quia Divinæ Scientiæ cognitio, tantæ est perfectionis, s. infinitæ, quantæ est Objecti infiniti cognoscibilitas. *Ratio quarti.* Quia ultimas omnium attingit Differentias tam específicas quàm Individuales. *Ratio quinti.* Quia Discursus formalis est motus ad ignotum de noto; iam autem Divino intellectui nihil est ignotum. *Ratio sexti.* Quia non repugnat DEO Virtualis Causalitas unius cognitionis in aliam; patet in Natura Divina virtualiter influente in Attributa.

III. OBJECTUM primarium Divinæ Scientiæ, solum est Ens Increatum: 2. Formale Motivum: 3. ac Terminativum primarium est Divina Essentia, ut distincta virtualiter ab Attributis & Relationibus. 4. Materiale secundarium, sunt Entia creata. *Ratio primi.* Quia Ens Increatum dat specificationem. *Ratio secundi.* Quia sola Essentia Divina est species quæ intellectus Divinus fecundatur ad intellectionem, & cum ipso ex parte principij ad intellectionem concurrat; quod repugnat Attributis & Relationibus. *Ratio tertij.* Quia Essentia Divina sicut ob infinitatem suam in ratione speciei, & seipsam, & Attributa, & Creaturas, est Divino intellectui Ratio cognoscendi; ita ob eandem infinitatem in ratione Objecti Cognoscibilis & representabilis, & seipsam, Attributa, & Creaturas, est Divino intellectu



Atui Ratio Obiectiua attingendi, fundata in ratione pracontinentiae. *Ratio quarti.* Quia Creaturae attinguntur siue Possibiles siue Futurae siue Existentes, ratione Essentiae Diuinae.

IV. VNITAS Diuinae Scientiae est maxima. 2. Quae non multiplicatur Attributaliter, iuxta numerum Scientiarum in Creaturis repertarum. 3. Nec ponenda est in Deo Intellectio absoluta, virtualiter distincta à Lumine Principiorum, Arte, Scientia. 4. Ipsa tamen Scientia Diuina virtualiter distinguitur à Lumine Principiorum. 5. non verò à Sapientia. *Ratio primi.* Quia Scientia Diuina est formaliter in ratione scientiae infinita. *Ratio secundi.* Quia scientiarum creaturarum Ratio formalis *sub qua*, importat Potentialitatem: vnde praecisà potentialitate quam Abstractio Passiua importat, solus manet in Obiectis conceptus scientiae communis. *Ratio tertij.* Quia Omnis cognitio Diuina vel est Practica vel Speculatiua; *si primum*: erit formaliter vel Prudentiae vel Artis: *si secundum*: necessario debet esse vel Luminis Principiorum, in quantum attingit Principia Indemonstrabilia; vel scientiae in quantum attingit Conclusiones in Principio. *Ratio quarti.* Quia Obiectum Formale Luminis Primorum Principiorum sunt Principia vt immediatè in se cognoscibilia; Obiectum Formale Scientiae est veritas Conclusionis vt ex Principijs deducta; iam autem In Deo distinguuntur Virtualiter, quae in creatis distinguuntur ex proprijs conceptibus essentialiter. *Ratio quinti.* Quia sola Scientia Diuina considerat Causas altissimas.

V. DIVISIO Scientiae Diuinae, datur tantum ex parte Obiectorum materialium. Et alia est *Speculatiua*, quae versatur circa res merè possibiles, quas Deus cognoscit, sed non facit. Alia *Practica*, quae cognoscit & causat suum obiectum. Vnde quia Deus omnia causat, ideò de omnibus habet Scientiam Practicam; de bonis *Positiue*, de malis formaliter sumptis *Permissiue*, aut *Impeditiue*, aut *Ordinatiue*. Secundò, Scientia Dei alia est *Necessaria*, quae attingit ipsam rerum *Essentiam*, antecedenter ad liberam determinationem Decreti, ac Voluntatis Diuinae. Alia est *Libera*, quae attingit rerum *Existentiam*, praesupponens pro suo fundamento Decretum Diuinum. 3tiod. Alia est *Simplicis intelligentiae* quae versatur circa ea, quae nec sunt, nec fuerunt nec erunt: Et alia *Visionis*, quae versatur circa res quae sunt fuerunt, vel erunt; & subdiuiditur in *Approbantem* quae supponendo Decretum, fertur in bonum ac in *Reprobantem* quae fertur in mala & in peccata, quae supponunt in Deo Decretum Permissiuum, non verò Positiuum. 1. Et inter istas Diuisiones celebrior Scientiae Dei Diuisio; in Scientiam simplicis Intelligentiae & Visionis, non destruit vnicum & indiuisibile Attributum: 2. Ipsa tamen Diuisio est adaequata. *Ratio primi.* Quia obiectum Scientiae Visionis, & Simplicis Intelligentiae est vnum: nam Deus in seipso tanquam in Obiecto primario prius Cognito, & tanquam in Causa cognoscit tam creaturas Existentes quam Possibiles. Tum quia Ista: *Scientia simplicis Intelligentiae est causa rerum in primo tantum & non in secundo actu: Scientia visionis est causa rerum in secundo tantum & non in primo actu*: important differentiam secundum intrinseca: quoad *terminationem*; non verò quoad *actualitatem*; iam autem Diuersa actualitas debet desumi ex diuerso Obiecto primario: quod deest in praesenti materia. *Ratio secundi.* Quia inter Obiectum Visionis quod est. *Res existens exercitè*: & inter obiectum Simplicis intelligentiae quod est *Res non existens exercitè* non datur medium.

VI. POSSIBILIVM Scientiam habet Deus in seipso vt in Obiecto primario: 2. Et vt in Causa prius cognita: 3. Ideoque Deus non habet creaturarum Possibilium cognitionem in seipsis immediatè, Moriuè, & Terminatiue: 4. Est tamen



tamen ut Causa Creaturarum ab intrinseco connexus cum ipsarum possibilitate :  
5. quam possibilitatem cognoscit, non solum secundum esse eminentiale quod  
habent in ipso, sed etiam secundum propriam rationem & Essentiam non solum  
in communi, sed etiam secundum proprias & particulares rationes. *Ratio primi.*  
Quia Creaturae sunt Objectum secundarium, quod semper attingitur ratione pri-  
marij. *Ratio secundi.* Quia Creaturae continentur in DEO tanquam in Causa.  
*Ratio tertij.* Quia cognoscuntur per Speciem, immediate DEVM, & illas media-  
te representantem : *Ratio quarti.* Quia DEVS ut Causa creaturarum, non est ab  
intrinseco indifferens, ad esse & non esse talis possibilitatis ; ideoq; ab intrinseco  
est cum illarum possibilitate connexus ; iam autem In causa indifferenti ad esse  
& non esse effectus, non potest Esse effectus determinate cognosci. T. q. Summae  
Necessitati DEI & Omnipotentiae non obstat connexio cum possibilibus, exclu-  
dens dependentiam ; sic v. g. Relatiua, & Natura ut radix, habent connexionem,  
absq; dependentia ; a fortiori Necessitas Entis a se, nec arguitur & a posteriori  
seu mediate potest dependere a creaturis possibilibus : quia Implicat Dependen-  
tia, quae non sit formaliter effectus a Causa : & talis respectu DEI est implica-  
toria. *Ratio quinti.* Quia DEVS suam Omnipotentiam comprehendit, prout  
est Causa Creaturarum : iam autem non stat Virtutem Causae comprehendendi, non  
cognitis illius ad quae se extendere potest effectibus. Tum quia In statu Possibili-  
tatis sunt Creaturae Entia actu Nominaliter secundum connexionem Praedicatorum  
Essentialium : non autem Participialiter secundum Existentiam extremorum in  
aliqua temporis differentia, ideoq; sumpta Nominaliter, habent realitatem Essen-  
tiae ut actu obiectiue in seipsis cognoscantur.

VII. CAUSALITAS Scientiae Divinae Practicae, originatur a facultate proxi-  
ma Executiva DEI, Virtualiter distincta ab Essentia : 2. Et indistincta ab Intel-  
lectu & Voluntate : 3. Non tamen ista vis proximè productiua consistit forma-  
liter in Intellectu & Voluntate ex aequo : 4. Sed in intellectu : 5. Non secun-  
dum sed primum actum dicente : 6. Unde Actualis productio est formaliter  
actus Scientiae Practicae : 7. Ad quam productionem Scientia simplicis Intelli-  
gentiae concurrat actualiter dirigendo remotè & mediate : 8. Iam verò Scien-  
tia Visionis proximè & immediate directiue & effectiue concurrat : 9no. Ratio-  
ne cuius ista Propositio : Ideo res futurae sunt, quia sciuntur a Deo : in sensu illa-  
tuo & Causali est vera. *Ratio primi.* Quia in creatis Potentia proximè producti-  
ua & Essentia distinguuntur tam realiter ob limitationem, quam formaliter ex-  
proprijs conceptibus ; consequenter ; translata in DEVM, virtualiter distinguun-  
tur. *Ratio secundi.* Quia facultati proximè productivae seu Omnipotentiae, nequit  
correspondere Actio aliqua, quae non sit Actio formaliter Immanens ; iam  
autem Omnis actus in natura intellectuali formaliter Immanens, est formaliter  
actus vel intellectus vel voluntatis. *Ratio tertij.* Quia Vis Executiva, est simplex  
attributum in DEO. Et ipsa Actualis productio, est simplex Actio. *Ratio quarti.*  
Quia DEVS operatur ad extra per perfectiorem potentiam, tanquam per Prin-  
cipium executivum, in quo perfectior est praecontinentia creaturarum : iam au-  
tem Intellectui formas aliarum rerum in se habenti, talis competit praecontinen-  
tia : non verò voluntati quae fertur ad res. *Ratio quinti.* Quia intellectus pro-  
ut dicit actum secundum, obtinet essentialiter rationem actus : & prout dicit  
actum primum, obtinet rationem potentiae ; iam autem vis productiua Creatura-  
rum, est per modum Potentiae. *Ratio sexti.* Quia formaliter est actus intellectus  
Practici s; Imperium, prout est erga agibilia. *Ratio septimi.* Quia sicut in artifice  
creato scientia artificis, electionem regulando, & modum operis factibilis osten-  
dendo,



dendo, concurrunt remotè directiue; ita in Deo Scientia simplicis Intelligentiæ, concurrunt ad productionem creaturarum remotè, consiliando. *Ratio octaua.* Quia Imperium concurrunt ad productionem Creaturarum: iam autem Imperium, est Scientia visionis. Imò perfectior Modus directionis est Deo attribuendus: & talis habetur per Scientiam Visionis. *Ratio nona.* Quia Scientia Diuina est Causa futuri-  
tionis rerum: quarum est mensura, ab illisq; independens. Diuo attestante Augu-  
stino 15. de Trinitate cap. 18. *Vniuersas suas Creaturas spirituales aut corporales, non quia sunt ideo nouit Deus, sed ideo sunt quia nouit. Non enim nesciuit qua fu-  
erat creaturus: quia ergo sciuit, creauit, non quia creauit sciuit.*

VIII. FUTURORVM Contingentium Scientia datur in Deo, secundum illud  
Psalmi 138. Intellexisti cogitationes meas de longè & omnes vias meas prauidisti. Iam  
autem MEDIUM Vnicum & adequatum, in quo Deus certò & infallibiliter co-  
gnoscit futura contingentia, est Decretum Diuinum prædeterminans eorum futu-  
rionem. 2. Alterum Medium, est eorundem contingentium Physica & realis,  
Præsentia in Æternitate, & non solum Obiectiua & Intentionalis, ratione Præsci-  
entiæ. 3. Tertium tandem Medium, est Ipsa Causa secunda prout à Deo præde-  
terminata. *Ratio prima.* I. Quia profitente S. Scriptura *Omnia opera nostra opera-  
tus es in nobis Domine* Isa. 26. & Ezech. 36. *Faciam ut in præceptis meis ambuletis*  
Vnde D. Aug. de Pers. cap. 17. ait *Si Deus ea daturum esse præsciuit, profectò præ-  
destinauit.* Quæ illatio non esset bona si præscientia nostrorum operum non esset  
fundata in Prædestinatione seu Prædefinitione ac Decreto Voluntatis Diuinæ 2. T.  
q. Deus etiam peccata cognoscit futura in Decreto Positivo, quo statuit positivè  
concurrere ad entitatem & bonitatem Physicam actuum malorum; iam autem  
in Decreto Permissiuo quo vult eorum permittere deformitatem & malitiam, seu  
denegare Auxilium efficax ad vitandum peccatum prædictam cognoscit deformi-  
tatem: Ex primo Decreto sequitur Entitas & bonitas Physica, consecutione physi-  
cæ: ex secundo, sequitur eius malitia & deformitas, consecutione Logicæ & illa-  
tionis: sicut Annihilatio Creaturæ sequitur ex denegatione Concursus Diuini Con-  
seruatiui. *Ratio 2da.* Quia physica & realis futurorum Contingentium Præsentia in  
Æternitate, est necessaria: tum vt scientia quam habet Deus de illis, sit Intuitiua;  
ad differentiam Abstractiuæ requirentis solam Obiectiuam seu Intentionalem præ-  
sentiam & existentiam obiecti: tum vt Scientia Diuina sit inuariabilis; aliàs Deo  
incipiente videre res in tempore vt sibi præsentis, quas ab æterno vidisset tantum  
vt sibi futuras, transiret Scientia Diuina de Abstractiua in Intuitiuam, ac percon-  
sequens mutaretur, iuxta Obiecti transitum mutabilem. *Ratio 3ta.* Quia Decre-  
tum Diuinum & Physica Præmotio, quæ est huius Decreti executio & Causalitas,  
habent in ratione medij ducentis infallibiliter in cognitionem alterius, tum Priori-  
tatem naturæ & Causalitatis, quia non supponunt sed antecedunt prauisionem fu-  
turi consensûs quem causant: quàm Necessariam connexionem cum effectu con-  
tingenti, quia indifferenter non possunt componi cum consensu vel dissensu no-  
stræ Voluntatis liberæ, sed determinatè cum ipsorum Vno, ad quod dantur: tum  
quia ipsa Æternitas ratione infinitatis continet omnem durationis mensuram, coex-  
tendendo se cuilibet temporis differentiæ, Virtualiter in se præcontentæ: ratione  
indivisibilitatis, secundum se tota adunat omnia: ratione simultatis omnibus du-  
rationibus succedentibus absq; successione, coexistit. Porro Diuinorum Decre-  
torum salutarem ab intrinseco efficaciam vt consequamur, dignetur præstare  
IESVS CHRISTVS. Cui Honor & Gloria in sæcula sæculorum Amen.





# TVRRIS ADERENSIS

PRIMA CÆLESTEM AUDIVIT CONCENTVM

O Benedicta Turris!

Iuxta quam Angeli Natum Salvatorem Pastoribus annunciârunt  
Supra quam Multitudo Cælestis GLORIA IN EXCELSIS occinerunt.

Intra quam Sancti tres Pastores sepeliri meruerunt.

Hæc Gloriosa Turris

**DIVINÆ SCIENTIÆ**

Admirabilem demonstrat Præminentiam.

Quia VERBI Ineffabilis Vagientem nobis profert Humanitatem.

Hac cum Turri

Divinæ Scientiæ Præminentia.

Amabilissimaque Nati Salvatoris Humanitas

Tibi cedit in xenium

Nobilis ac Spectabilis Domine

**D. STANISLAE MICHAEL SEGNITZ**

Eques Aurate. S. R. M. Secretarie.

Hæc vnica Turris, firma est Tuæ stantis Laudis statio

Ad quam Tuus Auratus dum excubat Eques

In carne apparentis Dei inauguratur Secretarius.

Sic Tibi crescente merito creuit & Dignitas.

Quandoquidem

Archiconfraternitatis Rosarianæ Prior authoratus

**I E S V E T M A R I Æ**

*Promouendæ incumbis zelo & exemplo Deuotioni.*

*Vilescunt terrestria quibus Cælestium Rosarum Odor & Amor Cura.*

Consul in Concilijs, Zeleucus pro Tribunali celebraris.

Tuæque Martiæ Fidelitati concredita Ciuium salus

Patriæ Te magnum indigitauit Curtium.

Relucet in Te antiqua Senatûs Maiestas, & Iudicum Authoritas modesta.

Quanquam & id Tuæ accedit Gloriæ ab ea Te descendisse generis familia

Quæ Verustate cômendabilis, illustrem est largita sanguinem

Bartoszewsczorum, Sergierorum, Slowikowszczyorum, Golecczyorum,

Cantelliorum, Konradorumque.

indissolubilibus nexibus fæderatum.

Verùm has terrestres curas, gloriamque eorum minimè curas.

**I N I E S V E T M A R I A**

Solius Tibi Turris Adarenis sufficiat Scientia.

Tibi que ad gloriam & perennitatem adsit semper

**TVRRIS FORTISSIMA NOMEN DOMINI.**



TVRRIS FRANGIPANVM ROMANA  
SEPTEM CORVSCA LVCERNIS

Lucis in Te Vibrat radios

D V M

SCIENTIÆ DIVINÆ PRÆEMINENTIA

Tuo infertur Domicilio.

Nobilis ac Spectabilis Domine

D. CASIMIRE BONIFACI CANTELLI.

S. R. M. Secretarie.

Porro

Diuinæ Scientiæ quæ omnem faciat intellectum

Distributor Communicator ac Frangipanis

SOLVS EST SPIRITVS SANCTVS

Inextinguibilis septiformium munerum Lucernis

Vniuersam illuminans Ecclesiam.

TVÆ QVOQVE VIRTUTI

Non medietatem fracti panis, sed integram Benedictionis  
sue irradiantis concedit buccellam.

Septem Q. Metellus sibi concedi exoptauerat Dona

*Vt omnem ipse in compendio sui haberet felicitatem.*

Quæ Tu abundantiori recipis alueo

Ampliori septiformium donorum gaudens participio.

Has fouet & auget in Te, Diuinæ Liberalitatis Donationes

Immaculatissima ac Liberalissima.

DEI GENITRIX MARIA

Cuius Rosarianæ Archiconfraternitatis

Antesignanus & Prior Electus.

Totum Te adaugendis dedicasti Marianis honoribus

& Prior in Ecclesia & Consul in Curia simul.

Duplici hac redimitus Lauro

Moribus, Iudicio, Authoritate, ex Virtutum regula effloruisti.

Et cum omnium Ciuium animos Tibi introscripseris

Arctius totam Segnitzyorum famam, nomen, & meritum hæreditasti,

Etiam Natiuæ Virtutis, Donorum, ac Pietatis.

Splendentes Filiorum ac Filiarum constituendo Lucernas.

In quibus Ieremianum sub Bonifacio Patre compleatur promissum

Ex infallibili Diuinæ Scientiæ erutum oraculo.

NON DESINAM EIS BENEFACERE

Deo Gratias.



# VOLUNTATIS DIVINÆ

## LIBERTAS, EFFICACIA, SANCTITAS



**V**OLUNTAS datur in Deo, secundum fidem Catholicam: 2. quæ prout in actu primo, virtualiter distinguitur ab actuali volitione: 3. ipsaque actualis volitio non est de Metaphysica constitutione naturæ Divinæ. *Primum* habetur ad Rom. 12. *Ut probetis quæ sit voluntas Dei.* T. q. Omne intelligens non solum Ens, sed etiam bonum, est volens: unde implicat natura intellectiva Entis, & non intellectiva boni convenientis ipsi. T. q. Agens propter finem, est volens finem; iam autem Deus est agens propter finem. *Ratio 2di.* Quia voluntas Divina in actu primo intelligitur ut facultas proximè volitiva, & immediatè potens *Virtualiter* influere in volitionem: cuius distinctio virtualis actualis (sicuti actualis generationis ad intra à potentia generativa) nullam dicit imperfectionem. *Ratio 3ti.* Quia Metaphysicè dicitur illud constituere aliquam naturam, quod primò in illa intelligitur cum fundamento in re: iam autem volitio actualis præsupponit cognitionem. T. q. Natura Divina adæquatè communicatur formaliter ad intra, non communicatà volitione formaliter. T. q. Cognitio & volitio Divina æquivalent cognitioni & volitioni in creatis, quæ se præsupponunt & realiter inter se distinguuntur: in Deo realiter identificantur, & solum ob virtualement distinctionem, verificationem prædicatorum Contradictoriorum suscipiunt. s. quod *Filius per cognitionem procedit, & non procedit per volitionem, sicut Spiritus Sanctus.* T. q. Intellectus noster imbecillis, sumpto fundamento ex eminentia perfectionis Divinæ, diversis conceptibus, *Intellectionem* ut actum primum, *Volitionem* ut actum secundarium (iuxta illud: *Nil volitum quin præcognitum*) concepit; ideoque ob virtuale distinctionem volitionis à Cognitione primario intellecta in Deo, Divina volitio non est de Metaphysico Constitutione Naturæ Divinæ.

II. OBJECTVM formale voluntatis Divinæ est sola Bonitas Increata. 2. tam motivum: 3. quam Terminativum: 4. quam Bonitatem diligit ipsa voluntas Divina necessitate specificationis & Exercitij: 5. Objectum materiale secundarium sunt creaturæ, futuræ aut Existentes (quas liberè amat) 6. non verò Possibiles: 7. Nec Deus circa Objectum secundarium *Vel* ut exercitè existens, *Vel* ut dicens ordinem ad Existentiam potest omnem actum voluntatis suspendere Priuatiuè, aut Negatiuè: 8. nec etiam aliquid potest in tempore de nouo velle, aut deficere à volitione actus ab æterno habiti. *Ratio primi.* Quia sola Bonitas Increata, ut pote actus purissimus, habet perfectam proportionem & commensurationem in ratione objecti cum voluntate Divina. *Ratio 2di.* Quia sola bonitas Increata est finis Divinæ voluntatis: iam autem Objectum motivum voluntatis, est finis. *Ratio 3ti.* Quia sola Bonitas Increata *per se* prius attingitur: & cætera bona creata & merita nostra, non prout sunt in se, sed prout præcontinentur in Bonitate Divina, attinguntur à voluntate Divina. *Ratio 4ti.* Quia Bonitas Divina & est specificativum voluntatis Divinæ: & est eidem applicata, per claram, intuitivam, & comprehensivam cognitionem, ipsique identificata. *Ratio 5ti.* Quia si voluntas Divina non liberè sed necessariò amaret Creaturas futuras aut Existentes, ab æterno mundum produxisset; nam Potentia Dei Executiua, eius efficaci voluntati resistere non posset: T. q. Bonitas Divina quæ amatur à Deo ut finis, est independens in sui subsistentia à creaturis. *Ratio 6ti.* Quia Creaturæ possibiles non possunt amari etiam Amore Simplicis Complacentiæ, nam carent Existentiâ & ordine ad illam in statu possibilitatis; in quo solum sunt bonæ aptitudinaliter, secundum quid, & *Speculatiuè*: iam autem Objectum voluntatis debet habere Existentiâ *Vel* Actualement *Vel* dicere ad illam ordinem proximum



ximum, & *Practicè* terminare actum simplicis Complacentiæ, & non solum habere perfectionem in ordine *ad se*, connexionem prædicatorum essentialium importando; sed in ordine *ad appetitum*, eundem mouendo, finalizando, & in alia sese diffundendo. *Ratio 7<sup>mi</sup>*. Quia Deus tam volitionem quam nolitionem suspendendo *Prinasiuè*, circa aliquod obiectum secundarium quod cognoscit, remanet indeterminatus; nec actum vitalem exercet circa tale obiectum: quorum utrumque dicit imperfectionem: si autem *Positiuè* ipsam Suspensionem Vellet aut imperaret (si propriè imperari potest) adhuc tunc nil vult resolvere circa tale obiectum cognitum. *Ratio 8<sup>ui</sup>*. Quia quod voluntas incipiat aliquid velle de nouo, aut à volitione desistat, solū prouenire potest: *Primò* ex hoc, quod aliquod bonum incipiat esse sibi conueniens, quod antea nec bonum nec conueniens erat: *2dò* ex hoc, quod de nouo bonum agnoscat, quod antea non cognoscebat; iam autem utrumque horum arguit in Deo physicam mutationem.

III. LIBERTAS & Immutabilitas in voluntate Diuina conciliantur per hoc, inquantum Diuinæ voluntatis actus liber, nullam superaddit ad perfectiones Diuinas necessarias perfectionem aut Entitatem, ratione ab illis distinctam: 2. sed tantum ipsammet terminationem ratione distinctam in ratione terminationis. 3. ac proinde Actus liber Dei consistit in actualitate actus necessarij vt ad creaturas liberè terminata: 4. Quamuis etiam benè admittatur sententia docens, quod Actus liber Dei vt distinguitur à Necessario, constituatur per summam independentiam à creaturis, & infinitum Dominium supra illas, quod habet Diuina volitio, connotando summam subiectionem & dependentiam creaturarum ab ipso, quas non prout obiecta, sed prout effectus sibi inadæquatos respicit. *Ratio primi*. Quia cum Libertas exigat indifferentiam, ratione cuius res ita sit, vt possit non esse: & è contra, Immutabilitas exigat Necessitatem, ratione cuius res ita sit, vt non possit non esse; hinc est quod dum Actus liber potens deficere nullam superaddit perfectionem necessariam, stat Immutabilitas Diuina, in se inuariata: nam Actus liber ex proprio conceptu superaddit ad perfectiones Necessarias id tantum, quod potuit Deo non conuenire; iam autem nulla perfectio aut Entitas potuit Deo non conuenire. *Ratio 2<sup>di</sup>*. Quia constitutum Decreti liberi potuit deficere Deo, secundum aliquam rationem intrinsecam, (id est secundum quam constituit Deum intrinsecè creaturas *Vel* existentes *Vel* futuras volentem, *Ecce Libertas*) sed non sub conceptu intrinsecæ perfectionis aut entitatis. *Ecce Immutabilitas*. Ergo tantum sub conceptu intrinsecæ terminationis: quæ Terminatio intrinseca est defectibilis, separabilis, *Terminatiuè*: est inseparabilis & indefectibilis *Entitatiuè*: concipiturque à nobis ad instar habitudinis, non tamen est habitudo propria Transcendentalis, aut Prædicamentalis. *Ratio 3<sup>ty</sup>*. Quia Actus liber exprimit perfectionem ex parte actualis formæ Deum constituentis volentem liberè: & ista forma est actus Dei necessarius, prout ad creaturas liberè terminatus; ideoque non quoad Entitatem, sed præcisè quoad solam terminationem ad creaturas, potest deficere; quia ex conceptu terminationis, prout est exercitium Diuinæ voluntatis vt liberæ, solum reducit Diuinam Voluntatem, de actu primo ad actum secundum, non *Entitatum* (ecce immutabilitas) sed *Terminatum* & *denominatum*. Ecce libertas. *Ratio 4<sup>ti</sup>*. Quia iuxta hanc explicationem Libertas consistens in actu necessario, dicente supremum Dominium supra creaturas: *Et seruat* rationem actus puri, quia respectu actus necessarij, nulla datur in Deo potentia passiva, ideoque per actum necessarium Deus mutari nequit. *Et seruat* Indifferentiam (non Priuatiuam quæ imperfecto est) sed obiectiuam, Activam, & Dominatiuam supra obiectum creatum, à quo cum sit independens, ita potens est creaturas immutare, quod eas potest non immutare: ideoque actus necessarius



rius respectu creaturæ est actiue indifferens indifferentiâ perfectissimam libertatem constituyente: iam autem respectu Dei vt pote proprii Subiecti, est necessarius passiuè. Et licet sit necessarius in Deo, & tamen ob sui eminentiam absque omni virtualitate sibi superaddita, liberè creaturas immutat: *Sicut* Personalitas Verbi necessario terminans Naturam Diuinam, potest terminare naturam creatam *Vel* non terminare, sine aliqua sui additione *Vel* diminutione, etiam Virtuali.

III. EFFICACIA Diuinæ voluntatis prout prædeterminantis ac Physicè præmouentis stat cum libertate creata. *Ratio est.* Quia voluntas Diuina ex quo est efficacissima; causat nostræ voluntatis Substantiam actûs *ut Velit*; ex quo est vniuersalissima, causat modum actûs *ut liberè velit*. T. q. Deus mouet vnumquodque secundum proprietatem eius: Ergo quia voluntatis nostræ proprietas est, sese determinare & ad agendum applicare per deliberationem & electionem; ideo Deus præmouet voluntatem nostram ad hoc vt deliberet, & per propriam Electionem se determinet. T. q. Libertas in hoc consistit, quod voluntas agat, non *Quia est*, sed *Quia Vult* propriâ electione, cuius est domina, in quantum potest de illa disponere *Vel* retractando, *Vel* suspendendo, *Vel* continuando prout libuerit: iam autem Deus hoc Dominium *Secundum liberum* semper exerceri facit, suo Dominio *Primo libero*, quod habet super omnes nostros actûs. T. q. Decretum & Præmotio efficax, conseruat indifferentiam Obiectiuam iudicij proponentis obiectum vt amabile indifferenter: ideoque stante indifferentiâ obiecti, voluntas ad illud præmotam amandum, adhuc indifferenter tendit in illud & cum omimoda libertate. Proindeque Efficacia Decreti Diuini, ac Physicæ Præmotionis (quæ est executio Decreti efficacis) his conciliatur distinctionum explicationibus cum libertate creata.

*Stante Decreto Efficaci & Actuali Præmotione efficaci coniunctâ cū Voluntate mea*  
Non possum resistere Decreto & Præmotoni efficaci. Possum resistere Decreto & Præmotioni efficaci.

1. *Potentia Consequenti* quia hæc attendit ad omnes individuales circumstantias actûs.

2. *In sensu Composito*: quia ob intrinsecam Decreti ac Præmotionis efficaciam cum mea voluntate coniunctam, actûs infallibiliter fiet, respectu cuius non habeo potentiam dissentienti quæ simul coniungatur cum actuali dissensu.

3. *Necessitate Consequenti*: quia Præmotio efficax Metaphysicè essentialiter *Vel* quocunque alio modo connexa cum Voluntate mea, necessario & infallibiliter inducit in mea Voluntate *Determinationem*: quia est Decreti Diuini efficacissimi participatio & Executio.

4. *Potentia simultatis*: quia stante actuali Præmotione, connexa cum mea Voluntate, non est in me potentia ad simul ponendum consensum & dissensum: etenim Consensus & Dissensus Contradictoriè opponuntur.

5. *Effectiue, Originatiue, Primo Dominio ac Directe*: quia Præmotio de sursum est à Patre Luminum, cuius potestas magis in manu sua possidet corda nostra quam nos eadem possideamus, ex D. Augustini sententia.

1. *Potentia Antecedenti* quia hæc attendit ad actûs absolutè, & à circumstantiis præcisum.

2. *In sensu Diuiso*: quia stante actualiter efficacissima Præmotione in mea Voluntate habeo potentiam proximam ad dissentiendum, non coniunctam cum actuali dissensu, ideoque diuisam ab actuali dissensu.

3. *Necessitate Consequenti*: quia istamet Præmotio efficax connectitur cum Voluntatis meæ Determinatione vt liberè Ponenda: ideoque necessitate Consequenti possum resistere, quia Consequens operatio ex Præmotione efficaci, essentialiter requirit vt sit libera.

4. *Simulate Potentia*. quia stante Prædeterminatione ad Vnum actum stat simul potentia ad oppositum: quæ non ex vi suorum prædicatorum, sed solum ex suppositione, ad actum exercitè ponendum impossibilitatur.

5. *Terminatiue, Dominio creato, secundario ac Indirecte*: quia voluntas mea est perfecta Domina Dominio creato, non Principij qui est solus Deus, sed Termini Præmotionis .i. illius actûs ad quem datur.

Ac proinde stante actuali Præmotione, potest Voluntas illum actum suspendere reuocare, interrompere ad nutum suum: non tamen rumpit, reuocat, suspendit, quia cum Præmotione data ad positionem actûs, isti dissensus actuales sunt incompatibiles. Si tamen Voluntas nostra actualiter suspensionem vellet, id haberet ex alia Præmotione.

Itaque vniuersaliter Præmotio Physica mouet creatam Voluntatem, non solum vt agat, sed etiam ita agat, quod possit non agere, eum descendat à Deo tanquam à Prima Radice Libertatis nostræ præcontentæ eminenter in ipso: ideoque Deus est *Primum Principium extrinsecum*, intimè causans voluntatis nostræ Determinationem: & voluntas nostra est *Primum Principium secundum intrinsecum* huius Determinationis: vnde influxus Diuinus quantumcunque antec-



antecedens, est influxus radicis ipsius Libertatis, habens pro effectu ipsum liberum, inquantum liberum. Et has quinque distinctiones ex D. Damasceno & Doctore Angelico sumptas, in sensu Catholico, Theologico, Thomistico, explicatas, qui aliter interpretatur, intelligit, ac explicat, talis nec primis labijs doctrinam Thomisticam attingit.

V. SANCTITAS Diuinæ voluntatis stat cum Decreto efficaci Dei & cum Physica Præmotione prædeterminante ad materiale peccati: *Ratio est*. Quia Materiale peccati continetur intra obiectum adæquatum voluntatis Diuinæ. Nam causatur Physicè ab Omnipotentia Diuina, quia est Ens ab alio: 2. gaudet bonitate Physica & naturali: 3. est reducibile in Deum tanquam vltimum finem: 4. terminat actum Complacentiæ Diuinæ: 5. ac tandem vult Deus materiale peccati voluntate absolutâ & efficaci, tanquam Prouisor & Motor *Generalis*, non verò *Specialis*: Iam autem Formale peccati seu Malitia formalis non continetur intra obiectum voluntatis Diuinæ propter oppositas rationes. Ergo licet materiale peccati & formalis malitia sint inter se inseparabiliter connexa, quia tamen vtrumque non continentur intra obiectum voluntatis Diuinæ, nec ab Omnipotentia Diuinæ causalitate inseparabiliter attinguntur, hinc est quod Deus potest prædefinire materiale peccati, sub ratione Entis & actus, & non prædefinire nec causare malitiam formalem; *Sic bonum & verum*, sunt inter se summè identificata; & tamen Intellectus attingens *verum*, non se extendit ad *Bonum* extra Sphæram sui obiecti adæquati positum. *Sic* Concurfus simultaneus, qui est ipsemet actus voluntatis, prout est à Deo simul operante, connectitur cum actu, cum quo immediatè coniungitur ipsa malitia peccati; & tamen Deus cuncursu simultaneo concurrendo ad materiale peccati, non concurrit ad illius formale *Nec remotè & mediatè* quia Deus suâ prædeterminatione efficit, vt homo ponat materiale peccati solum quoad entitatem, actualitatem, & vitalitatem, non verò prout materiale peccati fundat aut connotat priuationem rationis, & legis, *Vel* vt dicens ordinem transcendentalem ad illâ *Non quasi violentè & coactè* veluti tractus à voluntate creata, ne desit muneris causæ primæ, aut violet iura libertatis creatæ; *partim* quia Deus etiam tractus & determinatus à voluntate creata, non potest causare id quod non continetur intra obiectum adæquatum Diuinæ Omnipotentia; *partim* quia quod est ab aliquo solum permissiue, non dicitur ab eo propriè causari; *partim* quia Qui causat aliquid, ad quod sequitur aliud infallibiliter, *consecutione Physicâ & causalitatis*, non dicitur se habere permissiue ad illud; iam autem dum ponitur materiale peccati, sequitur ad illud infallibiliter malitia peccati *consecutione Logicâ & illationis*: sic ad motum vitalem tibie curæ, sequitur infallibiliter claudicatio; & tamen anima causans illum motum, est non positua sed solum permissua causa talis defectus: *partim* quia, ideo Deus non potest *moraliter* mouere ac prædeterminare hominem ad materiale peccati, quia alias illum tentaret, seduceret ac implanaret Ergo ideo Deus potest *Physicè* mouere & prædeterminare ad materiale peccati, quia ipsum non tentat sed solum applicat ad producendam Entitatem: præscindendo ab omni morali imperfectione, à qua non præscindit Moralis præmotio ad materiale peccati: vnde Motio Physica licet sit maior Morali *intensiue* id est efficacior, est tamen minor *extensiue*, quia sistit intra ordinem Physicum, nec se extendit ad lineam moris, ad quam se extendit motio moralis: consequenter secundum nullam formalitatem potest Deus dici concurrere ad formale peccati, concurrendo ad materiales; proindeque stat eius summa sanctitas cum Præmotione Physica concurrente ad materiale peccati.

VI. ANTECEDENS Voluntas, versatur circa bonum creaturæ absolutè secundum se consideratū, CONSEQUENS verò circa idemmet bonum prout circumstantijs individualibus vestitum. 2. Vultque Deus Voluntate Antecedenti saluare omnes homines, etiam post Adæ lapsum. 3. estque formaliter in Deo. 4. ac dicitur Conditionata, non quia expectat consensum à libero creato arbitrio, sed quia importat actum conditionatum quo Deus veller salutem omnium hominum si hoc non repugnaret ordini Diuinæ Prouidentia, manifestatiōi suæ Iustitiæ, & Bono generali totius vniuersi. *Ratio primi* Quia Bonum creaturæ absolutè consideratum est prius seipso prout circumstantijs particularibus vestito. *Ratio 2di*. Quia (vt ait. D. Paulus 1. ad Timot. 2.) vnus est Deus omnium, vnus est mediator Dei & hominum, qui dedit semetipsum pro omnibus. *Ratio 3ti*. Quia Voluntas Antecedens est voluntas Beneplaciti, quæ formaliter reperitur in Deo. *Ratio 4ti*. Quia ad Prouisorem vniuersalem pertinet permittere aliquos deficere ab vltimo fine, eosdem suæ Iustitiæ Punitiæ rigori subiiciendo; à quo rigore liberare nos, dignetur Misericordia Dei & Passio

IESV CHRISTI. AMEN.



TVRRIS SYNARVM FVCHENSIS.  
ROMANORVM PRÆSTANTIOR ÆDIFICIIS

Quadraginta è solido lapide excisis sustentata Columnis.

Dum timet à Vetustate ruinam

Conseruandi Nominis à Te exposcit Consilium

Clarissime Nobilis ac Spectabilis Domine.

D. STANISLAE WOSINSKI

Philosophiæ & Medicinæ Doctor ac Professor.

En Quantus Tibi Delatus Honor

Quem

DIVINÆ VOLVNTATIS EFFICACIA

Omnia Creantis & Conseruantis

(*Quomodo enim aliquid potuisset permanere  
nisi Tu DOMINE Voluisses, Sap. 11.*)

Præseruandæ, Conseruandæ, & Restaurandæ Humanæ Vitæ  
in Peritissimum ordinavit Coadiutorem.

Habeat Roma, Antonios Musas, Cornelios Celsos,

Archagathosue, & Vectios Valentes,

Nostra in Te Vno complectitur Romanos Sarmatia.

Post reportatas de rigida Stoâ Laurus

Vt augustam ingenij diffunderes magnitudinem

Patauinum conscendisti Medicorum Amphitheatrum

Omnium saluti non proprio Honori consulturus,

Ergo

DIVINÆ VOLVNTATIS ASPIRANTE INFLVXV

Totus Epilimius, Amaracinus, Cynocephaleusq̃.

Totus & Apyron, Patauino declaratus calculo,

In Alma Iagellonis Vniuersitate

Medicæ Facultatis Doctoribus & Professoribus

(Cuius interea Decanum agis meritissimum)

adscribi promeruisti

SAPIENTIÆ COLUMNA.

Collabentem toties Principum sustentâsti Vitam

Eodem quo vita æstimandus pretio.

Antonianos erexisti Colossos

Solidæ Belzouiorum, Pastoleciorumque Virtuti Pares.

Et dum solidissima desideratissimæ Vitæ omnibus præscribis Consilia

IPSE PYLEAM RECIPE ANNORVM SERIEM.

FAVENTE DIVINA VOLVNTATE.



# TVRRIS ANTONIA

TEMPLI ET VRBIS PRÆSIDIVM.

Tuæ famulatur Virtuti

Nobilis ac Spectabilis Domine.

D. CHRYSTOPHORE KRAVZ

S. R. M. Secretarie.

Aurea hæc in fastigio ad Regalis Honoris Maiestatem,  
Marmorea, ex quadratis Lapidibus ad perennitatem,  
Ferrea ac armis instructa, ad hostium terrorem.

Totaque Facta Thesaurus

Ad Sacrum Stolæ Aaronicæ, supremæ Authoritatis Indumentum  
ac Ineffabilis Nominis DEI in aurea lamina exsculpti  
Securam conseruationem.

Et quis par Tanto Oneri & Honori?

SOLVS CHRYSTOPHORVS

In pietatis nomine, sine ponderis fatigatione es Baiulus Christi,  
Stolam Aaronis conseruas, Sacræ Marianæ ædis Conseruator  
Aureo fulges fastigio, inter Regalium Amicorum

SERENISSIMI ET INVICTISSIMI IOANNIS III.

Protectrici adscriptus Cathalogo.

Marmoreum Tedeclaras, ex quadratis solidæ virtutis  
præclare gestis: ex contexturis Perutorum, Puczkorum, Celestionumque sæderatis  
ex Sacrarum Peregrinationum laboribus  
pijssimè susceptis, salutari Perennitati consecratis,  
Ferreus an sis, qui & inimicis parcere nosti, solâ animi beneuolentiâ  
subiectis, & sine ferro deuictis,

Areopagi sacrum appello Iudicium.

Ad compendium Gloriæ hoc vnicum sufficit Tibi

Magni Parentis Tui Imitari Virtutem.

FORTISSIMVS ILLE EXTITIT CHRYSTOPHORVS.

Ad Sacras Diuinæ Voluntatis efformatus leges

Cuius Efficaciam non fregit Gotthicus Leo.

Libertatem non coarctauit Hostilis obsidio.

Sanctitatem non contaminauit tunc prædominatrix hæresis externa.

Qui in humeris suis Totam Vrbis molem inter Vandalicos fluctus dum  
baiularer, Maximi Templi Sanctissimæ TRIADIS, cum ipsius Ecclesiastico  
Thesauo, ac Maximæ Bibliothecæ (quâ nulla præstantior in Regno)

BAIVLATOR, DEFENSOR, CONSERVATOR INFRACTVS

TEMPLI ET VRBIS PRÆSIDIVM.

Tandiu Prædicatorio, Rosariano, Hyacinthinoque celebrabitur Stylo,  
Quândiu in hac Vrbe, Regno, & Orbe, Prædicatorum superuixerit Ordo.

Qui maiora pro seipsis laudum encomia desiderauerint

Imitentur Krauzianæ Virtutis in Templo & Vrbe exempla.

Et hoc Vnicum sufficiet omnibus

AD GLORIOSAM PERENNITATEM.



# PROFVNDISSIMVM DIVINÆ PRÆDESTINATIONIS

## ARCANVM.



Prædestinatio est Via Domini inscrutabilis. Tripliciter accipitur, *Primò* amplè, prout idem est ac Præordinatio æterna cuiuscunq; rei efficiendæ in tempore; 2. improprie, prout idem est ac Deputatio reprobatorum ad æternum supplicium; 3. proprie, prout idem est ac Transmissio creaturæ rationalis in finem Vitæ æternæ; & in hac tertia acceptione in præsentī loquimur de Prædestinatione.

II. Prædestinationem dari in Deo, fide Diuinâ est certissimum. Quia Rom: 8. dicitur *Quos prædestinavit, hos & Vocavit.* Tum quia Quidquid Deus in tempore exequitur, totum ab æterno decernit, ob suæ voluntatis immutabilitatem tam physicam quàm moralem.

III. Conueniens fuit Deum homines prædestinare. Quia ad Diuinam, Prouidentiam pertinet res in finem ordinare; iam autem Creatura Intellectus & Rationalis, efficaciter in finem vltimum s. ad claram Dei Visionem ordinatur, ex Diuina Prædestinatione.

IV. Prædestinatio ita est necessaria ad salutem, vt sine illa impossibile sit aliquem defacto saluari. Quia Math: 25. dicitur *Venite benedicti Patris mei possidete paratum vobis regnum:* iam autem Præparatio regni cælestis fit per Prædestinationem, vt docet D. Augustinus Tract 68. in Ioan. explicans illa Verba Ioan 14. *In domo Patris mei mansiones multe sunt;* dicit, Deus facit illas prædestinando, facturûs est operando.

V. Actus ad Prædestinationem concurrentes, sunt in triplici statu. *Primus* status est Possibilitatis, qui præsupponitur ad Prædestinationem. *Secundus* Status est Intentionis, qui principiatiuè circa finem, & circa media iudicatiuè, & approbatiuè, se habet. *Tertius* status est Executionis, qui præceptiuè & imperatiuè concurret ad Prædestinationem. In quolibet autem istorum statuum, semper actum Voluntatis præcedit actus Intellectus dirigens & regulans: vicissimque omnem actum Intellectus (excepto primo) præcedit actus voluntatis applicans & exercitium inspirans; sed præcedentiâ rationis cum fundamento in re. Quorum actuum ex parte intellectus & voluntatis, hanc ante oculos ponimus coordinationem.

### Prædestinatio in statu possibilitatis.

Actus ex parte Intellectus.

**P**rimus actus Intellectus Diuini, est scientia simplicis Intelligentiæ, per quam Deus (inter cæteras Quidditates possibles quæ ad statum futuritionis transferendæ erant) cognouit quatuor ordines rerum, quibus potuit se communicare s. Ordinem Hypostaticum, Gloriæ, Gratiæ, & Naturæ, quos v. Possibiles proposuit suæ Diuinæ voluntati, cum omni indifferentia quoad acceptari vel non acceptari, creari vel non creari absque omni conueni-

entia

Actus ex parte Voluntatis.

**S**ecundus actus est voluntatis Diuinæ, simplex complacentia correspondens primo actui. Et per hunc actum Voluntas Diuina, (præsuppositâ indifferentiâ ex parte intellectus Diuini) voluit & elegit, omnibus propositis Obiectis se communicare: & hanc suâ simplici voluntate reddidit maiorem conuenientiam in creando quàm non in creando, & se determinando quatuor ordinibus communicare, quàm se non determinando. Vnde sicut in pri-

mo



entia & bonitate istorum obiectorum seu Ordinum secundum se sumptorum. Et ista Simplex Diuina Intelligentia correspondet nostræ Apprehensioni & Complacentia Complacentiæ. Terti<sup>us</sup> actus est Iudicium, indicans illa Obiecta ex vi voluntatis Diuinæ prout eadem acceptantis conuenientiam habentia, esse ad extra fortiter & suauiter, exequibilia. *Et in isto Iudicij actu terminatur ordo & status Possibilitatis, & sequitur immediatè status Intentionis.*

#### *Prædestinatio in statu Intentionis.*

**Q**uartus actus ex parte voluntatis correspondens Iudicio antecedenti, est Intentio, à qua incipit status & Ordo intentivus Prædestinationis. Et hæc Intentio est, illis quatuor Ordinibus, actualiter sese communicandi, & principaliter naturam humanam ad Esse Hypostaticum assumendi, ex Angelis & hominibus aliquos ad Gloriā eleuandi: *Ex Motiuo* solius liberalitatis ac misericordiæ; *Per Media* seu merita liberaliter misericorditer vt cāsanda, seu in ratione effectus inspecta. Et essentiāle est huic Intentiōi, rēdere in finē efficaciter vel ineffaciter.

#### *Actus circa Media intra statum Intentionis.*

Ex parte intellectus.

*Primus*, est Consiliū, non quoad Inquisitionem sed quoad certitudinem mediorum; cuius regula proxima est Eubulia.

*Tertius*, est Iudicium Discretivum utilioris medij quod denuntiatur voluntati per Verbum Modi Indicatiui: cuius regula proxima est Gnome.

Ex parte voluntatis.

*Secundus*, est Consensus correspondens Consilio, media vt proportionata fini approbans: cuius regula est Consiliū antecedens.

*Quartus*, est Electio eiusdem utilioris medij, correspondens Iudicio Discretiuo tanquam suæ Regulæ. *Et in isto actu Electionis terminatur stat<sup>us</sup> Intentionis.*

#### *Prædestinatio in statu Executionis.*

Primum habet actum Imperij, efficacem, voluntati immediatè & Potentijs Executiuis mediatè mediorum Executionem intimantis, per verbum Modi Imperatiui, *Fac.*

Tertium habet actum Vsus Passiui qui est actio ipsius Imperij virtualiter transiens, & efficaciter physicè operans ad extra, tam in ordine naturæ quàm gratiæ, omnia bona in nobis opera principiantis cum digno Sacramentorum Vfus vsq; ad finalē Perseuerantiā.

Secundū habet actū Vsus Actiui, determinantis voluntatem & mouentis, ac applicantis actiue media ordinata *hic & nunc* exequibilia, in ordine ad Executionem.

Quartum & vltimum habet actum Claræ Dei visionis, & perpetuæ ipsius in sæcula sæculorum Beatissimæ Fruitionis, ex qua maxima refulget gloria Christi Redemptoris, cum firma iam executioni mandata beatissima possessione quam nos expectam<sup>us</sup> Amē.

#### *Regulæ Generales pro actibus Prædestinationis.*

VI. Unus actus connotet alium essentialiter. 2. Unus actus sit id, quod & alius actus: *Non* formaliter, *sed* materialiter: *Non* Constitutiue, *sed* Præsuppositiue: *Non* penes proprietatem Definitionis, *sed* Explicationis. 3. Unus ab altero participet modum, non substantiam: sic, quia *Efficacia* est modus voluntatis, ideo intellectus illam participat à voluntate: iam autem *velle obiectum* quia est Essentia & substantia voluntatis, ideo *Velle* non participat intellectus à voluntate. 4. Voluntas est primum mouens *Physicum*: quoad exercitium mouendo intellectū: 5. Intellectus est primum mouens *Morale* quoad exercitium proponendo voluntati obiectum. 6. Ordo Intentionis est ab intellectu vt Dirigente: Executionis vt imperante, 7. Idemmet Ordo Intentionis est à voluntate vt intendente;



tendente: Executionis vt applicante. 8. Ordo Intentionis & Executionis habent se modo contrario: id est media prout sunt in ordine Intentionis causantur à Fine: & prout sunt in ordine Executionis causant Finem.

VII. Prædestinatio formaliter consistit in actu Imperij. Quia Imperium in ordine Executionis est præparatio actiua præconcipiens rationem fiendi operis. T. q. Imperium est mediorum, non absolutè, remotè indeterminatè, sed proximè determinatorum & fini Prædestinationis deferuentium, Ordinatio actiua præceptiua, formalis & immediata respectu voluntatis.

VIII. Non repugnat ab intrinseco quòd substantia Prædestinati sit effectus Prædestinationis: 2. & defacto ita est. *Ratio primi.* Quia non repugnat quòd substantia Prædestinati quoad sui Existentiã, fiat ex vi Decreti quo eligitur ad gloriam. *Ratio secundi.* Quia substantia Prædestinati conducit ad Prædestinationem tanquam conditio *sine qua non* potest adimpleri Prædestinatio: & est Causa Efficiens *ut Quod* actuum promerentium gloriam.

IX. Permissio Passiua peccati, est effectus Prædestinationis electorum: 2. præparatus à Deo ex intentione Pænitentia. *Ratio primi.* Quia passiua permissio peccati (prout dicit carentiam Gratia efficacis quã positã vitaretur peccatum) est effectus Volitus propter aliquem finem: nam Excæcatio pertinet ad permissionem peccati licet ex se ordinetur ad damnationem: at ex misericordia Dei ordinatur ad sanationem. *Ratio 2di.* Quia Permissio peccati est medium Remotum ad finem Prædestinationis: & Pænitentia est Finis proximus; iam autem Medium Remotum eligitur solum ex amore & intentione Medij proximioris.

X. Glorificatio, Iustificatio non interrupta & vocationes efficaces: 2. imò Gratia per peccatum interrupta, non solum vt recuperata per Pænitentia, sed etiam vt primò collata, & quatenus interrupta non per culpam sed à Deo: 3. Et etiam vocationes inefficaces, non reduplicatiuè sed specificatiuè tales: 4. Actus quoque supernaturales, non solum prout à Gratia, sed etiam prout à libero arbitrio procedunt, sunt effectus Prædestinationis: 5. Sola Gloria & Perseuerantia finalis *Elicitiue*, alij autem effectus enumerati *Imperatiuè* proportionati tamen cum illius fine, fiunt ab eadem. *Ratio primi.* Quia quos prædestinauit hos vocauit & glorificauit Misericors Dominus *Rom. 8.* T. q. Prædestinatio est præparatio beneficiorum efficaciter inferentium finis consecutionem. *Ratio 2di.* Quia Gratia per peccatum interrupta, vt primò collata, ex intentione Glorix imperatur; etenim Omne quod est effectus Dei ad glorificationem concurrens, ex vi intentionis gloriæ præparatus, est effectus Prædestinationis. *Deinde.* quatenus interrupta à Deo, habet rationem pænæ peccati, ideoque potest conducere ad effectum Prædestinationis. *Ratio 3tij.* Quia licet vocationes inefficaces non extorqueant à voluntate consensum, conducunt tamen ad gloriam, *vel dispositiue* mediatè cor hominis emolliendo: *vel Obiectiue* per sui memoriam, ad gratiarum actiones excitando; *vt inefficaces* ad propriæ fragilitatis cognitionem mouendo: *Vt specificatiuè tales.* ad actus humilitatis & pænitentiae conducentiam inseruendo: non verò *Reduplicatiuè* tales s. intrinsecam inefficiam importando; quia vocationes inefficaces non propter intrinsecam inefficiam, sed propter efficaciam aliorum actuum sunt Prædestinationis effectus. *Ratio quarti* quia hæc Propositio: *Actus supernaturalis liber, prout à libero arbitrio procedit, est effectus Prædestinationis:* etsi Reduplicatiuè sumpta sit in hoc sensu falsa: *Actus supernaturalis ideo est effectus Prædestinationis, quia est à libero arbitrio:* sumpta specificatiuè est vera in hoc sensu: *Actus supernaturalis liber,* secundum formalitatem supernaturalitatis, quàm libertatis, prout procedit à libero arbitrio per gratiam eleuato, est effectus Prædestinationis. *Ratio quinti.* Quia Sola Gloria & Perseuerantia finalis petunt per se prædestinationem pro causa eliciente ordinante



nante, impetante: iam autem Auxilia supernaturalia efficacia, petunt per se Pro-  
videntia in pro causa eliciente: pro causa Imperante petunt Prædestinationē.

XI. Electio efficax Prædestinationem ad gloriam, per modum Inten-  
tionis, meritorum prævisionem ut moventium præcedit: 2. nec sub merito  
cadit. *Ratio primi* Quia Deus elegit nos in ipso (in Christo) ante mundi con-  
stitutionem; ut essemus Sancti ad Ephes 1. *Ratio 2di* Quia Merita sunt Finis  
illatua & causatiua, tantum in ordine Executionis; iam autem in ordine *Inten-*  
*tionis* sunt tantum misericorditer causanda.

XII. Opera ex Viribus naturæ profecta nec de condigno: 2. nec de con-  
gruo primam Gratiam Auxiliantem seu primum Prædestinationis effectum  
merentur: 3. imo nec remotè ad primam iustificationem disponunt Disposi-  
tione Positiua, *Ratio primi* Quia opera meritoria ex Viribus naturæ profecta,  
non habent æqualitatem moralem cum præmio supernaturali: *Ratio 2di* Quia  
salus spiritualis, non Volentis neque currentis hominis, sed solius est mise-  
rentis Dei. *Ratio 3ty* Quia Omnis Dispositio Positiua, ex se ordinata ad in-  
troductionem formæ supernaturalis, etiam remota, ad gratiam Iustificationis  
concurrens, debet esse ex Diuinæ Gratia adiutorio & inspiratione Spiritus  
Sancti, iuxta determinationem Concilii Trident: sess: 6. Can. 3. *Si quis dixerit*  
*sine praueniēte Spiritus Sancti inspiratione, atque eius adiutorio posse hominem Crede-*  
*re, Sperare, Diligere, aut Pænitere, sicut oportet, & ut Gratia iustificationis confere-*  
*tur, Anathema sit.*

XIII. Prædestinatio est certa certitudine Præscientiæ: 2. Causalitatis &  
Ordinis: 3. eiusque infallibilitas non lædit nostram libertatem *Ratio primi*.  
Quia nemo à consecutione salutis, ad quam ex Vi Prædestinationis est ordina-  
tus, potest deficere: iuxta illud Ioan. 6. *Omne quod dedit mihi Pater non perdam*  
*ex eo.* *Ratio 2di* Quia Prædestinatio essentialiter supponit Electionem effica-  
cem Prædestinatorum ad gloriam; iam autem Electio efficax Dei, infallibiliter  
infert & causat suum obiectum. *Ratio 3ty* Quia de fide est Prædestinatos o-  
peribus ex gratia procedentibus, gloriam promereri; iam autem Meritum abs-  
que libertate subsistere nequit.

XIV. Reprobatio est actus positivus intellectus & voluntatis Diuinæ  
quo ab æterno decreuit aliquos excludere vel non admittere ad gloriam, ob  
manifestationem suæ Iustitiæ: 2. daturque formaliter in Deo. *Ratio primi*. Quia  
Deus iuxta S. Scripturā ad Rom: 9. *Cuius vult miseretur, & quem vult indurat;*  
*Ratio 2di* Quia ad Providentiam Dei pertinet permittere aliquem defectum  
in rebus, iuxta ipsorum naturam: scilicet naturæ defectibili ex vna parte pro-  
videndo defectibiliter: & ex altera parte eidem naturæ communicando auxi-  
lia efficaciter: & utroque modo suum finem assequi.

XV. Ante prævisionem omnis demeriti personalis, Voluit Deus efficaciter reprobis  
negare gloriam, seu illos à gloria excludere: Quia iuxta D. Paulum ad Rom. 9. Iacob &  
Esau *Cum nondum nati fuissent, aut aliquid boni aut mali egissent, ut secundum electionem, propo-*  
*situm Dei maneret, non ex operibus, sed ex vocante dictum est:* quia Maior seruiet Minori: sicut  
scriptum est: *Iacob dilexi, Esau autem odio habui,* quæ duo s. *Dilexi, & odio habui* Prædestina-  
tionem & Reprobationem significant iuxta S. Thomam.

XVI. Reprobationis effectus non est substantia reprobi: 2. benè tamen Permissio o-  
mnis peccati personalis nunquam per gratiam remittendi *Ratio primi*. Quia substantia repro-  
borum non est producta ex intentione illos excludendi à Gloria. *Ratio 2di* Quia sicut Præde-  
stinatio includit voluntatem conferendi gratiam & gloriam: ita Reprobatio includit volun-  
tatem permittendi culpam nunquam dimittendam, & inferendi damnationis penam.

XVII. Liber Vitæ datur in Deo; respectu Electorum: 2. non tamen Liber mortis re-  
spectu Reproborum *Ratio primi*. Quia ipsa Prædestinatorum conscriptio, & notitia Dei, quæ  
firmiter retinet se aliquos prædestinasse ad Vitam æternam, dicitur Liber Vitæ, similitudina-  
riè. *Ratio 2di* Quia non est consuetum conscribi eos qui repudiantur: sicut consuetum est  
conscribi eos, qui eliguntur: ut patet in Militibus & Patribus Conscriptis. O Domine Miseri-  
cordissime qui non vis mortem peccatoris, dele nos de Libro mortis, quos characteribus  
sanguineis descripsisti in manibus dilecti Filij Tui ESU CHRISTI. Cui Honor æternus, Amen.



# T V R R I S O Z I A N A

S V S T E N T A T A A B A L T O .

Profundissimum Diuinæ Prædestinationis Arcanum  
Centum quinquagenario Tibi pandit cubitorum Numero  
Nobilis ac Spectabilis Domine.

D. I O A N N E S K R A K I E R .

Porro

Diuina Prædestinatio Vniuersa cunctis  
Naturæ, Gratiæ, & Gloriæ præstat beneficia  
Quæ in Tui cordis scrinio alia in re, alia in spe reponuntur.  
Mineræ Tibi pectus est & Caput Gorgiæ  
Rediuiua in Te Thebanici Magistratûs Iustitia  
Adamantina in arduis probatur soliditas  
Soçratisque Vniuniformem semper prætefers animum.

Hoc Totum

Diuinâ Imperante Prædestinatione  
Diuinâ conferente Prouidentiâ.  
Nec communissima hæc omnibus quæ Tibi specialissima sunt  
Diuinæ Prædestinationis Xenia.  
In Petra Petri solidari firmiùs  
In vera Pietate proficere ardentius  
In promouendo Dei Honore stare Vigilantiùs  
Ab Authore Gratiæ hæc Tibi conferuntur Priuilegia  
Ex Liberali Prædestinatione.  
Cætera ab Authore Naturæ  
In bonorum ingenij, honoris & fortunæ possessione,  
In Familiarum nobilissimarum connexionione  
In filiorum ad omnem Virtutem Natorum propagatione, sunt tibi præstita  
Ex Naturalis Ordinis Prouidentia.  
Verùm Quantus sis in omnibus.  
Centum quinquagenarius docet Numerus.  
E N M Y S T E R I V M P A N D O  
Psalterij Mariani Salutationum Angelicarum est iste Numerus.  
Exactus esto in Numero Rosariano Arithmeticus.  
Et Prædestinatam Tibi Gloriam, certò obtinebis per MARIAM  
Quia MARIA est scala peccatorum, est maxima  
fiducia, est tota ratio spei nostræ.  
HÆC TE SVSTENTET AB ALTO.  
In terris: cui post feliciter peractam vitam cantandum in Cælis  
HOSANNA IN EXCELSIS.



# TURRIS DIADENA

NEC IPSOS TIMENS DRACONES

Ex Inuincibilis Diuinæ Prædestinationis Armamentario

Omni Armaturâ fortium Instructissimo

Victoriæ Tibi spondet Triumphos

Nobilis ac Spectabilis Domine.

## D. GEORGI ROMVALDE SCHEDEL.

IPSE S. TVVS GEORGIVS

Victoriarum Nicephoro Imperatori, Chuniberto Francorum,  
Eduardo Tertio Anglorum Regibus, Author Gloriosus: Maximus

Turcarum ab ipsis *Chezer Elias* dictus

TERROR & FVL MEN.

Hâc Te Diuinæ Prædestinationis ad Victorias collatâ  
nobilitauit Turri.

Specialissima hæc Turris, Diadenâ præstantior.

ROTIS

Senatoriarum Virtutum Tuarum, Certioris Consilij, Discretioris  
iudicij, Fundamentalioris Sententiæ rectissimis Volatilior.

MILITIBVS

Bonorum operum (nesciente sinistrâ quid faciat dextra)  
occultis, Equi Troiani numerosior.

ADINTRA

Ariete non hostiles muros, sed proprium pectus per  
contritionem concutiente, contra inferni Dracones validior.

ADEXTRA

Omni pretioso ornatu, Honoris, Famæ, Fortunæ, Zacherlianæ  
Zaleyscianæque Cognationis, splendore: nec non Fraternali

NICOLAI AVREI Tribunalitiâ Dignitate Potentior.

DE SVpra

Quaquâ Versus circumspiciat Futuræ Æternitati felicissimæ sese adaptare;  
Præteritarum Virtutum operose inchoatarum augmentum procurare;  
Præsentem Hospitalitatem Laureatam Hospitali & Hospitibus declarare  
eniteris efficacissimè.

ERGO

Prosperè Procede & Vince

Ex triumphante Diuinæ Prædestinationis Turri

Georgiano Ense & Hastâ

Etiam ipsos infernales Dracones.

Quam Tuam Victoriâ

Non Macrocolorum sed cælestium Incolarum

Triumphanti impressæ Æternitati

Narrabunt Historiæ.



# SACROSANCTVM SS. TRINITATIS MYSTERIVM.



**D**atur in Deo Diuinarum Personarum pluralitas 2. Inter Patrem & Filium Essentia Unitas: 3. Et inter Spiritum Sanctum cum utroq; eiusdem Essentia adoratur Maiestas: 4. Suntq; tantum tres Personae: 5. Et non plures. Totum de fide est primum quidem punctum Isa: 6. acclamatur, Sanctus, Sanctus, Sanctus, (ecce pluralitas) Dominus Deus sabaoth (ecce Essentia Unitas). Et talis pluralitas cum Unitate Diuinae Essentiae, in Deo requirit Perfectissima Amicitia: summa Bonitas: ac Inexhausta Felicitas: quae tria sine extremorum distinctione reali, stare non possunt. Secundum habetur Ioan: 10. Ego & Pater unum sumus. Unitate identitatis inter praedicata absoluta: & non tantum Unitate Affectiua. Tertium Sap. 1. Esse ubiq; competit Spiritui Sancto sicuti Patri & Filio: ibi. Spiritus Domini repleuit orbem terrarum. Similiter mortuorum resuscitatio Rom. 8. ac secretorum reuelatio 1. Cor. 2. eidem aequaliter conuenit, Quartum in Symb. D. Athan. Unus ergo Pater non tres Patres, Unus Filius non tres Filij, Unus Spiritus Sanctus non tres Spiritus Sancti. Quae Propositio à SS. Patribus tanquam exclusiva habetur. Quintum Quia numerus Personarum constituitur secundum numerum Processionum, quae sunt duae, Generatio à Patre per quam producitur Filius: & Spiratio Actiua à Patre & Filio: per quam spiratur Spiritus Sanctus.

II. Processiones immanentes dantur in Diuinis. Quia Ioan 7. Christus de seipso attestatur. Ego à Deo processi: & Ioan. 16. de Spiritu Sancto affirmat: Mittam vobis Spiritum veritatis, Et tales Processiones sunt à Principio originis intrinseco, connexo absq; dependentia, coaeterno & immateriali.

III. Processiones Actiuae sunt formaliter ipsimet actus essentiales Intellectionis & Volitionis Diuinae, prout modificati per suas Relationes in obliquo connotatas, Quia Intellectio Essentialis actiue sumpta, ut modificata per Paternitatem est proprie Viuentis à viuento coniuncto in similitudinem naturae generationis. Vnde Generatio seu Intellectio actualis, est forma constitutiva Patris ut Generantis: ipsa autem Paternitas est modus & complementum istius formae.

IV. Principium Quo Diuinarum Processionum Remotum, est Essentia Diuina 2. Proximum est Intellectus & Voluntas. 3. prout suis modificantur Relationibus. Ratio primi. Quia Personae Productae assimilantur Personis Producentibus in natura Ratio 2di. Quia sicut quaelibet natura creata medijs potentijs à se realiter distinctis est operatiua; ita & Natura Diuina medio intellectu & voluntate tanquam Potentijs à se Virtualiter distinctis est productiua intellectionis & volitionis. Ratio tertij Quia Principium Quo reale debet saltem inadaequate distingui à termino producto: quod in Diuinis praestant Relationes in obliquo connotatae.

V. Processio Verbi ideo est Generatio, quia Verbum procedit per intellectum ex proprio conceptu assimilatiuum 2. & Processio Spiritus Sancti ideo non est Generatio, quia procedit per voluntatem, quae non est potentia assimilatiua. Ratio primi. Quia Verbum Diuinum ideo est genitum: quia est simile suo Principio in natura sibi communicata per intellectum; iam autem Intellectio sit per assimilationem; consequenter Pater aeternus producendo Filium, per intellectum intendit sibi producere simile in natura, secundum esse tam Intelli-



tellibile quàm Naturale *Ratio 2di.* Quia proprius modus operandi voluntatis, non est per assimilationem ad obiectum amatum, sed per inclinationem & propensionem in illud, Vnde Pater & Filius vt sunt Vnus Spirator, per actum volitionis Diuinæ substantialis, vt modificatae per Relationem Spiratoris, ex vi Processionis *Ordine Intentionis* primario & per se produciunt Impulsum seu Amorem, qui formaliter specificat actionem volitiuam; tam autem *Ordine Executionis*, primario communicant Naturam Diuinam per Processionem.

VI. Relationes Diuinæ dantur in Deo 2. à Diuina Essentia indistinctæ tam realiter entitatiuè 3 quàm realiter modaliter 4. sed solâ ratione ratiocinata. *Ratio primi.* Quia inter Personas Diuinas est distinctio realis, à Relatione proueniens. *Ratio 2di.* Quia in Diuinis esset quaternitas rerum; contra Concilium Lat. *Ratio 3ti.* Quia Persona Diuina esset composita, ex natura & ex modo realiter distinctio ab illa. *Ratio 4.* Quia Essentia & Relationes prout definiuntur à viatore per conceptus inadæquatos, distinctas habent ex parte modi concipiendi definitiones; iam autem secundum quod concipiuntur à Comprehensore, & prout sunt in re, vnicâ adæquatâ gaudent Definitione.

VII. Essentia Diuina sub formalitate Entitatis Diuinæ transcendentalis: 2. & sub conceptu Naturæ, est de Quidditate Diuinarum Relationum. 3. ipsæq; Relationes sunt de conceptu Deitatis. 4. non Metaphysicè constitutiuo. 5. sed modificatiuè terminatiuo. *Ratio primi.* Quia Relationes Diuinæ includuntur in Essentia: sicut Abstracta in Concretis, quæ in Deo quoad rem significatam idem formaliter important, vt Deus Deitas Pater Paternitas: non tamen quoad modum significandi. *Ratio 2di.* Quia sicut Persona Humana essentialiter includit naturam humanam, cuius est Indiuidua substantia; ita Persona Diuina, essentialiter includit Naturam Diuinam, consequenter Personalitas eandem includit: quia Abstractum & Concretum in Deo sunt idem quoad rem significatam. *Ratio 3ti.* Quia Impossibile est aliquos duos dari conceptus obiectiuos, quorum vnus essentialiter includat alterum, & alter non includat ipsum. *Ratio 4ti.* Quia Relationes Diuinæ non intelliguntur primò in Essentia Diuina, cum non sint cæterorum radix. *Ratio 5ti.* Quia Essentia Diuina petit essentialiter terminari & modificari Relationibus tanquam modis inadæquatis.

VIII. Spiratio Actiua quâ Pater & Filius respiciunt Spiritum Sanctum, vt suum Correllatiuum, à se distinctum, est Relatio Realis, indistincta realiter à Paternitate & Filiatione 2. & distincta Virtualiter. *Ratio primi.* Quia inter prædictas Relationes, non obuiat oppositio Relationis. *Ratio 2di.* Quia Paternitas & Spiratio actiua, respiciunt diuersos terminos: non specificè, ergo saltem virtualiter & in Relationis ratione distinctos.

IX. Relationes Diuinæ secundum conceptum explicitum, prout Virtualiter ab Essentia distinctæ, non addunt aliquam realem perfectionem relatiuam Virtualiter distinctam à perfectione Essentiæ. Quia perfectio sumitur per ordinem ad subiectum perfectibile, inspectum *Ratione sui* per commensurationem ad illud; iam autem Relatio respicit subiectum *Ratione termini Correllatiui*, cum quo commensuratur. Et ideo Attributa addunt perfectionem aliquam Essentiæ Diuinæ Virtualiter distinctam, quia Essentiam Diuinam respiciunt ratione sui. Tum quia cuilibet ex Personis Diuinis deficeret aliqua perfectio æqualitem tollens. T. q. Perfectum est cui nihil deest; tantum in genere dicente perfectionem: nam peccato nihil deest, in proprio genere, & tamen non potest dici *Perfectum*.

X. Relationes Diuinæ non gaudent existentijs Relatiuis realiter inter se & virtualiter distinctis ab Existentia absoluta. Quia quidditas Relationum est Relatiua: & Existentia Relationum est quid absolutum; iam autem absoluta non multiplicantur ad multiplicationem Relationum. Tum quia in Deo non  
sunt



sunt tres Essentia: nec tres Naturæ Diuinæ: nec tres Deitates: nec tres rationes Increate: nec tres Æternitates: Ergo nec tres Existentiæ,

XI. Persona quoad suam formalitatem propriè reperitur in Deo 2. eius formale significatum est Relatio in Concreto. *Ratio primi.* Quia iuxta Symb: D. Athan: *Alia est Persona Patris: alij Filij: alia Spiritus Sancti.* Tum quia, quælibet Persona Diuina est Individuum, non *Logicum* correlative se habens ad Speciem, sed *Metaphysicum* ac Incommunicabile.

XII. Subsistentia Absoluta datur in Deo unica, tribus Personis Diuinis communicabilis 2. Nec Subsistentia ut dicit Perseitatem Independentiam a sustentate 3. Sed ut dicit Perseitatem Incommunicabilitatis, multiplicatur realiter in Personis Diuinis. *Ratio primi.* Quia Subsistentia Absoluta in Perseitate consistit; iam autem Deus tribus Personis Diuinis præintellectus, est per se existens *Ut Quod*, Perseitate excludente dependentiam a sustentante. *Ratio 2di.* Quia non multiplicatur Essentia Diuina, quæ secundum se est subsistens. Tum quia Attributa & Relationes quamvis virtualiter distinguuntur ab Essentia, & tamen in utrisq; non multiplicatur; ita pariter subsistentia ut dicit perseitatem Independentiam est immultiplicabilis in utrisq;. *Ratio 3tij.* Quia Subsistentia non solum dicit subsistere unicum, sed etiam Individuonem & Incommunicabilitatem, quæ pertinet ad lineam Relatiuorum. Tum quia in Deo sunt tres Personæ; iam autem Persona pro formali significato, habet Relationem in Concreto, *qua ut forma Hypostatica est Perseitatem Independentiam; ut Relatio est Perseitatem Incommunicabilitatis constitutiue Personarum* inportat.

XIII. Quæ Personis competunt ratione solius Essentia, singulariter tantam dicuntur in Diuinis: 2. quæ solum ratione proprietatum Personalium, dicuntur pluraliter 3. quæ autem ratione Essentia & Proprietatum dicuntur, & singulariter, & pluraliter, prædicantur. *Ratio primi.* Quia sicut ipsa Essentia ita & tota linea absolutorum, ratione solius essentia conueniens Personis, est implurificabilis. *Ratio 2di.* Quia linea Relatiuorum plurificatur: nam in Deo tres Personæ dicuntur. *Ratio tertij.* Quia prædicatum ad utramq; lineam pertinens, iuxta illarum exegentiam debet se habere.

XIV. Nomina alia vnitatem Essentia, alia pluralitatem Personarum declarant. *Trinus & Trinitas*, declarat numerum trium Personarum sine diminutione simplicitatis vel additione inæqualitatis. *Deus, Dominus, Omnipotens*, declarant Naturæ & virtutis vnitatem. *Diuersus, Diuisus, Discrepans*, excluduntur a Deo, quia tollunt Diuinam vnitatem, simplicitatem, ac similitudinem.

XV. Cognoscibilitas Mysterij Sanctissimæ TRINITATIS non est rationi naturali contraria: 2. attamen nullus intellectus creatus nec Possibilitatem: 3. nec Existentiam huius Mysterij valet demonstrare. *Ratio primi.* Quia hoc Sanctissimum Mysterium, non potest esse assensui vero contrarium: nam Verum vero non potest esse contrarium; iam autem quod non est Obiecto rationis Naturalis contrarium, nec ipsi rationi Naturali potest esse contrarium. *Ratio 2di.* Quia si posset demonstrari *ut Possibile*, per rationem Naturalem, etiam posset euidenter demonstrari *Ut Existens*: quia lumine Naturali notum est, quod Deo conueniat omne Possibile, ne sit in potentia ad aliquam intrinsecam perfectionem aut Entitatem. *Ratio 3tij.* Quia Math. 16. Diuus Petrus hoc Mysterium confiteatur ex reuelatione Patris ælestis: Vnde Deus ut Vnus & Trinus, cum sit supernaturalis Entitatiue, & in esse cognoscibilis, nullam habet a Priori aut a Posteriori connexionem cum lumine Naturali intellectus nostri.

XVI. Notiones dantur in Diuinis quinque. Quia Notio est ratio propria cognoscendi Personam Diuinam; iam autem quælibet Persona habet eiusmodi rationes proprias: Pater habet *Innascibilitatem & Paternitatem*: Filius *Filiationem*: Pater & Filius ut sunt vnum Principium Spiritus Sancti *Actiuam* & Spiritus Sanctus habet *Passiuam* spirationem.

XVII.



XVII. SACROSANCTVS ÆTERNVS PATER obtinet rationem Principij: 2. e-  
iusq; Innascibilitas de formali importat negationem. *Ratio primi.* Quia Pater  
est à quo procedit Filius: iam autem Principium est à quo procedit alius. Fili-  
us tamen non dicitur *Principiatum*, quia hoc nomine, significatur minoritas &  
dependentia. *Ratio adi.* Quia Innascibilitas importat negationem Essendi ab  
alio omnis Principij tam Productiui quam Communicatiui; quod nulli alteri  
Personæ Diuinæ competere potest.

XVIII. SACROSANCTVS ÆTERNVS FILIVS est Verbum Diuinum 2. proce-  
ditq; per se in quarto modo ex cognitione Essentiæ & Paternitatis 3. Filiationis:  
4. Spirationis Passiue: 5. ac Creaturarum Possibilium comprehensione. *Pri-  
mum.* de fide Ioan I. *In Principio erat Verbum, & Verbum erat apud Deum, & Deus  
erat Verbum.* *Ratio 2di.* Quia Verbum Diuinum procedit ex cognitione Compre-  
hensiua Essentiæ Diuinæ: *In qua & Ex qua tanquam ex radice* cognoscibilis est  
Paternitas radicata; *Ratio 3ti.* Quia Verbum Diuinum, est sui expressum:  
ac per cognitionem habet sibi tam Naturam Communicatam, quam Filiatio-  
nem productam: ac Sola Intellectio Essentiæ prout in Patre, est fecunda ad  
Verbi Diuini generationem: *Sola Subiectiue*: sed non sola *Obiectiue* quia non ex-  
solius Essentiæ, Paternitatis, sed etiam Filiationis ac Spirationis cognitione fe-  
cunda, procedit Verbum. *Ratio 4ti.* Quia Verbum Diuinum procedit ex co-  
gnitione sui, prout Spiratoris, quæ Relatio Spiratoris presupponit communica-  
tam vim spiratiuam: & hæc cognoscitur solum per ordinem ad Terminum spira-  
tum: Sicut vis generatiua & creatiua ad extra per ordinem ad suum terminum  
cognoscitur. *Ratio 5ti.* Quia Verbum Diuinum est per se Verbum Creaturæ  
Possibilis; non vt *Dicentis* quia Imago ipsius non est, sed vt *Manifestati* per Ver-  
bum. Tum quia Verbum Diuinum procedit ex cognitione comprehensiua O-  
mnipotentia, quæ ab intrinseco & essentialiter connectitur cum creaturis possi-  
bilibus, absq; dependentia ab illis.

XIX. SACROSANCTVS SPIRITVS SANCTVS procedit à Patre & Filio: 2. si non  
procederet à Filio, non distingueretur ab illo realiter: 3. Proprièq; Pater & Fili-  
us diligunt se Spiritu Sancto. *Primum* de fide. Ioan 15. *Cum venerit Paracletus  
quem ego mittam vobis à Patre.* *Ratio secundi.* Quia in Diuinis iuxta Concil:  
Tolet: Hoc solum numerum insinuat quod *Ad Inuicem* sunt: & in hoc numero  
carent, quod *Ad se.* non sunt. Quod testimonium verificatur de Relatione  
& prout forma Hypostatica est, & prout munus Referentis exercet. Tum quia  
Eo ipso quod de facto à Relatione relatiue opposita, & fundata in origine, tan-  
quam à ratione formali proueniat distinctio realis inter Filium & Spiritum San-  
ctum; euidenter inferitur quod ablata Processione in quacunq; Hypothesi, non  
potest remanere inter Vtrumq; Distinctio Realis. *Ratio tertij.* Quia Verbum  
*Diligere* in sua significatione importat determinatum terminum, tam specificati-  
ue quam coniunctim significatiue; ideoq; dum construitur cum Accusatiue SE  
transitiue, importat habitudinem Diligentis ad rem Dilectam.

XX. Constitutum Personarum Diuinarum, sunt proprietates Personales  
Relatiuæ: 2. prout dicunt conceptus formarum Hypostaticarum: non verò Re-  
ferentium. *Ratio primi.* Quia Personæ Diuinæ aliquo sui differunt: iam autem  
Quæ differunt aliquo sui, habent aliquod sibi proprium quo constituentur & di-  
stinguantur. *Ratio 2di.* Quia proprietas Relatiua vt forma Hypostatica est, impor-  
tat Primariam Perseitatem Incommunicabilitatis: iam autem vt *Referens* est im-  
portat Perseitatem secundariam Incommunicabilitatis. Et iste Supremæ Maie-  
statis Dominus Incommunicabilis ad intra Personaliter, vt sit ad extra  
nobis Communicabilis in gloria permanenter, dignetur operari efficaciter Re-  
demptor noster IESVS CHRISTVS, cui in Vnitate Patris ac Spiritus Sancti Honor  
& Gloria in sæcula sæculorum, Amen.



26  
**TVRRIS MECÆNATIS**  
**PVBLICI BONI GAVDIVM ET EXVLTATIO**

Dum Gaudij Interminabilis  
Per Sacrosanctum Sanctissimæ Trinitatis Mysterium

Vniuersis exhibitum Sanctis

Repræsentat Hieroglyphicon,

**NOVVM TIBI ANNVNCIAT GAVDIVM**

Nobilis ac Spectabilis Domine

**D. IOANNES GAUDENTI ZACHERLA**

S. R. M. Secretarie.

**TV BONI PVBLICI MECÆNAS**

Hanc quam CRACVS condidit Urbem

Tuis Maximis adornas & conseruas curis.

*Sic Actionis primum dantis Esse, ac Conseruantis  
prout eadem Continuatio, ita est & Dignitatis Communicatio.*

**TV BONI PVBLICI GAVDIVM**

*Insignem Curia Metropolitana Turrim, Horologium, ac suauioris  
sonus Campanam, fleuimus à fulmine concremata*

Verum Tu Cleopes Cracius, fluentes omniū nostrū exterfisti lachrymas  
Magnificentissimam Turrim collocando, ac Urbem pristino Decorī restituendo.

**TV BONI PVBLICI EXVLTATIO.**

*Inter tristes singultus, morte moriebamur pestilenti*

Tu Agronem pro Tuis Athenis egisti, accensis salutaribus Charitatis ignibus

Tu novus Leucathoen contra pestiferas aeris infectiones, in Virgam  
mutatus Thuream, diffusis suauioris beneuolentiæ odoribus.

Tu Perseus necessitati desideratus, Tuam Andromedam monstro  
Lybithino expositam ab internecione vindicasti.

Tu Romulus Asylum Lazarethi summā Administratione Tuā exstructum

Sufficientibus victualibus sustentasti.

Tu Laomedon Pius, non Hesionem, vt ab infecta Troia pestem  
expelleres exposuisti, sed Animam Tuam vt Ciuium salutem  
conseruares, non in Agamemnonis sed Mecænæ &

Cleombroti Hostiam consecrasti.

*Novam nunc opus fuisset aut fundare Cracouiam*

*aut Antiquam non extare, ni Tu Mecenas subuenisses*

**ALTER DEMETRIVS PHILARETVS**

Qui ob Rempubicam benè gubernatam ac conseruatam  
trecentis statuis est honoratus.

Ast Tu feliciore calculo, tot sui honoris habes viuentes statuas  
quot superuixerimus à peste conseruati Incolæ.

Tantis Tuis Gloriosis Meritis accrescant Gaudia semper

*Ex laboribus erga Ecclesiam Archypresbiteralem & Hospitale de Saxia declaratis:*

*Ex claris Schedeliorum, Celestorum, Marconiorum Domibus:*

*Ex latificantibus Gaudentio, alijsq; duobus Gemellis*

*fortunatis Tibi gemminetur lætitia filijs.*

*Ac ex Auita quam intra Regum intulisti Nobilitate.*

Quorum omnium vltimus Terminus esto Gaudiorum

**SACROSANCTVM SS. TRINITATIS MYSTERIVM**  
**NOVVM GAVDIVM.**



# T V R R I S T Y R V N I A

FVNDATA IN PVLCHRITVDINE

*Sacro Osee attestante eloquio*

Beatissimæ Felicitatis

Ineffabilem Tibi præsentat Pulchritudinem.

Nobilis ac Spectabilis Domine

**D. ANDREA WĘGRZYNOWICZ.**

Enimvero

SACROSANCTVM SS. TRINITATIS MYSTERIVM

Fons, Origo, & Oceanus est

Desideratissimæ ab omnibus Pulchritudinis.

PVLCHER DEVS EST

Quia Bonus est: quia Perfectus est.

*Quam Bonitatem & Perfectionem, dum omnes creatura imitantur,  
in pondere, numero & mensura, Diuinam assequuntur Pulchritudinem.*

Hæc Diuina Pulchritudo

In Vestram Præclari Wegrzynowicij Venit Venustatem.

PVLCHER GABRIEL VESTER

*Cuius pulchram Virtutem, Iuris Viri usq; Doctoratu coronauit Roma:*

*Veritatis Legalitas, Apostolico insigniuit Protbonotariatu:*

*Ecclesiastica Dignitas, Tarnouienſi Collegiâ exornauit Custodiâ, Cracouienſi Sanctorum Omnium*

*ampliauit Canonicatu, Pilznensiq; Prapositurâ*

*& Officialatu ornauit Honorificentissimè,*

PVLCHER ALBERTVS VESTER

*Eruditione & pietate clarus, caelestium contemplationi deditus, sacris  
consecratus Altaribus, pulchrâ Virtutum Coronâ,*

*Stobnicensem illustrauit Praposituram.*

PVLCHER ANDREAS VESTER

*Consularibus insignitus Fascibus, Iustitiâ sicut dyplouide Vestitus, Bonitate  
diues in omnes, Perfectione ad veritatem non ad speciem speciosus,*

*Filiorum adornatus Decore: Quorum primus*

PVLCHER MARTINVS

*Tagâ Academicâ Alcibadem Protbonotariatu Apostolico Alfum, Omnium  
Sanctorum Canonicatu Democletem, Romano s. Theologia Doctoratu*

*Achantum, Pilznensiq; Prapositurâ superans in pulchritudine Narcissum.*

*Perè omnis Virtutis & eruditionis corculum, intuentium*

*attrahens oculos, corda & animos.*

ALTER ANTONIVS PVLCHER

*Seraphico ignitus amictu & altioris ingenij Scotistico honoratus Lectoratu.*

Tuus est iste Paternus Honor

*Duobus suorum filiorum clarissimis Luminaribus Ecclesiastico Orbi lucere  
ad pulchrum decorem, Krauzouianis innexum federibus.*

E R G O

Vestræ Stabilitæ Pulchritudinis

Aurifluis sacris Vobis sit fama perennis

Nominis & Tanti, Pulchra Corona DEVS.



# CREATIONIS OMNIPOTENTISSIMÆ MODVS, TERMINVS, INCOMMVNICABILITAS:



**I**DES Catholica docet hunc mundum visibilem esse, à Deo creatum ex nihilo: 2. potestque naturali ratione ostendi, Deum posse creare ex nihilo. *Primum* constat ex S. Scriptura. Gen. 1. *In principio creauit Deus calum & terram.* Et Mach 7. *Peto nate ut aspicias ad calum & terram & ad omnia quæ in eis sunt, & intelligas quòd ex nihilo fecit ea Deus. & hominum genus.* T. q. Solus Deus est Ens per Essentiam, & suum esse subsistens in tota ac infinita plenitudine essendi; ideoque omne Ens extra Deum est Ens per participationem ab ipso causatum. T. q. *Ex Nihilo nihil fit;* comparatiue ad agens naturale limitatum: non autem ad agens vniuersale subsistens in plenitudine essendi, ac per consequens non indigens agere per transmutationem. *Ratio 2di.* Quia Deus est actus purus, nullatenus potentia siue Physica siue Metaphysica permixtus; & ex hoc habet totum præcontinere id, quod rationem Entis habet in creatura, ideoque habet Ens in quantum Ens causare; consequenter potest ex nihilo aliquid producere; iam autem alia agentia, *Vel* habent actum qui informat materiam Physicam, ideoque non sunt actus purus Physicus; *Vel* habent actum permixtum potentia Metaphysica (quales sunt Angeli) quam potentialitatem non possunt à se excludere, quia sunt Entia limitata ad certum genus & speciem certam; ideoque de effectibus suis non possunt præcontinere totum, quod in illis ad lineam Entis spectat, sed tantum hoc *Vel* illud Ens in particulari; consequenter ad hoc quod causare Ens in quantum Ens, seu totam rationem Entis, peruenire non possunt, ac proinde ex Nihilo nihil producere valent. T. q. Omne quod fit antequam fiat, possibile erat esse: non per aliquam potentiam *Passiuam* Physicam: sed per potentiam *actiuam* Dei, stante non repugnantia terminorum ex parte rei factibilis.

II. CREATIO non est Vera & realis mutatio, sumpta *Passiue* prout importat nouitatem essendi rei quæ creatur: 2. & *actiue* accepta prout se tenet ex parte Dei, est ipsa vltima actualitas actionis, prout in tempore relatione rationis refertur ad effectum quem producit: 3. iam verò prout se tenet ex parte creaturæ, est ipsamet creatura, nec datur aliquod medium inter Deum & creaturam superadditum ipsi creaturæ, quasi actio influens & ratio producendi: 4. sed tantum est nouitas termini cum relatione dependentiæ à Deo ad ipsam consecuta. *Ratio primi.* Quia Creatio cum sit ex nihilo, est inter extrema Contradictoria s. inter *Ens & Nonens* simpliciter tale: Contradictorijs verò terminis nihil potest esse commune: quia neque in Subiecto, neque in materia, neque in prædicato aliquo reali secundum rationem communem, neque in Accidentibus termini à quo, possunt conuenire: quod totum necessarium est ad veram mutationem. *Ratio 2di.* Quia Deus non dicitur ab æterno creans, sed tantum in tempore. Ergo præter vltimam actualitatem Actionis Diuinæ, ab æterno ei conuenientem, requireretur ad rationem Creationis superaddere Deo aliquid temporaliter conueniens: & hoc superadditum erit relatio rationis, ex hoc quòd effectus in tempore ponitur. Et etiam virtus ex qua effectus ponuntur in re in tempore, conuenit Actioni Diuinæ ab æterno, actu *Possessiuè*, non tamen actu *Explicatiuè*, quia Virtus ab æterno non se explicat in productionem effectuum. *Ratio 3ej.* Quia istud medium quo res dicitur creari seu *Passiue esse creatam*, debet recipi in aliquo subiecto: iam autem tale medium non potest esse Nec Substantia, quia si Substantia redderet rem creatam, cum ipsa non esset Deus, deberet esse creata aliâ creatione, & sic in infinitum; Nec potest esse Accidens quod inhæreat aut modificet. *Ratio 4ti.* Quia Creatio cum non sit motus neque mutatio, hinc *Fieri rei creatæ, & Factum esse*, prout

sus



sus sunt idem; ablata autem ab aliquo *Fieri* ratione motus & mutationis, tantum restat Relatio, quâ ut dependens refertur ad agens, à quo fit id quod producit; consequenter res sic facta & producta, immediate procedens seipsa ab agente, tantum habet dependentiam ab ipso: & hæc dependentia explicatur per Relationem: & sic Creatio, prout se tenet ex parte rei creatæ, solum est Relatio cum nouitate essendi: & habet se consecutiue: prout autem Creatio se tenet ex parte Dei cuius est causalitas, hoc modo non se habet consecutiue, sed prius debet intelligi *Vel* saltem non posterius ipsâ creaturâ quæ fit & creatur.

III. CREARI solum conuenit subsistentibus: 2. Compositis aptitudinaliter: 3. imo & defacto aliqua composita .s. corpora cælestia sunt creata: 4. Materia prima potest fieri sine creatione: 5. & tamen naturali factione non fit nisi per creationem: 6. sed tamen non propriè creatur: 7. Accidens extra subiectum potest propriè creari: 8. iam autem Gratia habitualis nec creatur, nec concreatur, etiam dum Angelis primò communicata, fuit. *Ratio primi.* Quia Creari est quoddam fieri, quod ordinatum ad esse rei (loquendo de creatione non secundum esse reale, sed secundum modum intelligendi, prout intelligitur à nobis per modum cuiusdam mutationis & fieri rei quæ creatur) unde illis conuenit fieri & creari, quibus conuenit esse; hoc autem propriè conuenit Subsistentibus, siue sint *simplicia* ut Substantiæ separatae etiam & anima nostra; siue sint *Composita*, ut Substantiæ materiales, quia ista habent esse; iam autem formæ & Accidentia non dicuntur Entia quasi ipsa sint, sed quia eis aliquid est: vg. Albedo eâ ratione est Ens, quia eâ Subiectum est album. *Ratio 2di.* Quia Compositum quodlibet, *primò* & per se esse potest, quia ei per se *primò* conuenit subsistere: nam omnia quæ in eo sunt, sicut in eo habent esse, ita in eo habent *subsistere*. T. q. Totum non alio modo fit, cum *primò* fit, ac postquam factum est, conseruatur; at verò *in linea effectiua*, & per ordinem ad efficiens *primò* conseruatur Totum, & ratione illius conseruantur partes, quarum vnione fit & conseruatur Totum: iam autem *in linea Causali-tatis intrinseca*, Totum fit per vnionem partium, & sicut fit ita & conseruatur; unde Creatio Totius procedit non ex partibus ad Totum, sed à Toto incipit efficientia eius, & ratione illius causantur partes, quæ sunt intrinseca causæ illius. *Ratio 3ti.* Quia S. Scriptura dicit Cælum esse factum *In Principio*, id est ante omnia, & non solum *primò* factum inter Composita materialia: unde Deus per actionem rigorosam creatiuam, creauit cæli Substantiam & eius proprietates: deinde aliâ distinctâ actione seu generatione produxit ornatum cælorum iuxta illud: *Iste sunt generationes cælorum*. T. q. Corpora Cælestia cum *primò* producta sunt, non sunt facta ex transmutatione materiæ; quis enim illam transmutaret materiam? Non agens naturale creatum, quod nondum supposebatur. Non Deus, quia ad transmutandam materiam deberet Deus uti duabus actionibus per quarum *primam* produceret *primò* materiam ex nihilo: & per secundam ex materia producta educeret formam cælestem; iam autem Deus vnicâ actione produxit materiam & formam cælorum; consequenter illa actio respectu vtriusque est vera creatio, quæ ex sua quidditate requirit, quod sit Totius entis ex nihiloeductio. *Ratio 4ti.* Quia iuxta communem doctrinam Thomistarum, cum ex corruptione specierum Sacramentalium vermis producit, *Vel* ex cōbustione earum fiunt cineres, tunc Deus non creat nouam materiam, sed Quantitas panis vi præcedentis miraculi conuertitur in materiam *primam*, ex qua forma Vermis *Vel* cinerum educitur; igitur tunc materia fit, & tamen Creatione non fit. Et illa Quantitas quæ erat, est, sed mutata in panem: unde cum Quantitas illa ex nihilo sit, sequitur, quod vermis ex illa ut mutata cōstans, fit ex nihilo, & per consequens vera creatura sit: & sic quamuis in nostro casu materia *prima* fiat sine creatione, ad huc tamen omne Ens creatum, reducitur ad Creatorem *Vel* immediate *Vel* mediate; aut etiam



etiam per suspensionem *Concursus*, reducendo res in nihilum. *Ratio 5<sup>ta</sup>*. Quia materia prima non potest fieri per generationem *Vel* educationem ex aliquo, nam ipsa est *primum* omnium subiectum, ex quo omnia generantur; *Nec* per conuersionem alterius in ipsam, nam hæc solum diuinitus & miraculose est possibilis: vnde restat quod solum fiat per hoc, quod Totum constans ex illa, fiat ex nihilo per creationem: & tunc ipsa concreatur. *Ratio 6<sup>ta</sup>*. Quia materia prima cum sit pura potentia, nequit per se subsistere: iam autem Creatio terminatur ad id, quod est absolute Ens, id est potest habere Entitatem independentem ab alio. Iam autem Materia prima neque actu subsistit: neque ei debetur per se subsistere, ad differentiam Animæ. *Ratio 7<sup>mi</sup>*. Quia tunc Accidens non educetur ex potentia subiecti, sed per se *primò* fit. T. q. Deus Accidenti potest communicare modum essendi per se: non illum qui proprius est substantiæ, prout .s. Perfeitas dicit negationem Inherentiæ tam *actualis* quam *aptitudinalis*, sed alium à Deo sibi mirabiliter communicatum, cum ordine aptitudinali ad inhærendum. *Ratio 8<sup>ui</sup>*. Quia Gratia est Accidens: iam autem Omne Accidens non dicitur Ens, quia ipsum Esse habet, sed quia eo aliquid est: vnde Gratia dicitur Creari solum moraliter, ex eo quod homines secundum eam creantur, id est in nouo esse constituntur, *ex nihilo* id est non ex meritis. T. q. Gratia in omni sua operatione dependet ab anima: & materialiter destruitur per separationem ab illa; iam autem Quod dependet à subiecto in esse, fieri, & conseruari, non creatur, sed ex subiecti potentia aut Naturali aut obedientiali educitur. Vnde Gratia dependet ab anima dependentiâ *Nonrepugnantia*, ex parte potentiæ Obedientialis, non autem dependentiâ *Existentiæ* & positiuæ inclinationis ad illam.

IV. CREATIVA VIRTUS nulli creaturæ: 2. nec principaliter: 3. imò nec instrumentaliter communicari potest: 4. Nec in operibus artis & naturæ admiscetur Creatio. *Primum* est fidei dogma, Omnes videlicet Substantiæ Spirituales & materiales esse à solo Deo creatas, iuxta illud Isaïæ. 44. Ego Dominus faciens omnia, extendens caelos solus, stabiliens terram & nullus mecum.

*Ratio 2<sup>di</sup>*, Quia ad creandum requiritur indispensabiliter Virtus infinita, quæ possit in omnem rationem Entis producibilis, ex eo quod Terminus quo creationis, cum sit *Nihil* seu carentia in facto esse omnis Entitatis, non suscipiens magis & minus, ideo æqualiter iste terminus distat ab omni ente creabili etiam perfectissimo; consequenter virtus quæ potest vincere talem distantiam producendo aliquod Ens, iam potest omne Ens factibile producere, proindequæ erit infinita: iam autem virtus infinita, nequit communicari creaturæ. T. q. Vniuersalissimus effectus solum potest in causam vniuersalissimam reduci: iam autem ipsum esse (ex quo non determinatur ad hoc *Vel* illud esse) est effectus Vniuersalissimus; & tale esse, est effectus & terminus Creationis: nam Creatio, cum sit totius entis ex nihilo productio, prætendit per se *primò* facere ipsum esse, non hoc *Vel* illud, sed ipsam rationem entis; ad differentiam causarum particularium quæ producunt esse in compositis, secundum rationem particularem. Hinc Deus dum operatur vt Causa Vniuersalis, semper creat: dum operatur vt Causa Particularis, non creat, sed producit. vg. Gratiam dum producit, agit vt Causa Particularis. *Ratio 3<sup>ij</sup>*. Quia omne instrumentum debet habere aliquam actionem *Vel* quasi actionem per quam præuie operetur in passo, disponens illud ad effectum principalis agentis: vnde actio instrumenti indispensabiliter est ex aliquo; *Vel* in aliquo: iam autem Creatio essentialiter est *ex nihilo*. *Ratio 4<sup>ti</sup>*. Quia in operibus naturæ, omnis forma materialis dependet in esse, fieri, & conseruari, à materia; consequenter Agens naturale tales formas educit ex potentia materiæ; ad differentiam animæ rationalis, quæ formaliter non est opus naturæ, cum non ex semine producat, sed immediatè à Deo creetur, ad cuius receptionem solum operatio naturæ disponit materiam.

V. CRE-



V. **CREARE** non est proprium alicuius Personæ, nec in hoc sensu, quod aliqua determinata Persona Trinitatis Vniuersitatē rerū creauerit, sine concursu aliarum ad creandum: 2. nec in hoc, quod licet tres creauerint Vniuersitatem rerum, attamen in qualibet re, dabeat reperiri in vna, quod non sit ab alia productum, siue ista producta, sint res inter se distinctæ realiter, siue ratione: 3. nec tandem ita, quod etsi tres Personæ ad omnes effectus concurrerint, alio tamen & alio modo quælibet concurrat, quasi mutuò se ad iuuando in huiusmodi rerum productione. *Primum* excluditur per fidem in Concil. Lat. cap. *Firmiter* ibi, *Sanctam Trinitatem esse creatricem rerum omnium, indiuisam habere virtutem, & esse vniuersorum Principium*. Et ratio id suadet. Quia in Diuinis omnia sunt vnum, vbi non obuiat oppositio relatiua; iam autem in hoc quod est creare, Personæ nullam habent inter se oppositionem. *Ratio 2<sup>di</sup>*. Nam quorum est Virtus indiuisa, eorum est omnino actio indiuisa; consequenter & vna productio; iam autem Creare conuenit Personis Diuinis, ratione eiusdem indiuisæ Virtutis .s. intellectus & voluntatis, quæ indiuisim reperitur in illis. Vnde virtus Creatiua, cum sit communis tribus Personis, *Communitate Indiuisiōis* quia absolutum prædicatum est, ideo etiam Creare, vt pote eius actus proprius, est indiuisus; & hoc ad differentiam virtutis terminatiuæ; nam Terminare naturam humanam ad extra, est commune tribus Personis, non *Communitate Indiuisiōis* sed *Multiplicationis*, in illis; & quia tale prædicatum est in vnaquaque Persona diuersum, ideo potest in genere Causæ formalis ad extra exerceri ab vna Persona quin exerceatur ab alijs. *Ratio 3<sup>ij</sup>* Quia iuxta hunc tertium sensum, Filius concurret ad creandū tanquam Idea creaturarum producta à Patre supremo Artifice: & Spiritus Sanctus tanquam Inclinatiō producta, quæ scientia Practica Patris inclinatur ad effectum; consequenter in hac sententia explodenda solus Pater est Artifex & Creator rerum, & Filius solum est Idea, sicut & Spiritus Sanctus tantum est Impulsus ad operandum: quod totum omnipotentia creatiua communi tribus Personis est oppositum; iuxta illud D. Athan: Omnipotens Pater, Omnipotens Filius, Omnipotens Spiritus Sanctus. Vnde dicimus quod Pater Omnipotens creat, per Virtutem quam habet à se: Filius per Virtutem quam habet à Patre: Spiritus Sanctus per Virtutem quam habet ab utroque: ipsæ autem Personæ Diuinæ, ad creationem conueniunt tantum ratione *Huius Deis* qui conuenit Patri à se, independentem ab omni Processione: Filio communicatiuè à Patre: & Spiritui Sancto ab utroque.

VI. **IN CREATVRIS** omnibus est representatio SS. Trinitatis per modum vestigij. 1. In creatura Rationali est per modum Imaginis. 2. perfectioris in Angelo: 3. à qua tamen ratione Imaginis deficit Gratia gratum faciens: 4. in quantum tamen est participatio formalis naturæ Diuinæ, exprimit SS. Trinitatem exactiue. *Ratio primi*. Quia quælibet creatura consule imperfectè, secundum quod est quædam Substantia creata, representat *Causam & Principium*, & sic demonstrat Primam Personam Patris; deinde secundum quod eadem creatura, habet Formam ac speciem, representat Verbum Diuinum, iuxta quod forma artificij est in conceptione artificis procedens; & tandem secundum quod habet ordinem ad alterum, representat Spiritum Sanctum, in quantum est Amor: quia ordo effectus ad alterum est ex Voluntate creantis. *Ratio 2<sup>di</sup>*. Quia Processiones Diuinarum Personarum attenduntur, secundum Processionem intellectus, per quam formatur Verbum, & secundum Processionem voluntatis per quam formatur Impulsus: quæ duo, in anima rationali inueniuntur, .s. tam Processio Verbi per intellectum, quam Impulsus per voluntatem; iam autem quando effectus representat Causam quantum ad similitudinem formæ eius, (sicut ignis generatus representat ignem generantem, & statua Mecurij. Mercurium) tunc in tali effectui inuenitur representatio suæ causæ per modum Imaginis. Est tamen in hominē non solum Imaginis sed etiam Vestigij representatio. *Ratio 3<sup>ij</sup>*. Quia Ezech 28. dicitur *Tu signaculum similitudinis*. Et hoc quantum ad expressam representationem Attributionum, perfectius in Angelo quam in homine refulgentium; quantum verò ad distinctionem Personarum, expressior est similitudo in homine, ob diuisibilitatē potentiarum cognoscitiuarum in ipso: quia in homine vis cognoscitiua diuiditur in intellectum & sensum: & vis appetitiua in voluntatem & appetitum sensitivum; quod non est in Angelo: absolute tamen Angelus est perfectior Imago Dei quam homo. *Ratio 4<sup>ti</sup>*. Quia sicut vestigium secundum quod consequitur esse perfectum à Deo, ita à fortiori ipsa Imago est quæ vt *Quod*, subsistit, & vt *Quod*, imitatur suum prototypum; iam autem Gratia gratum faciens, cum sit Accidens, non est vt *Quod* subsistens sed tantum est id *Quo* anima sit grata. *Ratio 5<sup>ti</sup>*. Quia Gratia est inadæquate participatio formalis naturæ Diuinæ, prout in seipsa est: prout autem in seipsa est, est Naturalium, & sic exigit causari à Tribus: nam forma participanda est necessaria ab his qui eam essentialiter habent; Hinc inseparabiliter Gratiā comitantur tres Personæ Diuinæ iuxta illud: *Ad eum*; (id est ad eum per gratiam) *Venimus & mansionem apud eum faciemus*. Veni Veni Domine: adimple quod promissisti, & per noui cordis creationem faciemus quod præcepisti, ad Gloriam Tuam Sempiternam. Amen.



# TVRRIS ACRISIANA

AVREO PERFVSA IMBRE

Auro pretiosiora Tibi destinat munera

Nobilis ac Spectabilis Domine.

D. ADAME DRVZYNSKI.

CREATRIX OMNIPOTENTIA

*Auro pretiosior, quæ & ipsum creavit aurum*

Eam in Te condidit Naturam

*Vt more ductilis auri*

Aureum Te exhibeas liberalissimè Benefactorem.

ADAM ES, PRINCIPIVM HUMANITATIS

PATER EX PIETATE

*In filios, quos tot numeras, quot Adoptionis Beneficio*

*ad Tuam admittis Liberalitatem.*

Ara publicæ diceris Necessitatis

*ad quam communia beantur Vota*

Altiùs cæteris emines, vt Vniuersis seruias vtiliùs

magis prodesse quàm præesse desiderans.

Ipse nobilis Roraylcyorum nexus

Siue Paradisi amænitatem, siue roris cælestis affluentiam

Tibi inesse declarat vtrumque,

Nec inauratam Glabri Patris in Æde Pietatis ab Attilio

Filio locatam in Te intuemur statuat,

sed supra aurum & topazion pretiosior in Te ac Tua Lectissima

Consorte, ANNA deuotissima veneramur Pietatem.

Verùntamen

Vnum Vestræ deest Felicitati

Proprios non progenuisse Filios.

Ast hoc ipsum in vestram accumulatur Benedictionem

Romano ex Exemplo.

IOANNES PATRICIVS ROMANVS

Liberorum sterilis propagine,

Suorum Bonorum

SS. DEI GENITRICEM MARIAM VIRGINEM

ex asse instituit Hæredem.

Ergo Romana sequamur præiudicata.

Namque

IMMACVLATISSIMA VIRGO MARIA

Facta & Bonorum, & Vtriusque Vestrùm Hæredissa

Rosarianis Vos exornans Coronis

Aureoque cælestis benedictionis irrorans rore

In præmium felicissimæ mansionis æternum, fiet Vobis

DOMVS AVREA.



# TVRRIS MAROCCANA

VERIORIBVS INSTRVCTA SPHÆRIS

Felicissimos Tibi defert Aspectus

Clarissime Nobilis ac Spectabilis Domine

**D. STANISLAE SŁOWAKOWICZ**

Philosophiæ, Medicinæ, Astrologiæ Doctor & Professor.

CREATIONIS OMNIPOTENTISSIMÆ

Sapientia, Gubernium, Virtus

*Ita Tibi Rotam flexit Caelestem*

*Vt omnis Fortuna, Honoris, Virtutis influeret in Te Beatitatem.*

SVB IOVE DIVINO

Ab incunte ætate omnium Tibi adiunxisti Musarum Amicitiam.

SVB MARTE TRIVMPHANTE

*Immensa Scientiarum Olympia, eo semper decurristi passus,*

*Vt de arena nonnisi Victor abires laureatus,*

SVB MERCVRIO ELOQVENTE

*Nicostriati Macedonum, Periclis Atheniensium, Quintiliani Romanorum  
in persuadendo efficaciter, in pronunciando suaviter,*

*totam possedisti Gloriam.*

SVB SOLIS ASPECTV TRINO

*Patauinum Archiæsculapium Mathematicas in Iagelloniano*

*Lyceō emeritis dum miratur Coronas, adiunxit & Archiæsculapias.*

*Quām felix hæc Planetarum coniunctio!*

*Eiculapius & Anaximander, Thales & Themison: Iulius & Theombrotus*

*Medicorum & Astrologorum Patres ac Principes pari in Te incedunt  
gradu, in vno Tui ingenij Cælo firmiter iuncti.*

*Alexander & Ephestion: Achates & Æneas: Damon & Pythias  
tanta cedunt coniunctioni.*

Exaltationes obtinuisti supremas.

*Augem Consularium Insignium gloriōse ascendisti.*

*In Iagellonia Regia ipse clarissimus, cæteris claritatem communicasti*

*Dum Nobiles ac Clarissimos Viros, ritu solenni*

**D. IOANNEM DZIDOWSKI & PETRVM RENO BVRDIGALENSEM**

*in Medicinæ Doctores creasti, promouisti, denunciasti,*

*Semper præcipuo dignus Honore & Amore*

*Quæ & Aristoteles Platonem in Ara Pietatis*

*Et Ptolomæus Erasistratum in munere largitatis premiârunt.*

*Nec tam Charmis Massiliensibus, Chærias Atheniensibus, sicut Tu nobis*

*Medicus efficacissimus & Astrologus Verissimus.*

*Influxus Cælorum quia optimè nosti, ideo inter arcana naturæ non deviasti.*

*Signorum cælestium leges adimplèsti, quia in Zodiaco Virtutum, cursum absoluvisti.*

*Naturali subiecta Necessitati, semper Verissimè prædixisti*

*Quia Veriori calculo, tubo, ingenio, Imaginum cælestium Vultus observasti.*

*Etiā Secundas Stellas optimè dinumerasti*

*Quia lucidiores Metropolitanæ Urbis Planetas, Damzofouianas, Altermaierouianas,*

*Bellianasque intra Tuas Sphæras collocasti.*

**BEROSI DIGNIOR STATVA**

*Cui Athenienses job Verissimas prædictiones inauratam dederunt linguam,*

*Tu auream cunctis ex facultate Medica & observatione Astrologica renouas vitam.*

Ergo ex Tuis Verioribus Sphæris.

*Inque novos iterum redeuntia sæcula cursus*

*Scribant æthereis Te Princeps sydera fastus.*



# NATVRÆ ANGELICÆ PRÆSTANTIA NATVRALIS.

30

**A**NGELI in rerum natura sunt existentes: 2. Incorporei: 3. per exclusionem materiæ tam corporalis: 4. quàm spiritualis: 5. multitudine maximæ: 6. in plura eiusdem speciei at hominū individua solo numero distincta immultiplicabiles: 7. ab intrinseco indestruibiles: 8. aut secundum Potentiam Dei Extraordinariam annihilabiles. *Primum* est de fide; Quia Gen: 22. Angelum supra Abrahamum inclamasse *Voce externâ*, & Virginē SS. MARIAM à Gabriele salutatā credimus. Tum quia cū Vniuersū debeat esse perfectissimum, ideo debet constare gradu Entis, Vitæ, & Intellectualitatis completæ. *Ratio 2di* Quia iuxta Psal. 103. Angelus est spiritus. T. q. Nec per se est Quantus, ob carentiam materiæ: nec per accidens ob sui eleuationem supra omnes formas vt quo corporeas. *Ratio 3ti.* Quia Angelus completè, id est ex omni principio radicante intellectiōem, habet completam intellectualitatē: è contra Homo habet incompletam scilicet tantū ex parte formæ spiritualis. *Ratio 4ti.* Quia constitutum materiæ primæ est ratio puræ potentialitatis; iam autem Materia spiritualis deberet esse actus formalis, quia suā spiritualitate excederet omnes formas inferiores corporales. *Ratio 5ti.* Quia quantò aliqua sunt magis perfectā, tantò in maiori excessu creata sunt: Corporalia in excessu magnitudinis: & spiritualia in excessu multitudinis. *Ratio 6ti.* Quia Distinctio tantum numerica, prouenit à sola materia, quā carent Angeli: vnde pluralitas si est in Angelis, necesse est eam causari per distinctiōem formarum, quæ diuersitatem speciei constituit. *Ratio 7mi.* Quia Existētia Angelica immediatè connectitur, perfectitate non Logica sed Physica, cum Natura Angelica, ex vi creationis, habente inclinationem ad semper existendum, cū careat materiā radicaliter ad corruptionem inclinante. *Ratio 8ui.* Quia in qualibet creatura adest Potentia obedientialis, vt Deus iuxta dominiū absolutum faciat in ea & ex ea, quidquid miraculosè voluerit operari.

II. CORPUS non habet Angelus sibi naturaliter vnitum: 2. illud tamen aliquando assumit: 3. non tamen in vnitatem Personæ illud assumere potest: 4. nec potest in eodem exercere proprias operationes vitæ, quæ terminarentur ad interiorem effectum corporis animati. 5. benè tamen aliquas similitudinarias operationes, quæ terminantur ad exteriorem effectum. *Ratio primi.* Quia Angelus ex se est forma completa: & ex se, & non ex ordine ad materiam individua: ad differentiam animæ nostræ. *Rat: 2di.* Quia teste D. Aug: lib: 15. de Ciuit: Dei, apparuerunt Angeli multis, in corporibus assumptis. T. q. Patribus veteris testamenti apparendo in corporibus assumptis, eosdem de futura in carne Christi apparitione instruxerunt: *Rat: 3ti.* Quia omnis Substantia creata etiam ordinis superioris, vt possit supplere effectum substantiæ creatæ inferioris, omnino deberet eā in se præcontinere, secundum rationem communem Entis. Et hoc soli infinitæ Omnipotentæ competit. Nec opus Incarnationis esset, miraculosum. *Ratio 4ti.* Quia Angelus corporis assumpti, non est principium intrinsecum vitæ; iam autem Cuius est potentia, illius est actio: Vnde Angelus in corpore assumpto habet organa corporea, non ad eliciendas operationes vitales, sed ad representandas suas proprietates intellectuales. vg. habet oculū ad representandam suam scientiam. *Ratio 5ti.* Quia isti extrinseci effectus vitales, vg. locutio, risus, fletus, cū in Angelis nec Egressiue, nec terminatiue possint esse vitales formaliter, dicuntur tantū Metaphoricè tales: id est sicut locutio humana terminatiue respicit effectum exteriorem s. sonum productum ex motu labiorum sese percutientium, ita locutio Angeli similem respicit effectum.

III. Locus



III. LOCUS Definitivus convenit Angelo, non Circumscriptivus: 2. estque Angelus proximè & formaliter in loco per operationem virtualiter, transeuntem: 3. proindeque substantia Angeli non est ratio formalis essendi in loco: 4. In duobus locis adequatis Angelus non potest esse: 5. Nec plures Angeli ut Causæ Principales, possunt esse in eodem loco adequato formali: *Ratio primi.* Quia substantia Angeli spiritualis *hic & non alibi* est præsens, loco particulari, immediato, per liberam applicationem, non autem per naturalem quantitativam superficierum locantis & locati commensurationem. *Ratio 2di.* Quia Angelus tangit locum ut agens in illo: Vnde Agens spirituale per contactum virtutis, non prius est applicari & coniungi passo, quin simul in illo & ex illo operetur: hinc Prius est esse quam operari: in linea essendi simpliciter: è contra in linea locandi *Definitivè*, non tamen *Circumscriptivè*, *Ratio 3tij.* Quia substantia Angeli est omnino invariabilis in linea essendi: iam autem Per id Angelus immediatè contingit locum, per quod in linea locandi potest variabiliter modò maiorem, modò minorem tangere locum. *Ratio 4ti.* Quia ab vno loco adequato (intra quem Angelus immediatione suppositi & Virtutis operatur sic, quòd in maiori operari non possit) Virtus Angelica naturalis adequatè definitur. *Ratio 5ti.* Quia duos Angelos ut causas principales posse esse in eodem loco adequato formali, est eosdem ut Causas adequatas eundem numero producere effectum: quòd diuinitus implicat.

IV. MOTVS Localis reperitur in Angelo: 2. moueturque Angelus motu locali per se: 3. & per accidens: 4. dum mouetur Motu Discreto, potest transire de vno loco ad aliũ, non transeundo per mediũ: 5. & Motu Continuo nec Discreto potest moveri in instanti Angelico. *Ratio primi.* Quia secundum fidem Luc. 1. Missus est Angelus Gabriel à Deo, in Ciuitatem Galilææ T. q. Angelus præditus est intellectu & voluntate, ideoque potest cognoscere vel appetere præsentiam in aliquo loco vel absentiam ab illo: iam autem Appetitus præsentia vel absentia, per potentiam locomotivam expletur. *Ratio 2di.* Quia Angelus successivè potest fieri præsens, diuersis corporibus immotis, vel etiam diuersis partibus eiusdem corporis immoti. *Ratio 3tij.* Quia moveri per accidens, est moveri ad motum alterius sibi coniuncti: hinc Angelus ut motor Extrinsecus coniunctus corpori mobili, ad motum illius per se, dicitur moveri per accidens. *Ratio 4ti.* Quia supposita applicatione Angelicæ virtutis ad locum A, potest eandem applicare ad locum D, nouam eliciendo operationem, sine eiusdem virtutis applicatione ad loca intermedia B. C. vnde Angelus deserit locum A, immediatione virtutis & suppositi. & utrâque immediatione locum D. acquirit, tam ob suæ libertatis operationem, quam ob omnimodam ex parte passi carentiam resistantiæ. *Ratio 5ti.* Quia Motus Continuus est omnino successivus, intrinsecè in *Prius & Posterius* Diuisibilis: ita & Motus Discretus est essentialiter ex duobus indiuisibilibus, *Termino A quo* iniciatiuè; & ex *Termino Ad quem* completivè compositus.

V. INTELLIGERE Angeli non est eius Substantia: 2. nec Existencia; 3. nec illius substantiæ est immediatè operatiua, sed tantum mediante intellectu & voluntate *Ratio primi.* Quia Angelus non est actus purus: iam autem solus actus purus, est sua actualitas, tam in linea *Essendi*, quam in linea operandi; iam autem in Angelis intra lineam essendi *Essentia* realiter distinguitur ab *Existencia* & intra lineam operandi Natura realiter differt tã à potentijs proximis, quam ab ipsorum actibus. *Rat. 2di.* Quia Existencia Angeli, est vna tantum, tam secundum speciem, quam quoad numerum; iam autem Intelligere Angeli est *specificè* multiplex: aliud Entitatiuè *Naturale* respectu Obiecti Naturalis: Aliud Entitatiuè *Supernaturale* respectu supernaturalis: aliud *Participatiuè* Diuinum respectu Dei clarè visi. Et etiam multiplex *numericè*, quia vnica intellectione intellectus Angelicus non potest omnia obiecta cognoscere. *Rat. 3tij.* Quia Substantia cuiuslibet creaturæ est in potentia reali ad Existenciam: iam autem Po-

centia



31

tentia operatiua est in potentia ad operationem; qui duo actus *Existere & Operari* distinguuntur realiter in creaturis, *tum* ex limitatione, *tum* ex lineis s. Substantiali & Accidntali, primò diuersis: *tum* ex proprijs specificatiuis: *tum* ex admissione plurimarum potentiarum immediatè operatiuarum.

VI. MEDIUM Cognitionis Angelicæ ad cognoscendum seipsum, est propria ipsius Substantia gerens vices speciei Impressæ: 2. iam autem *alia obiecta à se*, intelligunt Angeli tantū per species Accidentales à Deo infusas, ab initio suæ conditionis. 3. ipsiq; Sancti Angeli quò superiores sunt, secundū gradū specificum, eò per vniuersaliores species intelligunt. *Ratio primi.* Quia Substantia Angeli primò ex eo quò sit expers materiæ, est seipsa intelligibilis in actu: 2dò est proportionata in immaterialitate cum suo intellectu: 3tò est vnita & præsens eidem suo intellectui, tanquam Essentia cum sua proprietate immediata. Istæ autem enumeratæ sunt tres conditiones, quæ requiruntur vt aliquod obiectum gerat munus speciei Impressæ. *Rat: 2di.* Quia sicut corpora cælestia à die conditionis suæ, adæquatè inamissibiliter per vnicam formam cælestem sibi concretam satiantur; ita à fortiori, quia intellectus substantiæ immaterialis completæ non potest adæquatè satiari per vnicam formam intentionalē, ideo necessarium erat vt à die conditionis suæ haberet à Deo species infusas immateriales omnium obiectorum naturaliter repræsentatiuas *Rat: 3tj.* Quia Angeli quò sunt superiores in Essentia, eò sunt similiore Deo in ordine intellectuali; iam autem Intelligere plura per vnicam speciem Vniuersalem, est perfectio Diuina: consequenter Angelus ex approximatione ad Deum, per species & pauciores & vniuersaliores, *tum* multa obiecta, *tum* plures rationes intelligibiles intelligit.

VII. OBIECTUM particulare cognitionis Angelicæ, est etiam ipsemet Angelus: 2. & Deus quem cognoscit per propriam substantiam, non tamen tantquam per propriam speciem Impressam Dei: 3. Angelus inferior non comprehendit superiorem: *Ratio primi.* Quia Angelus est immaterialis forma subsistens, quæ est principium actionis immanetis s. intellectiōis; iam autem Actio immanens ad sui processionem requirit, quò obiectum vniatur agenti. *Rat: 2di.* Quia substantia Angeli non repræsentat Deum nisi vt *Quod* cognita: sicut effectus similis suæ causæ repræsentat causam: vnde sicut intellectus noster ad cognoscendam causam in effectu, non indiget aliâ specie distinctâ à specie Impressa effectūs, & tamen species Impressa effectūs, non dicitur propriè species Impressa causæ; ita in Angeli Substantia comparatiuè ad Deum res se habet; & maximè cum Angelus sit similitudo Dei non formalis, sed tantū virtualis. *Ratio 3tj.* Quia sicut intellectus noster inferior, per species suas inferiores nequit comprehendere species superiores intellectūs Angelici; ita & Angelus inferior per suas species inferiores nequit comprehendere species vniuersaliores, in intellectu superioris Angeli residentes.

VIII. FUTURA necessariò, cognoscuntur ab Angelis, abstractiue non verò intuitiue: 2. Futura quæ vt in plurimū eueniunt per causas naturales, impedibiles, cognoscuntur coniecturaliter: 3. Futura omnino contingentia in Causis proximis determinationem non habentia, non possunt ab Angelis certò cognosci, solis viribus naturæ. *Ratio primi.* Quia Angelus cognoscit Causas naturales & illorum determinationem quam habent ad producendos effectus; ia autē Notitia effectūs in sua Causa, tantū est abstractiua: sicut Notitia rei existentis in seipsa, est Intuitiua *Rat: 2di.* Quia causæ proximæ impedibiles, sunt medium contingens & fallibile, ex quo sola coniecturalis, non verò certa potest haberi cognitio: si tamen eiusmodi futura, cognoscantur in collectione omnium causarum naturalium, tunc cognoscuntur certò, quia tota collectio causarum non est impedibilis, T. q. Futura contingentia libera non possunt cognosci *Nec* in suis causis, vt pote indifferentibus: *Nec* in seipsis, quia in seipsis sunt solū respectu Diuini non verò Angelici intellectūs. *Rat. 3tj.* Quia

in



in linea cognitionis id quod conceditur hominibus, non debet negari Angelis: iam autem Futura omnino contingentia & libera, diuinitus cognoscere per reuelationem, concessum est hominibus: vt patet ex S. scriptura.

IX. **SECRETA CORDIUM** (id est omnes actus siue intellectus, siue voluntatis) non possunt Angeli viribus solius naturæ cognoscere: 2. independentem ab alterius eorundem manifestatione. *Rat: primi.* Quia secreta cordium soli subsunt dominio Dei: vt dicitur 6. Paralip. *Tu nosse SOLVS corda filiorum hominum.* T. q. 1. Cor. 2. *Quis hominum scit qua sunt hominis, nisi spiritus hominis, qui in ipso est.* Ergo quia Angelus non potest illabi menti humanæ vel Angelicæ, vt in corde hominis sit & intrinsecus operetur, ideo quæ intra mentem sunt, non potest cognoscere. *Rat: 2di.* Quia voluntas creata in suis actibus liberis, sic iure libertatis est domina suorum actuum, quod nullum aliud dominium supra se cognoscit, nisi ipsius Dei, ideo quia à solo Deo dependet, qui *Vt ultimus Finis* plenè eam determinat: & vt *Causa Efficiens* solus ipse intracam prauit & simultaneè operatur.

X. **Modus cognitionis Angelicæ** est, quod intellectus Angeli, nunquam sit in potentia pura, ita scilicet quod careat habitu scientiæ respectu eorū, ad quæ eius cognitio naturalis se extendere potest: 2. aut respectu reuelabilium diuinitus, potest esse in potentia pura. 3. seipsum necessariò cognoscit semper: 4. Et Deū in seipso etiā necessariò cognoscit, vt suæ Authore substantiæ: 5. & intelligit cognitione tam Matutinā quàm Vespertinā. *Rat: primi* Quia Angeli & Cæli in hoc proportionantur, quod sicut corpora cælestia non habent potentiam ad esse, quæ non sit completa per actum: ita Angelici intellectus non habent aliquam potentiam intelligibilem, quæ non sit totaliter completa per species intelligibiles eis connaturales: *Rat: 2di.* Quia sic etiam corpora cælestia sunt in potentia vt illuminentur à sole: Angeli à sole Christo. *Rat: 3tij.* Quia Angelus ex vi creationis, à Deo Authore naturæ, ad sui cognitionem accepit omnia ad ipsam requisita s. Principium radicale, Intellectum, speciem Impressam & Obiectum (quod est eius propria substantia, inter omnia obiecta naturaliter ab Angelo cognoscibilia, eius intellectui maximè connaturalis & proportionata) vt actu assimilatum tali speciei: ac per consequens motus vitalis cognitionis Angelicæ respectu sui (sicut motus animalis respectu nutritionis) semper est necessarius. *Rat: 4tis.* Quia Angelus dicit naturalem ad Deum (à quo dependet in esse & conseruari) habitudinem, quam cōprehensiuè in exercitio cognoscere non potest, nisi Deus cognoscatur in ipso, tanquā supremus Factor, in nobilissima sua factura. *Rat: 5ti.* Quia cognitio Angelica *Dies* vocatur, in quo est *Mane* principium, & *Vesper* terminus: vnde illa cognitio in Angelis dicitur *Matutina*, quæ respicit primordiale esse rei, in eius prima Causa s. in Verbo: dicitur autem *Vespertina*, quæ respicit Ultimatum esse rei s. in seipsa.

XI. **VOLUNTAS** datur in Angelis: 1. ac liberū arbitriū: 3. nec dari potest substantia intellectiua, quæ non sit volitiua. *Ratio primi.* Quia Angeli cum sint creati à Diuina Bonitate, necesse est quod inclinentur in bonum Vniuersale & à se directi: iam autem Inclination in bonum Vniuersale, dicitur voluntas. *Rat: 2di.* Quia Angeli apprehendendo Vniuersalem rationem boni, possunt eam sic apprehensam proponere voluntati, vel eandem non proponere, quod est liberè iudicare. *Ratio 3tij.* Quia Vniuersum cum debeat esse ex omni gradu possibili perfectum, iam defacto deberet dari talis gradus: cuius tamen experimur oppositū. T. q. Ratio appetitiui semper sequitur ad aliquam naturam: ergo & appetitus rationalis debet consequi ad formam seu naturam rationalem ac intellectiuam.

XII. **DILECTIO** in Angelo datur tam Naturalis: 2. quàm Electiua: 3. Et quilibet Angelus diligit Deum Vt authorem naturæ suæ necessariò quoad exercitium. *Ratio primi.* Quia commune est omni naturæ habere in se aliquam inclinationem actualem naturalem, consequenter & in Angeli Voluntate debet esse naturalis dilectio, boni naturaliter voliti vt finis. *Rat: 2di.* Quia in Angelis à dilectione naturali, deriuatur dilectio Electiua quæ est dilectio boni dilecti propter finem: & dicitur Electiua, id est totaliter libera, & quoad obiectum, & quoad exercitium. *Rat: 3tij.* Quia Angelus cum seipsum necessariò quoad exercitium comprehendat, eadem necessitate cognoscit se in suo fieri & conseruari adequatè dependere à Deo, vnde Deum & omnia illius bona cum illo connexa intrinsecè, diligit necessariò. *O Felix DEI Amor* (D. exclamat Bernardus) *ex quo oritur strenuitas morum, puritas affectionum, subtilitas intellectuum, desideriorum sanctitas.* Hunc ego o Infinitum Bonum meum, exopto amorem, vt qui te sine modo non diligo, saltem te more Angelico diligere valeam in secula seculorum, Amen.



# TVRRIS DIONYSIANA

GVBERNANS ET DEFENDENS

Angelos in Salutis Tuæ ministerium continet ordinatos

Nobilis ac Spectabilis Domine

**D. MARCE ANTONI FEDERICI**

Suprema Cælestium Spirituum Agmina

Sic Diuinæ assunt Maieitati, vt nostræ simul seruiant Vtilitati  
Seraphim inflammando, Cherubim erudiendo, Throni sententiando.  
Dominationes sensum rationi subiugando, Virtutes miracula operando.

Potestates quæquæ monstra inferni comprimendo.

Principatus præsidendo, Archangeli sublimiora secreta reuelando.

Angeli Personas singulares custodiendo.

Ex hac Angelica Hierarchia

Dum Tuam metiris Virtutem

Propinquiùs ad Fide ditissimam accedis Salutem.

Magnum geris Honoris nomen

Magnis Decorus Virtutibus.

Et ingenium quod felix dedit Latium, in Sarmatico coruscat orbe.

Dignitate Metropolitanâ illustris,

Gubernatoris ac Defensoris accendisti faces.

Probatæ pectoris Tui, non fortunæ sunt Charytes istæ,  
quas coniunctim in præclaris Fabryszowijs, Kocielkouijs fabricasti familijs.

Ettanta nobilium actionum cumulatus præstantiâ

præstantiorem habes ex Angelorum custodia felicitatem.

Nec Dionysius Rex, aut salubriora Gubernij mandata, aut efficaciora  
defensionis arma vnquam de sua Turri poterat præstitisse.

Quanta Tu in gubernando & defendendo prompsisti documenta.

**VI TONANS** ex nomine, Leonis fortitudine Maior,

in Iustitia & Æquitate, etiam suauiores ciri ex Benignitate

& Affabilitate Tibi conciliasti laudes.

Et quid ultra ad Tuam felicitatem desiderari poterit?

Inflammarî erga Deum: Erudiri à Deo: ludicare secundum Deum

Politica hæc Verè est Angelica.

Dominari ratione: Virtute operari: Potestate nocentes reprimere:

Non Aristotelicam sed Diuiniorem sapit Ethicam.

Principari in difficilioribus: Tacere in secretioribus:

Non errare in particularibus:

Hierarchici est negotium meriti.

Quod dum inchoasti feliciter, perficies & laudabiliter

Sanctis in omni Via ANGELIS

**TE GVBERNANTIBVS ET DEFENDENTIBVS.**



# TVRRIS COSDROANA

SOLIS ET LVNÆ ÆMVLA,  
Altiolem profundioris Theologiæ Quæstionem,  
Lucido Tuo consecrat Ingenio  
Nobilis ac Spectabilis Domine

D. MICHAEL BEHM.

Cælestis Militiæ Princeps

DIVVS MICHAEL

*Solis imitatus cursum per Gratiam illuminantem,  
Secutus & motum Lune per liberi arbitrij flexibilitatem  
Supremam in Cælo movit Quæstionem.*

QVIS VT DEVS?

*(Non ad argenteas quippe quas Cosdroæ gerebat Turris, Luna & Solis hæc Quæstio pertinebat Statuas)*

Partem Negatiuam defendit ipse, Affirmantemque Luciferum  
ferreis ligauit argumentis nunquam sol. bilibus.

Hinc Vt Sol triumphans resplenduit

Et Vt Luna, rebelles noctis Vmbras fugauit

*Custos Legis Scriptæ saculæ, eidem vt nocti Luna præfuit*

*Nunc Princeps Ecclesiæ, supra Diem Euangelij & Sol. effulsit.*

Et Vobis Benè Optimi Behmij

Suos Divus Michiel abundanter communicat spléndores!

Quibus in Sarmatico Polo ac Metropolitana Vibe resullistis.

CLARISSIMVS PARENS MICHAEL

Semper in splendoribus Virtutis & Honoris, Philosophiæ & Medicinæ Doctor,

Metropolitani Consul, Sacrum Esculapij A tari dicatum thymia,ma,

Patauinarum Gloria Laurearum. Vniuersale Publicæ Alopecij, Linguæ, Manu.

Consilio, El xir: Cuius Honoris, tot Colossi Rhodiani quot Magni Behmorum consurrexere Atlantes?

EXCELLENTISSIMVS IOANNES PHILOSOPHIÆ DOCTOR ET PROFESSOR

Ad cursum Virtutis citius præcurrens, in Iagelloniano Archicircos, Stageriticis  
enutritus Colyphijs, etiam extra Sarmaticum excurrere Circum, Eruditionis,  
Prudentiæ, Pietatis, ac dulcioris Affabilitatis æquales ad circumferentiam descripsit  
Virtutum lineas, ad metam Solis semper medio tutissimus procedendo.

RELIGIOSISSIMVS MARTINVS S. T. DOCTOR ET PROFESSOR

Qui Scep trigeræ Matris humanorum quàm publicorum studiorum lacte educatus,

etiam Igne Eliabò Sacri Carmeli Arenensis accensus, ad centrum altioris

Sphæræ collimans, Sacræ Theologiæ Doctoralem Palmam de Scep trigeræ

Matris Manu. obtinuit: Historiographus Prouinciæ Polonoecarmelicanae

à Reuerendissimo Generali destinatus, quorum scripsit sancta, in se expressit

exempla: In Prouincialibus Capitulis Socius & Secretarius sæpenumero

factus, omnibus se amabilem exhibuit Dulcis Conprofessor.

Hæc Behmorum, ad Angelicos mores exercitata Virtus

Parem Te Solis & Lunæ agnoscit æmulum

MICHAEL LECTISSIME.

Tua in arduis actiuitas Te plusquam hominem demonstrat

*Qui nec blandientis Vulgi moueri Favonij*

*debet contradicentium redere Aquilonibus nōsti.*

Angelicam gerens mentem, TE CONSVLE dignum propalas Iudicium

Sol Tibi Veritas, ex qua triumphas: Luna Plena, Iustitia ex qua iustam

Lunaris geris administrationem: Pietas, Theologia ex qua, Qvis vt Deus?

optinè didicisti, dum in Parte Negatiua contra Luciferiana monstra Victor persististi?

Iure merito Metropolitanus es Angelus Terrestris

Qui Metropolitanis Familijs cælesti pietate, & gloria Virtutum splendentibus

Pryamiorum, Cyrorum, Lochmanorum, Krauzorum, Turcz korumque Tibi deuinctis,

Custodiam Honoris exhibere, Familiaritatis affabilioris Præsentiam

non denegare, Angelicum semper reputasti.

Ergo pro tantis in Te collatis Dei Beneficijs, sit ex Te

SALVS HONOR & VIRTVS OMNIPOTENTI DEO.



# NATURÆ ANGELICÆ

Beatitudo naturalis & supernaturalis, Illuminationes, Locutiones, cæteraque ministeria: necnon rebellium spirituum Malitia, Primum peccatum, & Pæna.

**A**NGELI fuerunt creati in beatitudine naturali. 2. non tamen supernaturali: 3. vnde ad conuertendum se in Deum, vt beatitudinis supernaturalis obiectum indiguerunt Gratiâ Auxiliante, tantâ indigentia, quod sine illa non potuerunt conuerti. 4. Omnes statim à principio habuerunt Gratiâ sanctificantem: 5. quam tamen acceperunt per propriam dispositionem: 6. licet eam non meruerint. 7. meruerunt tamen per ipsam æternæ gloriæ beatitudinem. *Ratio primi.* Quia Angeli à principio suæ conditionis habuerunt Dei vt Authoris naturæ cognitionem & dilectionem perfectissimam, necessariam, & inamissibilem, ad quam natura Angelica Viribus solis peruenire potuit; iam autem Beatitudo naturalis consistit in cognitione & dilectione Dei, vt Authoris naturæ perfectissima, tam *quoad substantiam*, vt prima cognitio quâ Angelus per suam substantiam Deum cognoscit, sit inseparabilis & necessaria: quàm *quoad modum*, vt illa operatio sit recta rectitudine morali, liberâ, & potenti deficere. *Ratio 2di.* Quia Beatitudo supernaturalis consistit in clara Dei visione Vt est in se; iam autem Angeli ab initio creationis suæ non viderunt Deum vt est in se Authorem Gloriæ; alijs alij nunquam peccassent, quia visio beatifica iungit intellectum cum Prima Regula rectæ operationis. *Ratio 3ti.* Quia voluntas Angelica non potest ferri in Deum beatificantem supernaturaliter, nisi adiuta per auxilium gratiæ; sicut & homo omni gratiâ destitutus, non potest conuerti in Deum supernaturalem quia beatitudo supernaturalis, est supra naturam cuiuscunq; naturæ creatæ, indebita, & impossibilis sine gratia; iam autem Appetitus rationalis non potest ferri in id quod est supra facultatem virtutis propriæ. *Ratio 4ti.* Quia sicut Deus in prima creatione mundi, omnibus creaturis indidit rationes seminales, tanquam ipsorum naturæ debitas proprietates; ita congruum fuit quod Deus in prima creatione spiritualis creaturæ infunderet Angelis gratiam sanctificantem, quæ est semen omnium donorum supernaturalium. *Ratio 5ti.* Quia Angeli in primo instanti, ex auxilio supernaturali, per motum liberi arbitrij se ad eam præparauerunt: & quod perfectiores fuerunt in naturalibus, eò intensiorem gratiam & gloriam receperunt; non ex hoc, quod naturalis vnius Angelii maior perfectio naturalis, extiterit Deo causa motiua conferendi eidem maiora dona supernaturalia, sed in hoc sensu, quod Deus ex mera sua liberalitate & sapientia voluerit eos Angelos maioribus donis gratiæ exornare, quos perfectioribus naturæ dotibus decorauit. Sicut ædificator ad expoliendam domum expoliens lapides, eò ipso quod aliquos pulchrius & decentius polit & aptat, videtur ipsos ad nobiliorem partem domus ordinare. *Ratio 6ti.* constat ex illo communi Axiomate. Principium meriti non cadit sub merito. Et ideo CHRISTUS in primo instanti conceptionis suæ gratiam non meruit, quamuis ad illam se disposuerit, per actum liberi arbitrij adiuti ex motione supernaturali. Et idem de Angelis cum proportionem dicendum. *Ratio 7mi.* Quia Beatitudo perfecta est Vltimus finis: hunc autem finem solus Deus habet per naturam: reliqua verò eundem assequuntur per operationem prout adiuta à gratia: Ergo & Angeli consecuti sunt beatitudinem supernaturalem per operationes ex gratia



gratia procedentes, priores beatitudine non solum naturâ sed etiam duratione; nam talis modus merendi beatitudinem, est connaturalissimus, semper merito effectiue concurrente ad causandum præmium.

II. ILLUMINATIO datur in Angelis, quâ vnus verè & propriè alium illuminat: 2. per solam propositionem obiecti accomodatam capacitati inferioris scilicet conceptus suos partitos & particularizatos iuxta captum inferioris ordinando ad illum: *Ratio primi.* Quia inter Angelos est ordo superioritatis & dignitatis, quo inferiores exceduntur à superioribus: hic autem ordo maximè elucet, si supremus Angelus immediatè à Deo veritatem addiscat, & Angelus alter immediatus inferior, eandem à superiori immediato Angelo, tanquam à Doctore Discipulus addiscat, & sic deinceps vsq; ad infimum: sic enim datur ordo intelligibilitatis, iuxta ordinem superioritatis & dignitatis, seruata causalitate illuminationis. *Ratio 2di.* Quia Angeli superiores cum vniuersaliores habeant species obiectorum representatiuas, ideo necesse est, quod Angelus superior volens communicare Angelo inferiori veritatem à Deo acceptam, debet ipsam diuidere & particularizare, vt Angelus inferior eandem percipere possit iuxta modum & capacitatem suam: vnde duo debent concurrere ad illuminationem: *Primum est* Ostensio & manifestatio Obiecti, prius ab Angelo inferiore incogniti: & hæc ostensio consistit in hoc quod Angelus superior veritatem aliquam in vniuersali acceptam, prius veluti masticer, diuidat, sicq; diuisam & masticatam proponat per locutionem Angelo inferiori; *alterum est*, Confortatio potentie Angeli inferioris, quæ consistit in hoc, quod Angelus superior illam veritatem in vniuersali acceptam masticando & diuidendo, communicat ei lumen intellectus quo eam illuminat, & hoc ipso reddit illam proportionatam intellectui Angeli inferioris; sicut Magister iuxta capacitatem discipuli proponendo veritatem eundem illuminat, & illius confortat intellectum.

III. LOCUTIO mutua datur inter Angelos: 2. quæ fit per hoc quod vnus voluntariè dirigit conceptus suos ad alterum Angelum *Ratio primi.* Quia Isaia 6. *Seraphim clamabant alter ad alterum* SANCTVS. T. q. Ad perfectam Angelorum societatem necessaria est mutua secretorum & voluntatum patefactio: quæ fit per locutionem. *Ratio secundi.* Quia quilibet Angelus plenum habet dominium supra suos conceptus internos: vnde vt Angelus constituatur *Loquens* debet dominium suum communicare alteri Angelo, & tunc alter Angelus iam erit *Audiens*, quia ea de quibus est locutio iam pertinent ad ipsum, ex communicatione dominij.

IV. HIERARCHIA ex parte Principis est vna: 2. ex parte multitudinis alia est Angelica alia humana: 3. Angelica Hierarchia triplex: 4. Et qualibet Hierarchia habet tres Angelorum ordines: 5. Et quilibet Ordo plures Angelos numerat. *Ratio primi.* Quia Hierarchia est sacer principatus eorum, qui in sacris communicant, id est qui à Deo specialibus illuminationibus reguntur: isti autem sunt tantum boni Angeli & boni homines, quibus vnus tantum est supremus Princeps DEUS. *Rat: 2di:* Quia vnus Principatus est, secundum quod multitudo vno & eodem modo potest Principis gubernationem percipere; iam autem Angeli percipiunt gubernationem ac illuminationem à Deo, secundum puritatem intelligibilem: & Homines secundum similitudines sensibilem, ideoq; Hierarchia Angelica distinguitur ab Humana. *Ratio 3tij.* Quia etiam Angeli non eodem modo illuminantur de Diuinis rationibus & secretis: nam *Supremi* Diuina secreta percipiunt in ipso Deo: *Medij* eadem vident in causis vniuersalibus creatis: *Infimi* eademmet intuentur in causis proximis. *Ratio quarti.* Quia Hierarchia est vna multitudo ordinata, quæ requirit plurimum partium inter se coordinationem, secundum diuersos actus & officia: & omnis ista diuersitas reducitur in communi ad tria scilicet Ad Summum, Medium, & Infimum



Infimum: vt patet in multitudine. Ciuitatis ordinata. *Ratio quinti.* Quia sicut Hierarchia est ordinatio graduum: ita Gradus (qui etiam dicitur Ordo) est ordinatio personarum eiusdem gradus; iam autem plures sunt Angeli eiusdem gradus: vg. plures Seraphim vt docetur Isaia 6to.

V. *PRESIDENTIA* Angelorum necessaria est supra creaturam corporalem: 2. quorum potestati quaelibet natura corporalis subiecta est immediatè quoad motum localem: 3. Miracula facere est extra adiuuitatem virtutis Angelicæ: 4. Homines illuminare possunt: 5. aut voluntatem humanam interiùs mouere non possunt. *Ratio primi.* Quia potestas corporea est particularis, & Angelica est Vniuersalis; iam autem Omnis potestas particularis regitur per vniuersalè: & maximè corporea per Angelicam, ad explenda Diuina mysteria. *Ratio 2di.* Quia inter omnes motus corporeos perfectior est motus localis, vt pote excludens potentiam ad aliquid intrinsecum; iam autem Natura inferior in sui supremo attingitur à Natura superiori, iuxta illud D. Dion: 7. cap. de Nom: Diu: Diuina sapientia coniungit fines primorum principijs secundorum. *Ratio 3ti.* Quia facere miracula soli Deo competit: iam autem quidquid Angeli operantur proprià virtute, non extra sed intra ordinè naturæ operantur. *Ratio 4ti.* Quia Angeli, Et proponunt veritatem intelligibilem hominibus sub similitudinibus sensibilibus: Et suà actione confortant intellectum humanū; etenim Illuminatio est manifestatio obiecti, & confortatio potentiae. *Ratio 5ti.* Quia solius est Dei immutare voluntatem ad intra, nam Deus est Creator voluntatis nostræ, & eiusdem Primum Principium tam in ratione Entis, quàm in ratione liberi.

VI. *MISSIO* Angelorum est à Deo: 2. in ministerium. 3. & qui mittuntur Assistentes non sunt: 4. licet missi sicut & Assistentes Deum videant per Essentiam. *Rat: 1.* Quia Angelus procedit à Deo, vt ibi sit, vbi priùs non erat, non enim est ubiq; cum sit Agens particulare; iam autem Mitti illud dicitur, quod ab alio procedit, vt incipiat esse vbi priùs non erat. *Rat: 2.* Quia Angeli nutu & Authoritate Dei Imperantis operantur: vnde eorum Actio quam exercent, in creaturam corpoream incipit à Deo, & ordinatur ad Deum, & fit vt obediatur Deo supremo Principi. *Rat: 3.* Quia Assistentes illi dicuntur, qui immediatè illuminantur ab ipso: Ministrantes verò qui mediatè de agendis illuminantur, & ad eadem exequenda, motu locali mittuntur. *Rat: 4.* Quia Christus dixit: Math: 18. *Angeli eorum semper vident faciem Patris mei qui in calis est:* ideoq; ex parte Visionis beatificæ, æquales sunt Assistentes & Ministrantes.

VII. *CUSTODIA* hominum bonis demandata est Angelis: 2. ita vt singuli homines à singulis Angelis custodiantur: 3. Personis Publicis præter particulare deputatur Angel' officij: 4. Christ' Domin' non habuit Custodē Angelū: 5. Beatissima V. MARIA habuit: 6. imò etiam pessimus Antichristus eundem habebit. *Pat: 1.* Quia iuxta Psal: 90. *Angelis suis Deus mandauit de te vt custodiant te.* T. q. Diuina Prouidentia statuit, vt mobilia regulentur per immobilia. *Rat: 2.* Quia sicut diuersis speciebus rerum, diuersi Angeli eiusdem ordinis præficiuntur: ita rationabile est, vt ex Diuina Prouidentia diuersis hominibus diuersi deputentur Angeli. *Rat: 3.* Quia officia quæ ad multitudinem pertinent, diriguntur per Principatus vel Archangelos: vnde homo in prælatione constitutus, in his quæ ad regimen multitudinis pertinent, illuminatur ab Angelo superioris Ordinis. *Rat: 4.* Quia Anima Christi, omnibus Angelis superior quoad gratiam; non quoad naturam, immediatè à Verbo Diuino illuminata fuit. *Rat: 5.* Quia Beatissima V. Dei Genitrix MARIA, ad acquirendum augmentum gratiæ, indignit ministerio Angelorum, per modum remouentis impedimenta, vt mens eius purissima, ab omnibus curis sæculi libera, soli semper vacaret Deo. *Rat: 6.* Quia sicut præciti in iudicium, & infideles etiam cum Antichristo, non priuantur interiori auxilio naturalis rationis, ita etiam non priuantur exteriori auxilio diuinitus concesso toti naturæ humanæ: s. custodia Angelorū per quam arcentur à multis malis, ne sibi magis, & alijs nocere possint.



VIII. PECCATUM repertum est in Angelis desertoribus: 2. nullaq; potest dari creatura intellectualis, quæ ex natura sua sit impeccabilis simpliciter: 3. Nec Potuit Angelus peccare in primo instanti creationis suæ contra legē quā cunque 3. *Primum* est de Fide. Ezech. 28. *Inuenta est iniquitas in te. Ratio. 2di.* Quia omnis natura intellectualis creata, hoc ipso quod sit *ex nihilo*, est defectibilis in suo esse; consequenter & in operari. Et quoniam hoc ipso quod creatura est defectibilis in modo operandi physicè, est etiam defectibilis in attingentia Obiecti & finis, ex qua sumitur rectitudo seu bonitas operationis moralis: subindeq; defectibilis in modo operandi etiam moraliter. *Rat: 3.* Quia Angelus in primo instanti creationis suæ primum iudicium præcū habet indispensablem & specialiter sibi à Deo infusum prout à primo motore speciali: vnde si in tali primo dictamine, & in actu voluntatis per illud regulato defectus error & peccatum reperiretur, ipsi Deo ut auctori speciali tribueretur: nam operatio quæ incipit cum esse rei, inest ei ab agente à quo habet esse.

IX. PECCATUM Primum in Angelis fuit peccatum Superbiæ: 2. cuius obiectum excellens fuit appetitus inordinatus quo appetit esse Deus: 3. per similitudinem quandam proportionalem: *Rat: 1.* Quia Isaia 14. dicitur: *Detrahta est ad inferos superbia tua.* Tum quia, Primum peccatum Angeli debuit consistere in affectu ad aliquod bonum spirituale (nam Angelus incapax est affectus efficacis circa bonum corporale) qui affectus cum nequireret esse deordinatus ex parte obiecti ut pote boni, consequenter debuit esse deordinatus, tantum ex parte modi appetendi illud s. absq; subiectione ad regulam superioris tanquam mensurā, dignitatis propriæ; iam autem Superbia est, nolle subijci regulæ superioris tanquam Mensuræ, dignitatis propriæ: sicut Inobedientia est nolle subijci regulæ superioris tanquam Legislatoris. *Rat: 2.* Quia iuxta Ezech: 28. *Dixisti. Deus ego sum.* Contra quod dictum S. Michaël præliari capit exclamans: *Quis ut Deus?* consequenter Superbia Luciferi fuit appetitus inordinatus quo appetijt esse ut Deus similitudinariē.

X. PENA Dæmonum maxima, est expulsio à Visione beatifica: 2. mansit tamen in illis post peccatum integra cognitio naturalis: 3. voluntas illorum in malo obstinata, nullum opus bonum morale facere potest 4. alliganturq; physicè ad loca pænalia per hoc, quod ignis inferni producat instrumentaliter quasdam Qualitates in dæmonibus, retardantes & impediētes potentias eorū operatiuas. *Primum.* constat Math: 24. *Discedite à me maledicti in ignem æternum qui paratus est diabolo & Angelis eius.* Vnde pæna ignis infernalis, est terminus ad quem secundarius ob commissam culpam, sed primarius est Expulsio à visione beata, per quam summi Boni ut est in se intuitivā ac satiativā priuantur possessione. *Ratio 2.* Quia post peccatum in dæmonibus mansit tam intellectus integer quā species illis infusæ, & ab eius Essentia naturaliter exstæ. *Ratio 3.* Quia diabolus est in statu damnationis; iam autem status damnationis importat carentiam omnis auxilij sufficientis procedentis à Divina gratia, requisiti ad bona opera salutaria faciendā; & etiam importat carentiam omnis auxilij efficacis ad aliquod bonum morale Ordinis naturæ; sicut status purgatorij importat carentiam & exclusionem omnis peccati actualis ibidem committendi. *Rat: 4ti* Quia attestante D Petro 2. Ep. c. 2. *Angelis peccantibus Deus non pepercit, sed rudentibus inferni detractos in tartarum tradidit cruciandos.* Cruciantur autem dæmones per alligationem physicā ad ignem & ad locum ignis, ita quod physicè impediuntur & retardantur eorum potentia ne alibi operentur quā in illo inferni determinato loco partialiter. Et talis alligatio est illis summè molesta, *primò* quia se opponit valdè, amplæ eorum naturali libertati, ratione cuius deberent se locare ubi Vellent: *Secundò* opponit se eorum Excellentia spirituali, ratione cuius deberent dominari omni corpori; hic autem inevitabilem ab igne corporali patiuntur servitutem. O Verè horrendā timendamq; gehennam, in qua attestante D. Gregorio *Mors sine morte, finis sine fine, quia Mors ibi vivit, & finis semper incipit.* O misericordissime Domine exclamo cū S. Augustino: *Hic Pre, hic secula, modò in æternū parcas, & eum D. Fulgentio lachrymabiliter supplico Domine da mihi modò patientiam, & postea indulgentiam.* Per CHRISTUM DOMINUM NOSTRUM REGEM ANGELORUM. Cui honor & gloria in sæcula sæculorum, Amen.



# TVRRIS THESA VRARIA ROMANA

VT OMNIBVS PROSIT

Angelicos Gratiarum Tibi fundit Thesauros

Nobilis ac Spectabilis Domine

**D. IOANNES PAVLE FRYZNEKER**

**S. R. M. Secretarie.**

Summa Angelicæ Naturæ Beatitudo

Felicitatis Tuæ arguit summam,

Ita Dotes quas illis natura obtulit à principio essendi præstantissimas,

Tibi Heroicus labor præstiterit ex condigno meriti floridissimas.

Excelsa animi Tui indoles egregia, extra iudicium ætatis fuit,

Cuius etiam in Vere, Autumnali fructum ipse Honor

gloriosâ refulsit coronâ.

Scribentes & Assistentes vt in Te exprimeres Angelos

Publicæ Totum Te dedicâsti Vtilitati.

Aurea Neronis Domus soli ipsi profuit ad luxum,

Tuus Aureus Veritatis in Metropolitano Notariatu Stylus

seruit Vniuersis ad Boni Publici æuiternam lucem.

Nec Spintharus sumptuosius Delphicum construere poterat Fanum

Quanto Tu Virtutum præstantissimarum nexu

Consularis Dignitatis exædificâsti Iusti & Æqui Oraculum.

Bizantium muros Mæliæ quadrato lapide in Vnam structuram compactos

facilius est disgregare

Quàm Te è quadrata sententiæ rectæ statione reuocare,

Namque Angelicum est, semel electa, tenere inflexibiliter.

Sed dum Angelos imitaris, simul Magni Parentis Tui

proximiora rimaris Vestigia Virtutis.

Qui in Metropolitano Senatu

Virtute, Meritis, Annis, Loco, Dignitate, Voce,

Consilio, Mandato, Executione

**PRIMVS AD OMNIA PAVLVVS.**

Inexpugnabilem Tanti Herois Vngaria experta est animum

Quàm ille, quia Cuius Patriæ, quia Pomi Aurei Custos, quia

Nobilis Panoniæ Indigena, Substantiâ, Honore, Virâ,

à Machumeticâ absoluerat Tyrannide

Skandeberkouianæ zelator Fortitudinis.

Gentilitiæ Virtutis ac Nobilitatis Aurea Stemmata, Aquilæ sacrauit Sarmaticæ

Quibus etiam Metropolitanæ fulgerent Turres.

Tanto Tu Totus Simillimus Patri.

Nobilitate, Virtute, Honore, Labore, ac multiplici quem Consularis

Luchinorum reaccendit nexus splendore,

Publicum in Te extruxisti Virtutis Thesaurum.

Publicâ omnium Te immortalitati commendante Voce.

Ecclesiæ, Patriæ, Vrbi, Doctis, Amicis, Necessarijs.

VT OMNIBVS PROSIS.



# TVRRIS ELEPHANTINA

CANDORE ET ROBORE NITENS

Cum candore & robore Angelico

Ad Tui candoris & roboris declinat Fortalicium.

Nobilis ac Spectabilis Domine

D. GEORGI KENTZ.

Ad Candorem Lucis Æternæ

Angeli zonâ puritatis præcinguntur.

In Omnipotentia Diuinæ Archigymnasio

Etiam cælestes dirigere machinas instruuntur.

Et Tu in Candore Virtutis, & Robore Stabilitatis, ex Vtroque Cæsar es,

Hoc duplici munere Deus Tuas decorat dotēs

Quas qui dignè non æstimat, in candidam Virtutem peccat & Senium.

Centuriata pro Bono Communi merita

Eius Te roboris Maximum Voluere Virum

Qualem sæcula optare possunt, tamen videre raro.

Pondus Diei & Æstus, multis annorum lustris

Meritissimus Populi sustinuisti Tribunus.

Eoque omnem direxisti conatum

Vt is suavi & forti legum concentui, dulci corresponderet harmoniâ.

Candido ex animo Senatui adscribi promeruisti,

Cuius Togam ad exercendam fortius Virtutem assumpxisti

CHARVS, DILECTVS, GRATIOSVS, CANDIDVS SEMPER,

Candidis enutritû moribus, ac Candido Academici Pectoris instructû animo,

duplicique coronatum Lauro Filium

Candidiori quia Seraphico consecrasti Ordini.

Præclaras Virtute, Antiquitate non fractas,

Clarissimorum Lopaccyorum, Winclerorum, Lupiorum, Barcinscyorum

fæderato nexu coadunatas Familias

Stylo Elephantino, Vt adscriberes Ebori Tuo

Solo candore decertasti,

Candidus in Filijs, Solatus in Nepotibus.

Trabeatâ temperatus Dignitate.

Suppares Cracouia tanto ponderi & oneri inuenit humeros

Quia Elephantinos.

Quodsi Trecentis Elephantes dicuntur viuere annis.

Et Tuus Elephantinus Candor

Tercentos Transcendet Olympiadas

Immortalitas ominatur Angelica

Georgianum persuadet Robur.

Et Incorruptibilis ominatur Candor

TVO EBORI CANDIDO.

FIAT, FIAT, FIAT.




# STATVS INNOCENTIÆ

PRIMORVM PARENTVM

IN PARADISO TERRESTRI HABITVS.

Aliorumque statuum naturam humanam concomitantium  
DIVERSITAS.



**STATVS INNOCENTIÆ** est primus, importans Priviligia nobilissima, quæ Deus T. O. M. nostro Prothoparenti Adamo, tum pro ipso, tum pro nobis illius posteris munificentissimè contulerat, quæ privilegia sex numerantur.

*Primum* PRIVILEGIUM Adamo collatum, fuit Iustitia Originalis, statim eidem in sui formatione infusa, animam sanctificans: 2. intellectum Fide supernaturali, Voluntatem verò Spe ac Charitate Theologicâ, nec non alijs donis Spiritûs Sancti ac Virtutibus moralib' infusis irradians: 3. Vnde hæc Iustitia Originalis adæquatè sumpta, prout scilicet includit omnia dona ac perfectiones, non erat vna simplex qualitas vel habitus: 4. inadæquatè autem id est secundum perfectionem primariam quam ponebat in anima, tanquam radicem & originem cæterarum considerata, erat habitus simplex & eiusdem speciei cum nostra gratia sanctificante.

*Ratio primi* Quia iuxta Eccl: 7. *Fecit Deus hominem rectum*. Rectitudo autem hominis quantum ad animam, de qua loquitur S. Scriptura, attenditur penes conversionem ad ultimum finem: & talis conversio est effectus gratiæ sanctificantis, ac charitatis supernaturalis.

*Ratio 2di.* Quia sicut ad animam rationalem tanquam ad principium radicale consequuntur intellectus & voluntas, ita ad Gratiam sanctificantem consequuntur Virtutes Theologicæ, quæ subiectionem in intellectu & voluntate. Vnde Adâ omnes Virtutes partem inferiorem cū superiori cōponentes habuit quoad actum quæ nullam important imperfectionem v. g. Iustitiam, & quoad habitum quæ aliquā important imperfectionem v. g. misericordiam.

*Ratio 3ti.* Quia vnus & idem habitus non potest diuersas corporis & animi facultates regere, aut in subiectis tam differentibus residere; iam autem Iustitia Originalis includit multas rectitudines: *primò* subiectionem corporis ad animam, *2dò* Appetitûs sensitiui ad rationem, *3tiò* subiectionem rationis ad Deum. Et hæc tertia est causa secundæ, & secunda primæ. Quæ rectitudines in diuersis reperiuntur subiectis vt de se patet.

*Ratio 4ti.* Quia Iustitia Originalis primordialiter pertinebat ad essentiam animæ; iam autem Gratia sanctificans primordialiter residet in anima: Virtutes autem resident in potentijs animæ. Vnde sicut v. g. Logica Docens & Vtens est vnus Habitus, & tamen diuersa sortitur nomina, ex diuerso munere: ita eadem quoad essentiam Gratia & Habitus dicitur Gratia Sanctificans quatenus est Causa sanctitatis; & principium meriti Vitæ æternæ: & dicitur Iustitia Originalis, quatenus erat radix triplicis subiectionis scilicet Corporis ad animam: partis inferioris ad superiorem: & rationis ad Deum: Differunt tamen inter se Modaliter quia Gratia sanctificans quæ nobis nunc confertur, non est radix doni integritatis, subiectionis, immortalitatis: quorum omnium Iustitia Originalis fuerat radix.

SECUNDVM PRIVILEGIUM Adæ collatum, fuit Cognitio ineffabilis mysterij Sanctissimæ Trinitatis & Incarnationis: 2. ac plenitudo scientiæ omnium naturalium: 3. etiam ipsius Dei vt Authoris naturæ: 4. non tamen eiusdem Visio per Essentiam: 5. in illoque felicissimo statu antequam peccaret nec decipi aut errare: 6. nec etiam venialiter peccare valuit. *Ratio primi.* Quia Adam in illo felicissimo statu habuit Fidem Theologicam, cuius obiectum sunt Articuli tam ad Diuinitatem quam ad Vnionem Hypo-

staticam



staticam pertinentes. Ideoque ex reuelatione cognouit Adam mysterium Sanctissimæ Trinitatis: Mysterium Incarnationis cognouit quantum *ad Substantiam*, non verò quantum *ad Motuum*, in quantum .s. ordinabatur ad redemptionem generis humani, & satisfactionem pro peccato originali: non enim Adam præsciuit peccati sui: cum enim peccatum sit malum maximum etiam vt imminens apprehensum, ideo cum florentissimo Innocentiæ statu non est compatibile.

*Ratio 2da.* Quia Adam institutus est vt esset principium non solum quoad generationem, sed etiam quoad instructionem & gubernationem; ideoque vt sapientissimus imposuit nomina rebus.

*Ratio 3ta.* Quia in illo statu Adam videbat Deum per speculum *clarum*: nos nunc per *obscuratum* ob peccatum. Beati in Patria Facie ad Faciem.

*Ratio 4ta.* Quia videns Deum per Essentiam, peccare non potest; iam autem primus homo per propriam Voluntatem auersus est à Deo.

*Ratio 5ta.* Quia Error & Deceptio per se pertinent ad malum pænæ; iam autem in Paradiso deficiente culpâ, non poterat adesse pæna.

*Ratio 6ta.* Quia ex vi doni Integritatis, status Innocentiæ, ab intrinseco exigebat præseruare hominem ab illis peccatis quibus non amitteretur: & talia sunt peccata venialia; iam autem ab intrinseco non exigebat præseruare hominem ab alijs peccatis quibus amitteretur & corrumpere: & talia sunt peccata mortalia: ideoque in illo statu non potuit homo peccare venialiter, antequam peccaret mortaliter. Et dato quod Deus imposuisset præceptum obligans solum sub veniali, adhuc Adamus non potuit transgredi tale præceptum, nisi post amissam Iustitiam Originalem: quia non poterat deordinari circa media, priusquàm esset deordinatus circa finem. Et quamuis Deus potuisset *absolute* imponere tale præceptum sub veniali tantum, non tamen *ex suppositione* statûs Innocentiæ, in quo ex perfecta sibi subiectione appetitûs sensitui ad rationem, & rationis inferioris ad superiorem, & superioris ad Deum vltimò finalizantem, nullum peccatum esse potuerit.

TERTIVM PRIVILEGIUM fuit Potestas & Dominum *primò* in omnia animalia iisdem imperando: *2da.* in omnia inanimata & plantas iisdem vtendo: *3tio* principaliter in suas Vires sensitivas. .s. in Irascibilem & Concupiscibilem per imperium easdem rationi subiiciendo: *4to* in omnes homines eos gubernando, non dominio seruili & despotico, sed regali & monarchico: *5to.* Fuissetque inter homines æqualitas quoad substantiam in illo statu si perseverasset: & inæqualitas in accidentibus.

*Ratio primi.* Quia imperfectiora sunt ad vsum perfectiorum; iam autem Homo est quid perfectum. T. q. Prouidentia Diuina semper inferiora gubernat per superiora. T. q. Illud quod est per participationem, subditur ei quod est essentialiter seu vniuersaliter tale; iam autem in solo homine est prudentia vniuersalis, gubernatiua, & practicè imperatiua.

*Ratio 2da.* Quia sicut viribus naturalibus & suo corpori homo dominatur, non quidem imperando sed vtendo: ita etiam iuxta aliquem modum dominij, quo dominatur existentibus in seipso, dominatur inanimatis & plantis, iisdem vtendo. *Ratio 3ta.* Quia in illo statu sicut Deus dominatur homini inferiori per imperium, ita homo ordinatè subiectus Deo dominabatur etiam per imperium *Irascibili* quæ est potentia actiua, cuius actualis tendentia est per modum actionis in obiectum bonum, id est acquirendo victoriam supra id quod est aduersum naturæ, & semper sequitur apprehensionem *Æstimatoriæ*: Deinde *Concupiscibili*, quæ est potentia passiva, cuius actualis tendentia est per modum recipientis, in obiectum delectabile, trahendo illud (non intentionaliter prout trahit ad se potentia cognoscitiua) realiter vt recipiatur in ipso animali: & semper sequitur apprehensionem *Imaginatoriæ*, Quæ duæ potentiæ ex coniunctione ad intellectum in eodem supposito sunt perfectiores quàm in alijs animalibus, ideoque capaces gubernij & natæ ad obedi-

endum



endum rationi. *Ratio 4<sup>ta</sup>.* Quia Dominium seruile & despoticum importat ordinationem subditi ad bonum Domini; consequenter importat tristitiam ac pœnam florentissimo illi statui repugnantem. Iam verò Dominium monarchicum & regale importat ordinationem subditi, ad bonum ipsius subditi *vel* ad bonum commune. Vnde libenter in illo statu, inferiores superioribus, minùs doctiores doctissimis, minùs sanctiores sanctissimis subijcerentur propter se. T. q. In illo statu homo erat animal sociabile Ergo opus erat vno dirigente & intendente bonù. *Ratio 5<sup>ta</sup>.* Quia in illo statu, stante vnitae specificâ, tam quoad naturam, tam quoad gratiam, poterat esse diuersitas, *tum* ex parte corporis, & quoad sexum, ætatem, & complexionem: *tum* ex parte animæ per liberum arbitrium operantis, ideoque iuxta voluntariam applicationem quidam magis quidam minùs profecissent in iustitiâ & scientia.

QUARTVM PRIVILEGIUM fuit Immortalitas seu potentia non moriendi: 2. Impassibilitas; 3. ciborum salubrium necessitas: 4. & per lignum vitæ ab omni corruptione præseruans securitas. *Ratio 1<sup>mi</sup>.* Quia homo in Paradiso *contra primâ causâ mortis* quæ est pugna quatuor elementorû contrariorû hominem componentium, habuit Iustitiam Originalem, quæ sicut *Integritatis* subijciendo inferiorem appetitum superiori, ita & *Immortalitatis* subijciendo corpus ad animam, tanquam potentiam receptiuam ad suum actum informantem, erat fons, radix & principium. *Contra secundam causam mortis*, quæ est calor naturalis depascens humidum radicale, habuit arborem vitæ, cuius esu humidum radicale ad primæuam reduceretur perfectionem. *Contra tertiam causam mortis* quæ est Agens extrinsecum, vg. animal venenatum, inimicus homo, Dæmon &c. habuit singularem Dei Prouidentiam, singularem Angelicæ custodiæ assistentiam, ac singularem propriam prudentiam; ad euitanda quæcunq; mala extrinseca; consequenter Immortalitas erat non quòd haberet impotentiam moriendi, sed quia habebat potentiam non moriendi, non ex conditione naturæ, sed ex Originali Iustitia. *Ratio 2<sup>di</sup>.* Quia Adam in statu Innocentiæ, erat passibilis passione solû *Perfectiuâ* id est ad bonum naturæ ordinatâ: quales sunt intellegere, velle, sentire, dormire, passionibus communiter dictæ: non tamen passione *Destructiuâ* per contrariarum qualitatuum pugnam, tollente naturalem dispositionem: quæ dicitur propriè passio. *Ratio 3<sup>ty</sup>.* Quia Adâ in illo statu ducebat virâ animalē, ideoq; indigebat cibo passibili, quo corpus eius fiebat passibile solû passione perfectiuâ. Et quia omnium arbor naturas cognoscebat, ideo iuxta dictamen prudentiæ salubriores stomacho ac palatui suauiores fructus ad vescendû seligebat.

*Ratio 4<sup>ti</sup>.* Quia in statu Innocentiæ pro homine producta fuit Arbor vitæ seu lignum vitæ, *Vel* vt legunt Hæbrei lignum vitarum: *partim* quia homini longissimam promittebat vitam, humidum radicale consumptû refarciendo, & ad pristinam puritatem reducendo: *partim* quia omnes vitas .s. vegetatiuam, sensitiuam & rationalem in suo robore conseruabat *partim* quia non vni Adæ sed omnibus eius posteris, si status Innocentiæ perseuerasset, vitam illam aliquomodo immortalem suppeditasset.

QVINTVM PRIVILEGIUM est, quòd ex primis parentibus ordinariâ generationis methodo: 2. Filij & filiæ descendentes: 3. mox nati etsi non habuissent sufficientem virtutem ad mouendum membra ad quoscunq; actus, nisi ad actus pueritiæ conuenientes: 4. adhuc tamen antequam nascerentur simul cum rationalē haberent animâ iusti essent, & nati fuissent cum Iustitia Originali & Gratia: 5. quæ tamen eis non fuisset naturalis: 6. In scientia quoq; prius imperfecti, quam processu temporis sine difficultate acquisiissent.

*Ratio primi.* Quia in statu Innocentiæ intentionem principalem naturæ cessari est inconueniens; iam autem de intentione principali naturæ erat vt multitudo indiuiduorum humanorum vt pote ex parte corporis corruptibilem, per ordinariam generationis methodum propagaretur. *Ratio 2<sup>di</sup>.* Quia diuersus sexus pertinet ad diuersitatem naturæ humanæ; vt patet ex

diuersi-



diuersitate graduum in Vniuerso. *Ratio 3<sup>ty</sup>*. Quia naturale est quod propter maximam celebri humiditatem in pueris, nerui qui sunt instrumenta motus non sunt idonei ad mouendum membra: *Ratio 4<sup>ti</sup>*. Quia Iustitia Originalis est donum diuinitus datum, toti naturæ; ideoque filij in hoc dono nati parentibus assimilarentur tanquam in accidente speciei: sicut & nunc in statu naturæ lapsæ assimilamur in peccato Originali, parentibus nostris. *Ratio 5<sup>ti</sup>*. Quia Iustitia Originalis non fuisset transfusa per Virtutem seminis, sed fuisset collata homini desuper cum habuisset animam rationalem: sicut etiam statim dum corpus est dispositum, infunditur à Deo anima rationalis, quæ tamen non est ex traduce. *Ratio 6<sup>ti</sup>*. Quia naturale est homini vt scientiam per sensus acquirat: ideoque anima vnitur corpori, quia indiget eo ad suam propriam operationem: quod non esset si statim à principio scientiam haberet. Nonacquisitam per virtutes sensitivas. Ex quo sequitur infantes non habituros vsum perfectum rationis.

**SEXTVM PRIUILEGIUM** fuit locus ipse Paradisi *Corporeum* quia propter hominem corporeum: *Particularis*, quia ad orientem sub zona temperata: *Magnificus* scientiæ boni & mali arbore, ibidem producã: ab euentu sic dictã, inquantũ post peccatum Parentes nostri ex vsu vetitæ arboris incurrerunt omne malum, *Practicè* illud cognoscendo, quod ante peccatum *Speculatiuè* illis erat cognitum, dum cognoscebant speculatiuè differentiam inter bonum & malum. *Durans etiam nunc*, Quia in illum translatus est Enoch. Nec perijt aquis diluuij ex speciali Dei prouidentia.

2. **STATUS INTEGRITATIS** est alter quem habuerunt nostri Parentes, importans appetitũ sensitiui ad rationem & ipsius rationis ad Deum plenam ac perfectam subiectionem: 2. quam primus homo habuit ex coniunctione ad iustitiam Originalem: *Ratio primi*. Quia natura humana sine statu integritatis, esset regnum in se diuisum, concupiscente carne aduersus spiritum, *Ratio 2<sup>di</sup>*. Quia status Integritatis nunquam fuit solus sine statu Innocentiæ: sicut intellectus nunquam sine voluntate

3. **STATUS NATVRÆ LAPSÆ** est tertius qui cæpit à primi parentis peccato superbiæ. 2. & Inobedienciæ ac gulæ: 3. Spoliavitque totam naturam humanam in primo homine Iustitiã Originalem, alijsque supernaturalibus: 4. eadẽque Vulnerauit in potentijs naturalibus. *Ratio primi*. Quia iuxta Eccl. 10. *Initium omnis peccati est superbia*. *Ratio 2<sup>di</sup>*. Quia primus homo ex amore propriæ excellentiæ contempsit Præceptum Dei, cui contrarietatis comedit de ligno Vetito. *Ratio 3<sup>ty</sup>*. Quia Adam sicut acceperat Iustitiã Originalem & pro se, & pro omnibus posteris, cum pacto transfundendi illam in eosdem si perseuerasset: ita non perseuerans amisit eandem & pro se & pro nobis omnibus, vt pote donum toti naturæ humanæ collatum; ac perconsequens amisit omnia dona supernaturalia quæ ab Iustitiã Originali promanabant: solaque remansit in eo fides informis & spes tanquam perfectiones ipsius personales. *Ratio 4<sup>ti</sup>*. Quia Per peccatum Originale accepimus primum Vulnerus Ignorantiæ quã hebetatur intellectus ad cognitionẽ veri: 2<sup>um</sup> Malitiæ quã retardatur voluntas à prosecutione boni honesti: 3<sup>ium</sup> Concupiscentiæ quã appetitus concupiscibilis ex iridescit in bonum delectabile contrarium rationi: 4<sup>um</sup> Infirmitatis quã Irascibilis ad prosecutionẽ boni ardui languet: Ipsum autem peccatum Originale est totius naturæ languor ac febris.

4. **STATUS NATVRÆ REPARATÆ** est quartus, qui cæpit à Domino Iesu Christo Salvatore nostro: 1. Per eius passionem, Adam primus homo, salutem æternam est consecutus: *Primum* est de Fide. *Secundum* D. Nazianzenus asserit dicens: *Verumq;* (Parentes primos.) *Serpens decepit, verumq;* **CHRISTVS** passionẽ suã salute donauit.

5. **STATUS NATVRÆ PURÆ**, nunquam re ipsã solus fuit à parte rei. Quia Deus creaturas quas rationales creauit, non reliquit in ipsorum ordine purè naturali & exacto ab intrinseco, verum eleuauit ad beatitudinem supernaturalem: tam Angelis quàm Primis parentibus, tribuens gratiam sanctificantem.

6. **STATUS NATVRÆ GLORIFICATÆ** est vltimus executione: primò inchoatus à **CHRISTO** in eius sacrosancta Incarnatione quantum ad animæ partem superiorem; redoundauit abundantissimè in eius corpus, stante triumphali gloriã resurrectione: ad dexteram æterni Patris collocatus est, transactã mirabili Ascensione. Ergo Naturam humanam in **CHRISTO** glorificatam sequamur in passionum tolerantia, virtutumque profectus; & nunc gratiam, post vitæ decursum gloriam assequemur; Per Iesum Christum Dominum

Nostrum Cui Honor & Gloria in sæcula sæculorum.

A M E N



# T V R R I S L I B A N I

PARADISO CONTERMINA

Vernantes Tibi exhibet Cedros

Nobilis ac Spectabilis Domine

**D. A N D R E A K R A V Z.**

Felicissimus Primorum Parentum in Paradiso status

Sola Cedro digna expostulat facta.

In quorum excelsum præmium

**GLORIA LIBANI DATA EST EI.**

Gloriam Libani & Krauziana obtinuit Virtus

Quæ Dignior Cedro

Materia æternorum facta est simulachrorum.

**STANISLAUS KRAVZ PARENS TVVS DILECTVS**

Æternum Virtutis Simulachrum.

Cuius Consularis Grauitas, Virtutis Nobilitas

Prudentiæ Dexteritas

**CEDRO CELSIOR OMNI**

Docuit & Exercuit

Terrestres Penates & Filios Excellos soli debere viuere

Immortalitati Gloriosæ.

Cuius antecedentem Virtutis fructum

Nonus semper occupat in Krauzijs successui honoris gradus.

Domestica Vobis Consularis Dignitas

Quia Priuilegia Paradisi in Vestris Archiuijs asseruastis

Potestatis & Dominijs,

Quod quatuor Virtutum Cardinum fluminibus

Phisone Prudentiæ Gubernatiuæ, Geone Iustitiæ Adæquatiuæ,  
Tygride Fortitudinis Repressuæ, Euphrate Temperantiæ Compressuæ

Ad immortalem irrigatur Gloriæ Abundantiam.

**AQVÆ QVÆ FLVVNT IMPETV DE LIBANO**

Nitidos, Fluidos, Præclaros, Dyaphanos dixeris

Węgrzynouicyos, Rolenfeyos, Perutos, Puczkones, Celestos,

Qui de Libano Krauziano euocauere Sponfas.

Nec minor Vestri Libani Gloria

**FRANCISCVS NOMINE, PROFESSIONE DOMINICVS.**

Gradu, Eloquio, Meritis,

**VERITATIS PRÆDICATOR.**

Et Vester in Vestro exaltabitur ad parem gradum Libano

**SEBASTIANVS KRAVZ**

Sic omnium Vestrûm Virtute Viuificante.

**ET NVNC TVVS PRÆCLARE ANDREA LIBANVS**

Paradiso ob Virtutes præcellas conterminus

**FRVCTV, ODORE, IMMORTALITATE,**

ipsum transcendens Olympum

**SEMPER MANEAT FLORIDISSIMVS.**



# TVRRIS ANNIBALINA

A D S A L V T E M

Contra pericula mortis Te Magnum Veneratur Apollinem

Clarissime Nobilis ac Spectabilis Domine

**D. IOANNES ZAIACZKOWICZ.**

Philosophiæ & Medicinæ Doctor. S. R. M. Secretarie & Medice.

Magnus Annibal Heros, ut dominaretur orbi  
multas extruxit Turres, at multis eas oppugnantibus ad mortem.

Felicius Tu noster Apollo ut imperares morti

Annibalinas extruxisti Turres, omnibus eas in habitantibus ad salutem.

Ex Arbore Vitæ Tuum desumitur Recipe

Qui omnia ad normam componis Paradisi

NOBILISSIMORVM PISONORVM Sanguine tangens Portum  
Quos illi in Serenissima Regina BONÆ promeruere Honores Aula,

Eosdem Tu ex Serenissima Dexterâ

SERENISSIMI IOANNIS III.

gloriosa ob merita obtinuisti,

Et quas ipse Sfortius Princeps vidit ac Veneratus est Pisonorum Virtutes,  
natio, ex murice omnes cessere Tibi.

In Iagelloniano positus Paradiso

nouum Te Periclymenum exhibuisti

Quia Totus in Scientiæ Arborem abiisti.

In laboriosissimo Virtutum collocatus statu

Annibalis animo Pyreneos montes felicius superasti

Qui coram Patavino Archilyceo

Secreta Naturæ intra Pyreneos abscondita

in Lucem ac Triumphum deduxisti gloriosius

MAGNIFICVS NATVRÆ PROPVGNATOR.

Hinc Magnum Metropolitanæ Turres Te salutârunt Apollinem

Magnoque simul donauere folio

Maioribus quàm Alcibiades Socrati oblati Honoribus.

Zenonis in Te Areopagus Metropolitanus probauit Virtutem

Ideoquæ non solas, Atheniensi ex æstimatione, Ciuitatis Tibi dederunt Clauces

Nec ex Beneficio Cæsaris, Ausonium inaugurauere Senatorem

Magnis verum ex meritis Metropolitanam concessere Curulem

iâ Proconsularibus destinata Fascibus

SOLENNI, CONCORDI, LIBERA ELECTIONE.

Nec Magnum quoque Tibi est Antiquorum adæquare Gloriæ Medicorum

Ni maius fuisset Domesticis, Bassis, Opocznijs Gasouijs Gutterijsque annumerari,

Et ni gloriosius corrigisset Clarissimis aggregari Viris

ŁOPACCYIS, SLESZKOWSCYIS, REYNEKIERVIS, WOSINSCYIS,

SŁOWAKOWIUS, NOSTRI ORBIS, ET ÆVI GALENIS.

E R G O

TRIUMPHES VICTOR CONTRA PERICVLA MORTIS

GLORIOSVS ANNIBAL IN APOLLINE

A D S A L V T E M.



# TVRRIS PHARIA

CYNOSURA NAVIGANTIVM  
SENILIS, CANDIDA, & EXPERIMENTALIS  
TVA PRÆSTANS EST ERVDITIO

Nobilis ac Spectabilis Domine  
D. MARTINE MISIECKI

S. R. M. Secretarie

Inclyti Senatûs Cracouiensis  
CANCELLARIE DIGNISSIME.

Regnorum Vehere Fortunam  
Soli nôrunt Mnestei, Segestei, & Palinuri.

Quibus Taurominitana minantur pericula  
Et Maleæ formidolosa occurrunt mala

ELICE NON ILLVCENTE.

Magnæ Sapientiæ Tuæ  
Magnum hoc encomium est.

Inter Syrtes Iurium & Charybdes litigantium

Embolo tangere Propontidem.

Iason, Tiphys, Castor, etiamsi Tritoniâ Vehantur Naui  
non tamen Velleris aurei tangent littora

Vbi Pharos lucere desierit.

TALEM TE SENATVS POPVLVSQVE NOVIT METROPOLITANVS  
COMMUNE PROMONTORIVM & VNIVERSALEM PHARVM.  
Consiliorum Enceladum: Melitum Eloquentiæ: Nymphodorum

Temperantiæ: Veritatis Magistrum.

Omnes Illuminas, Dirigis, Doces.

Etiam versûs Colchos nauigare peritissimus.

Omnium Virtutes, Praxes Iuridicas, Astrologicas, Politicas, penetrâsti.

Domestico coruscus lumine.

Præclarissimas Metropolitanarum Affinitatum accendisti faces.

Incontaminato mentis niueæ candore.

GRATISSIMVS, FELICISSIMVS, PISSIMVS.

Cuius Pharia Turris hâc Pietatis semper fulgeat Coronide

BENEDICTVS DEVS.





